





幼學詩選



幼學詩選序

某等持某詩選來請
余就此中為幼學撰
為余曰有此又何撰
曰彼卷數頗多詩會
吟席携行不便先生
便之於是乎隨讀點
出之取与捨殆相半
遂得千四百數十餘
首又加平生所記百
餘首而授之一日偶
訪友生語次自笑曰

余儒生而不欲讀書
頃為幼學閱詩卷數
日間讀三千首如何
懶惰先生亦有時乎
可謂勤矣生曰撰詩
不容易曰出一小冊
見示取見之則先師
山陽翁所輯唐絕新
選也先讀其例言取
捨如照大鏡玉石無
所逃乃獨語曰如此
而始謂之選則可余

輩之所為錄耶集耶
况翁少時好唐絕吟
誦有年乃有得於心
者余也匆匆中一時
觸目以為不可實
兒戲耳所謂聖益聖
愚益愚讀者謂之何
不覺首縮汗沾背嘿
然者久之既而徐展
眉撫頤乃睥睨曰咄
矣此舉也將欲行於
大人先生間歟多見

不知其量也。嗚呼是
幼學詩選也。弘化丁
未冬月美濃村瀨藜
泰乙撰併題於尾城
之僑居南窓下



幼學詩選目次

乾

節序類 九丁

禁省類 十一

宴會類 十五

閑適類

尋訪類

遊覽類

贈答類

送別類

客旅類

坤

感慨類 一丁

悼傷類

仙釋類

憑吊類

征戍類

宮掖類

閨閣類

歌曲類

詠古類

農桑類

圖畫類

詠物類

幼學詩選乾之卷

美濃

邨瀨藝泰乙撰

尾張

寺西詮嗣山

杉野蕘子進校

節序類

立春

金克懷英

水結東溪凍未澇風陵枯木
怒猶威不知春力來多少便
有青蠅負暖飛

早春

唐韓愈

天街小雨潤如酥草色遙看
近却無最是一年春好處絕
勝烟柳滿皇都

正月十五日

熊孺登

漢家遺事今宵見楚郭明燈
幾處張深夜行歌聲絕後紫
姑神下月蒼蒼

元夕

明湯珍

火樹銀花巧鬪明笙歌聲湧
滿春城月華西轉星河澹猶
有香車取次行

元宵

清陶姬

滿城無處不張燈笙韻元宵
響沸騰惟有學吟人愛靜小
樓坐看月高升

寒食

唐韓翃

春城無處不飛花寒食東風
御柳斜日暮漢宮傳蠟燭青
烟散入五侯家

寒食

金侯冊

交游零落葉辭枝歲月崢嶸
馬注坡燕子不來寒食過滿
城風雨落紅多

鄜州遇寒食城外醉吟

唐韋莊

滿街楊柳綠絲煙畫出清明

二月天好是隔簾花影動女
郎撩亂送鞦韆

襄陽寒食

于鵠

烟水初銷見萬家東風吹柳
萬條斜大堤欲上誰相伴馬
踏春泥半是花

寒食夜

唐韓偓

惻惻輕寒剪剪風杏花飄雪
小桃紅夜深斜搭鞦韆索樓
閣朦朧煙雨中

寒食夜

宋蘇軾

漏聲透入碧窗紗人靜鞦韆
影半斜沈麝不燒金鴨冷冷
雲籠月照梨花

清明

唐杜牧

清明時節雨紛紛路上行人
欲斷魂借問酒家何處有牧
童遙指杏花村

清明

明 瞿佑

經年踏蹬在京華，又見東風
御柳斜。客裏不甘佳節過，借
人亭館，看梨花。

清明感傷

宋 戴復古

客中今日最傷心，憶着家山
松樹林。白石岡頭聞杜宇，對
他人墓，亦沾襟。

清明日舟次吳門方岳

蓬牖恰受夕陽明，楊柳梨花
半月程。老去不知寒食近，一
篙烟水載春行。

清明日偶成

明 袁宗

窗下修書寄遠人，燕泥時復
浣衣巾。東風催下清明雨，鶯
老花殘又一春。

清明山遊

清 畢海琬

路折村橋一徑賒，綠楊烟外

酒帘斜。東風細雨催寒食，開
遍青山郁李花。

雒口清明

王士禛

楊柳依依綠映沙，每逢佳節
惜年華。好春欲暮無人見，閑
看東風落杏花。

上巳

宋 楊万里

正是春光最盛時，桃花枝映
李花枝。鞦韆日暮人歸盡，只
有東風弄彩旗。

上巳看花

明 楊基

東湖東畔柳絲長，滿苑飛花
亂夕陽。何處被除兒女散，過
來流水鬱金香。

春日

宋 晁仲之

陰陰溪曲綠交加，小雨翻萍，
上淺沙。鶯鴨不知春去盡，爭
隨流水趁桃花。

春日

蘇軾

鳴鳩乳燕寂無聲，日射西窗潑眼明。
午睡醒來无一事，只將春酌賞春晴。

春日

呂祖謙

短短菰蒲綠未齊，汀洲水暖雁行低。
柳陰小艇無人管，自送流花下別溪。

春日

張拭

花柳芳洲十日晴，五更風雨送殘春。
莫嫌紅紫都吹盡，新綠滿園還可人。

春日

僧法具

燒燈過了，客思家獨立衡門。
數暝鴉，燕子未來梅落盡，小窗明月屬梨花。

春日

金劉鐸

翠微深處幾人家，風颺輕塵。

可壁沙寒勒野桃，開較晚向陽纔有，雨三花。

絕句

宋吳濤

游子春衫已試單，桃花飛盡野梅酸。
怪來一夜蛙聲歇，又作春風十日寒。

春景

元劉因

病餘身世淡無情，但覺春來暖漸生。
送客出門花已謝，問知前日是清明。

春曉偶成

金涓

清晨睡起覺衣單，亭館東風怕倚欄。
一夜好春吹作恨，梨花寂寞雨鳩寒。

春晝

明居節

沉香江暖燕未時，紅白花深桃李枝。
草色一簾門半掩，卧看雙蝶趁游絲。

春夜

宋 蘇軾

春宵一刻直千金，花有清香月有陰。
歌管樓臺人寂寂，鞦韆院落夜沉沉。

春夜

王安石

金爐香盡漏聲殘，剪剪輕風陣陣寒。
春色惱人眠不得，月移花影上欄干。

春夜

王同祖

迢迢清夜靜無譁，月色江城噪亂鴉。
酒醒忽覺寒徹骨，不知殘雪在梅花。

春晚

宋 方岳

青梅如豆帶煙，垂紫葳成拳。
着雨肥，只有小橋楊柳，外杏花未肯放春歸。

暮春二首

元 貞性之

吳娃二八正嬌容，鬪草尋花

趁暖風，日暮歸來春困甚，鞦韆閑在月明中。

惜花公子愛春晴，駿馬驕嘶

曉出城，半醉歸來人共看，笑將金彈打流鶯。

暮春即事

宋 楊万里

花時追賞夜將朝，花過遲眠日儘高。
又與山禽爭口腹，執竿挾彈守櫻桃。

暮春即事

高翥

輕烟終日鎖樓臺，細雨絲絲半濕苔。
杜宇一聲青嶂外，溪流時送落花來。

暮春

元 僧善住

紅藥花開春欲歸，綠楊陰暗燕爭飛。
晚來一陣東風雨，又送餘寒上客衣。

暮春吟

宋 邵雍

暮春吟

五

林下居常睡起遲那堪車馬
近來稀春深晝永簾垂地庭
院無風花自飛

春感

明潘高

江水悠悠泛畫橈東風何處
不魂消春歸萬里無消息又
過垂楊舊板橋

送春

唐羅鄴

欲別東風刺黯然亦知春去
有明年世間爭奈人先老更
對殘花一醉眠

三月盡日

李昌符

江頭從此管絃稀散盡遊人
獨未歸落日已將春色去殘
花應逐夜風飛

初夏

宋曾鞏

雨過橫塘水滿堤亂山高下
洛東西一番桃李花開後惟

有青青草色齊

夏意

宋蘇舜欽

別院深深夏簟清石榴開遍
透簾明樹陰滿地日亭午夢
覺流鶯時一聲

夏日雜題

陸游

午夢初回理舊琴竹爐重炷
海南沈茅簷三日蕭蕭雨又
展芭蕉數尺心

已未夏日雜興

元僧善住

纖纖碧草與階齊濃綠陰中
杜宇啼花院晝長聽正好帶
聲飛過粉牆西

山亭夏日

唐高駢

綠樹陰濃夏日長樓臺倒影
入池塘水晶簾動微風起一
架薔薇滿院香

夏夜追涼

宋楊萬里

夜熱依然午熱同，開門小立
月明中。竹深樹密蟲鳴處，時
有微涼不是風。

大暑

金趙元

旱雲飛火燎長空，白日渾如
墮甑中。不到廣寒冰雪窟，扇
頭能有幾多風。

六月念三日立秋

宋楊万里

暑中剩喜立秋初，特地西風
半點無。旋汲井華澆睡眼，灑
將荷葉看跳珠。

立秋

明龔勗

烟雲暗澹仲宣樓，荏苒年華
逝水流。白首鄉山千里外，滿
城風雨又新秋。

初秋

清張實居

風颯西風拂薜蘿，炎天伏枕

一時過山中，事事秋來好。只
恐浮雲變態多。

七夕

唐李邕

烏鵲橋頭雙扇開，年年一度
渡河來。莫嫌天上稀相見，猶
勝人間去不回。

七夕

宋戴復古

天上銀蟾曲似鉤，万家簫鼓
響新秋。從來世事皆兒戲，不
獨人間乞巧樓。

七夕

元趙雍

初月纖纖照露臺，枉將瓜果
鬧嬰孩。今宵自有經年約，何
暇間情送巧來。

中元玩月

清張光啓

小臺露坐月東生，松影參差
酒數行。且向今宵邀一醉，中
秋未可定陰晴。

早秋月夜

唐 雍陶

身悶伴月夜深行風觸衣裳
四體輕為見近來天氣好幾
篇詩興入秋成

社日

王駕

鵝湖山下稻梁肥豚栅雞埭
半掩扉桑柘影斜秋社散家
家扶得醉人歸

秋思

劉禹錫

山明水淨夜來霜林樹深紅
映淺黃試上高樓清到骨豈
如春色嫩人狂

秋夕

宋 朱熹

一雨涼生杜若洲月波微漾
綠溪流茅簷歸去無塵土淡
薄閑花繞舍秋

江上秋夜

僧道潛

雨暗蒼江晚未晴井梧翻葉

動秋聲樓頭夜半風吹斷月
在浮雲淺處明

九日

唐 韋應物

今朝把酒復惆悵憶在杜陵
田舍時明年九日知何處世
難還家未有期

九日

張諤

秋葉風吹黃颯颯晴雲日照
白鱗鱗歸來得問茱萸女今
日登高醉幾人

九日

宋 戴復古

醉來風帽半欹斜幾度他鄉
對菊花最苦酒徒星散後見
人兒女倍思家

九日

明 李攀龍

黃花白髮病中新壁上常懸
漉酒中九日空齋似寒食更
無風雨亦愁人

九日憶山中兄弟

唐王維

獨在異鄉為異客，每逢佳節倍思親。
遙知兄弟登高處，遍插茱萸少一人。

九日同于鱗賦 明吳國倫

秋深木落雁南飛，客裡風光欲授衣。
燕市酒酣聊共賦，龍山家在未能歸。

九日憶家 清萬夔輔

尋詩遠遍一籬花，落葉聲中日易斜。
斜憶得高堂臨別語，授衣時節望還家。

初冬作贈劉景文

宋蘇軾

荷盡已無擎雨蓋，菊殘猶有傲霜枝。
一年好景君須記，正是橙黃橘綠時。

冬日即事 高翥

江上凝冰約水紋，門前殘雪綴溪雲。
杖藜獨立梅梢月，成就清寒到十分。

都中冬日 載復古

脫却鸛裘付酒家，忍寒圖得醉京華。
一冬天氣如春暖，昨日街頭賣杏花。

冬夜 明蘭廷瑞

枕上詩成夜思澄，起尋筆硯旋呼燈。
銀瓶取浸梅花水，已被霜風凍作冰。

歲晚書事三首 宋劉克莊

書生元不信機祥，老去無端慮事詳。
白髮社巫來報吉，明朝深井更苦牆。

主公晚節治家寬，婢僕奴驕

號令難圓在屋邊，情種菜井

臨砌畔怕澆蘭

白容鷄衣立戶前豈知儂自

窮殘年深人酒媪連猶緩且

送添丁上學錢

除夜作

唐高適

旅館寒燈獨不眠客心何事

轉悽然故鄉今夜思千里霜

鬢明朝又一年

除夕

明汪道昆

沈水香燒寶鴨空長筵酒煖

蠟燈紅可憐萬戶千門裏斷

送年華是曉鐘

擘省類

十五夜御前踏歌詞

唐張說

華萼樓前雨露新長安城裏

太平人龍銜火樹千燈艷雜

上蓮花萬歲春

上皇西巡南京歌二首

李白

誰道君王行路難六龍西幸

萬人歡地轉錦江成渭水天

迴玉壘作長安

劍閣重閔蜀北門上皇歸馬

若雲屯少帝長安開紫極雙

懸日月照乾坤

宮詞

王建

金殿當頭紫閣重仙人掌上

玉芙蓉太平天子朝元日五

色雲車駕六龍

王涯

瞳瞳日出大明宮，天樂遙聞在碧空。
禁樹無風正和暖，玉樓金殿曉光中。

長安秋夜

李德裕

內官傳詔問戎期，載筆金鑾夜始歸。
萬戶千門皆寂寂，月中清露點朝衣。

題館壁

宋劉攽

壁門金闕倚天開，五見宮花落古槐。
明日扁舟滄海去，却從雲氣望蓬萊。

晚出右掖門

秦觀

金爵觚稜轉夕暉，飄飄宮葉墮秋衣。
出門塵漲如黃霧，始覺身從天上歸。

館中直宿書事

韓駒

十載名山慣杖藜，清都直宿

夢魂疑卧，聞長樂鐘聲近尚憶寒山半夜時。

直宿玉堂有感

范成大

雪山刁斗不停搗，夜把軍書敢顧家。
珍重玉堂今夜夢，靜聞宮漏隔宮花。

早赴北宮

金鄭攄

蒼龍雙闕鬱層雲，湖水鱗鱗柳色新。
絕似江行看清曉，不知身是趁朝人。

早朝口占

明錢宰

四鼓蓼蓼起着衣，午門朝見尚嫌遲。
何時得遂田園樂，睡到人間飯熟時。

早至闕下候朝

高啓

月明立傍御溝橋，半啓宮門未放朝。
駟吏忽傳丞相至，火城如畫曉寒銷。

書事

方孝儒

伏枕三旬不整冠，夢魂時復對金鑾。忽聞盛事披衣坐，今日朝廷立諫官。

被詔直內閣印事

胡儼

浩蕩東風雨散絲，暗移春色上花枝。雲陰半捲龍樓曉，正是詞臣退直時。

迎鑾曲三首

邊貢

自采民風問老農，微行不遣近臣從。那知天子闕天象，到處雲成五色龍。

楊子江頭駐六師，太平天子賞功時。紅雲影亂黃龍艦，白日光搖繡虎旗。

潮落江門煙水秋，雲帆月下過揚州。西京馳道三千里，夾

岸垂楊接御溝。

諸將入朝歌三首

何景明

大將龍旗朝帝京，至尊親遣貴臣迎。侍中獨領嫖姚部，戰馬皆歸龍虎營。

郡公陪宴柏梁臺，殿上傳呼萬壽盃。元戎節鉞來江上，使者樓船泛海回。

戰士歸來盡武冠，紫纓驅馬跨金鞍。可憐萬國城頭月，照見沙場白骨寒。

萬壽節

石星

憶昔聯班覲壽闈，御鑪香焰霽金扉。逢時飲上千秋鏡，雲水蒼茫隔京畿。

苑中寓直

夏言

湧玉亭前夜放舟，碧荷香淨

雨初收遙看北岸紅煙裏水
殿珠簾盡上鉤

行宮後苑賜宴敬賦

清查慎行

華貂環座盡公侯特許詞臣
與宴遊滿引金樽歌既醉謝
恩齊上木蘭舟

圓明苑泛舟恭賦

張廷玉

烟波清迴泛輕航蘋末風生
六月涼此景祇應圖畫見十
洲三島水中央

恭送回鑾

徐倬

龍帆徐颺彩雲飄拜送霓旌
望斗杓白髮雖甘青嶂老丹
心猶戀紫宸朝

放內苑諸禽

陳沂震

三年調養在雕籠放出初飛

先舊叢祇為恩深不能去朝
來還繞上陽宮

宴會類

洛陽客舍逢祖詠留宴

唐蔡希寂

綿綿漏鼓洛陽城客舍貪居
絕送迎逢君買酒因成醉醉
後焉知世上情

席上

韋蘇州

高髻雲鬟宮樣粧春風一曲
杜韋娘司空見慣渾閑事斷
盡蘇州刺史腸

對月答元明府 戴叔倫

山下孤城月上遲相留一醉
本無期明年此夕遊何處縱
有清光好對誰

花下醉

李商隱

尋芳不覺醉流霞倚樹沈眠
日已斜客散酒醒深夜後更
將紅燭照殘花

三月晦日贈劉評事

賈島

三月正當三十日風光別我
苦吟身共君今夜不須睡未
到曉鐘猶是春

貴侯園

宋 穆脩

名園雖自屬侯家任客閑遊
到日斜富貴位高無暇出主
人空看折來花

謝寇相公見訪

魏野

晝睡方濃向竹齋柴門日午
尚慵開驚回一覺遊仙夢村
巷傳呼宰相來

過外弟飲

王安石

一自君家把酒杯六年波浪
與塵埃不知烏石岡頭路到
老相尋得幾回

贈辛老

蘇軾

嗟予與子久離群耳冷心灰
百不聞若對青山談世事當
須舉白便浮君

吉祥寺賞牡丹

人老簷花不自羞花應羞上
老人頭醉歸扶路人相笑十
里珠簾半上鉤

集于昌齡舍

孔平仲

一醉昏昏萬不知黃昏促席
夜深歸明朝唯見家人說昨
夜歸時雪滿衣

飲歸

元 方回

激盪紅深百盞流醉歸不覺
路迢迢臨分情味慙慙甚暗

遣人扶過畫橋

寒食逢社賢良飲

明高啓

楊柳無煙江水長鄰家風雨
杏錫香逢君共把金陵酒忘
却今朝在異鄉

趙侍御席上

沈夢麟

春城飛絮日顛狂簾幙風微
燕子忙醉後不知羅袖薄牡
丹花上月如霜

贈沈介軒

沈翊

錦繡湖山罨畫樓君家住
在小瀛洲洞簫吹上花間月十
二珠簾不下鉤

留鄒麗農

清宗元鼎

新開蘭蕙正芳菲初到鮪魚
入饌肥正是風光好三月如
何拋却渡江歸

春除日洪慶之過飲

高承埏

憐君卧病已經旬出郭尋春
却送春歸路只應乘醉眼楊
花如雪倍愁人

江上期汪松研不至

王元勳

相期江上采芙蓉行盡前灘
尚未逢空見林梢明月出淡
煙城郭起疎鐘

閑適類

山中荅俗人

唐李白

問余何意棲碧山笑而不荅
心自閑桃花流水杳然去別
有天地非人間

山中與幽人對酌

兩人對酌山花開一杯一杯
復一杯我醉欲眠卿且去
朝有意抱琴來

解悶

杜甫

高胡離別下陽州憶上西陵
故驛樓為問淮南采貴賤老
夫乘興欲東遊

江上所居

顧況

家在雙峰蘭若邊一聲秋磬
發孤烟山連極浦鳥飛盡月
上青林人未眠

江村即事

司空曙

罷釣歸來不繫船江村月落
正堪眠縱然一夜風吹去只
在蘆花淺水邊

山居

武元衡

身依泉壑將時背路入烟蘿
得地深終歲不知城郭事手

栽松竹盡成林

宿賣使君莊水亭

白居易

使君何在在江東池柳初黃
杏欲紅有興即來閑便宿不
知誰是主人翁

夜涼

露白風清庭戶涼老人先着
夾衣裳舞腰歌袖拋何處唯
對無絃琴一張

東城晚歸

一條筇杖懸龜榼雙角吳童
控馬銜晚入東城人不識短
靴低帽白蕉衫

晚秋閑居

地僻門深少送迎披衣閑坐
養幽情秋庭不拂携藤杖閑
踏梧桐黃葉行

青溪村居

燕孺登

深樹黃鸝曉一聲林西江上

月猶明野人早起無他事貪

繞沙泉看笋生

葑夷陵幽居

李涉

負郭依山一徑深万竿如束

翠沈沈從來愛物多成癖辛

苦移家為竹林

疾愈步庭

陸暢

挑紅李白覺春歸強步閑庭

力尚微從困不扶靈壽杖恐

驚花裏早鶯飛

初醒

雍陶

心事得勝暫拋愁醉卧涼風

拂簟秋半夜覺來新酒醒一

條斜月到床頭

老圃堂

薛能

邵平瓜地接吾廬穀雨乾時

偶自鋤昨日春風欺不在就
床吹落讀殘書

鄆杜郊居

温庭筠

槿籬芳樹近樵家麥隴青青

一徑斜寂寞遊人寒食後夜

來風雨送梨花

春夕酒醒

陸龜蒙

幾年無事傍江湖醉倒黃公

舊酒壚醒後不知新月上滿

身花影倩人扶

自遣

無多藥圃近南榮合有新苗

次第生稚子不知名品上恐

隨春艸鬪輸贏

閩鄉寓居

吳融

六載抽毫侍禁闈不堪多病

決然歸五陵年少如相問阿

對泉頭一布衣

晴景

王駕

雨前初見花間，葉雨後無
葉庭花，蝴蝶飛來過，鶯
疑春色在隣家。

溪興

杜荀鶴

山雨溪風捲釣絲，瓦甌蓬底
獨斟時，醉來睡着無人喚，流
下前灘，也不知。

春日晏起

韋莊

近來中酒起常遲，卧見南山
改舊詩，開戶日高春寂寂，數
聲啼鳥上花枝。

書齋漫興

翁承贊

官事歸來夜雪埋，兒童燈火
小茅齋，人家不必論貧富，唯
有讀書聲最佳。

夏日城中作

僧齊己

竹低莎淺雨濛濛，小檻幽窗

暑月中有境牽懷，人不會東
林門外翠橫空。

春書偶書

宋 寇準

白晝偶成芳草，夢起來幽興
有誰知，風簾不動黃鸝語，坐
見庭花日影移。

自作壽堂因書一絕以志

之

林逋

湖上青山對，結廬墳前，脩竹
亦蕭疎，茂陵他日求遺稿，猶
喜曾無封禪書。

暑中閑詠

蘇舜欽

嘉果浮沈酒半醺，牀頭書冊
亂紛紛，北軒涼吹開疎竹，卧
看青天行白雲。

冬日偶書

謾走聲名三十年，亦曾文采
動君前，玉顏皓齒他人樂，獨

守殘燈，理斷編。

夏日西齋即事 司馬光

榴花映葉未全開，槐影沈沈
雨勢來。小院地偏，人不到，滿
庭鳥跡印蒼苔。

靜夜

午夜空齋四悄然，清寒透骨
不成眠。秋風故揭疎簾，起正
漏。月華未枕前。

谿陰堂

蘇軾

白水滿時雙鷺下，綠槐高處
一蟬吟。酒醒門外三竿日，卧
看谿南十畝陰。

病告

公退清閑如致仕，酒餘懽適
似還鄉。不妨更有安心法，卧
看紫簾一炷香。香散

南堂

掃地焚香閉閣眠，簟紋如水
帳如烟。客來夢覺渾無事，揭
起西窓浪接天。

秋意題邢敦夫扇

秦觀

月團新碾瀾花蘂，飲罷呼兒
課楚詞。風定小軒無落葉，青
蟲相對吐秋絲。

春雨中偶成

張耒

春陰只與睡相宜，卧聽鳴禽
語復飛。一縷斷香浮不散，何
人深院畫薰衣。

懶起吟

邵康節

半記不記夢覺後，似愁無愁
情倦時。擁衾側卧未快起，簾
外落花綠亂飛。

庚子年還朝飲酒作

韓駒

三年逐客卧江皋，自與田翁酌小槽。飲買茅柴，諳苦硬，不知如蜜，有香醪。

婆娑園

崔鷗

晚禽噪竹，百千翅。殘菊橫枝，三兩花。好在山園，養衰疾。風波不到野人家。

江樾軒書事

曾紆

卧聽灘聲，潚潚流。冷風淒雨，似深秋。江邊石上，烏白樹。一夜水長，到梢頭。

絕句

呂希哲

老讀文書，典易聞。須知養病不如閑。竹牀瓦枕，虛堂上卧。看江南雨後山。

春日作

陳與義

朝來庭樹有鳴禽，紅綠扶春上遠林。忽有好詩生眼底，安

排句法，已難尋

雨過

水堂長日淨鷗沙，便覺京塵隔髻華。夢裏不知涼，是雨卷簾微濕在荷花。

晨起

朱熹

朔風吹盡暮雲平，室暖爐紅睡達明。但恠朝來滿山白，不知昨夜打窻聲。

絕句二首

歐陽鈇

桑麻得雨更青葱，芍藥留春結晚紅。怪得鳥聲如許好，此身還在亂山中。

為憐紅杏亞枝斜，看到斜陽送亂鴉。又是一春窮不死，天教留眼看鶯花。

宴坐菴

范成大

五更風竹鬧軒窻，聽作江船

浪動牀，枕上翻身尋斷夢，故人待漏滿靴霜。

寒夜獨步中庭

忍寒索句踏霜行，刮面風來，鬚結冰，倦僕觸屏呼不應，梅花影下一窗燈。

閑居初夏午睡起二首

楊萬里

梅子留酸軟齒牙，芭蕉分綠與窗紗，日長睡起無情思，閑看兒童捉柳花。

松陰一架半弓苔，偶欲看书又懶開，戲掬清泉灑蕉葉，兒童誤認雨聲來。

夏月頻雨

一番暑雨一番涼，真箇令人慶日長，隔水風來知有意，為吹十里稻花香。

秋日郊居

陸游

行歌曳杖到新塘，銀闕瑤臺無此涼，萬里秋風菰米老，一川明月稻花香。

記夢

信命從來不問天，經旬無酒亦陶然，夢為估客揚州去，水調聲中月滿船。

雨夜

庭院蕭條秋意深，銅爐一炷海南沈，沈幽人聽盡芭蕉雨，獨與青燈話此心。

小軒

砧杵聲中歲月流，小軒風露一簾秋，人問走遍心如石，分付寒螿替說愁。

夏日雜題

東吳五月黃梅雨，南浦孤舟

白髮翁貂紳朝冠金絡馬多
年不入夢魂中

晚涼

竹簟平鋪八尺床脫巾高卧
對疎篁近村得雨知何處此
地無風亦自涼

秋興

村酒甜酸市酒渾猶勝終日
對空樽茅齋不奈秋蕭瑟踏
雨來敲野店門

東窗

寂寂東窗午夢殘更堪春雨
作春寒蠻童未報煎茶熟一
卷南華枕上看

小園

小園煙草接隣家桑柘陰陰
一徑斜卧讀陶詩未終卷又
乘微雨去鋤瓜

冬夜聽雨戲作

透簷點滴如琴筑支枕幽齋
聽始竒憶在錦城歌吹海七
年夜雨不曾知

枕流軒

郭綽

招提避雨寄孤眠夜靜溪聲
到枕邊引得五湖清入夢拍
天波浪一漁船

夏日西湖閑居

汪莘

十里湖山苦見招柳隄荷蕩
赤闌橋待他朝市人歸後獨
泛扁舟吹玉簫

夏日閑坐

徐璣

無數山蟬噪夕陽高峰影裏
坐陰涼石邊閑看清泉滴風
過微聞松葉香

山居

朱繼芳

宿雨初乾一杖藜欲呼漁艇

訪前溪碧挑花落無尋處惆
悵人間日又西

山眠

方岳

借得松風一覺眠旋燒枯葉
煮山泉人間蟻垤公侯夢不
到梅花紙帳邊

數日

趙師秀

數日秋風欺病夫盡吹黃葉
下庭蕪林疎放得遙山出又
被雲遮一半無

絕句

黃梅時節家家雨青草池塘
處處蛙約客不來過夜半閑
敲碁子落燈花

寒夜

杜耒

寒夜客來茶當酒竹爐湯沸
火初紅尋常一樣窓前月纔
有梅花便不同

題葉靖逸東菴

周端臣

一菴自隱古城邊不是山林
不市廛落月半窓霜滿屋卧
聽宰相太朝天

晚涼

毛珣

窓前洒地着胡床浴罷閑來
坐晚涼更取壁燈移暗處待
他月上竹邊牆

偶題

杜範

雲外亂山方約畧雨中平野
更淒迷有人支枕篷窓底卧
看群牛渡野溪

吳氏池上

王道可

半畝方塘浸碧瀾綠窓深鎖
曉光寒主人日日拋香餌引
得游魚聽拍闌

山居雜頌

僧如壁

禪堂茶罷卷殘經竹杖芒屨

信脚行山盡路迴，人跡絕竹
維時作雨三聲

無題

僧凌原

忙裏偷閑未得閒，買書幾帙
不曾看，旋鋤月地，移蘭種，又
費工夫，縛矮蘭。

廬山雜興二首

僧惠洪

幽花疎竹冷，稍雲江北江南
正小春，但得青山常在，眼不
妨白髮暗隨人。

別開小徑入松關，半在雲間

半雨間，紅葉滿庭人倚檻，一

池寒水動秋山

不出

金劉仲尹

好詩讀罷倚團蒲，唧唧銅餅
沸地爐，天氣稍寒吾不出，懼
偷分坐與狸奴。

野堂

王庭筠

雲自知歸鳥自還，一堂足了
一生閑，門前剥啄定，佳客簷
外，屣顏皆好山。

雜詩

劉豫

竹塢人家傍小溪，數枝紅杏
出疎籬，門前山色帶烟重，幽
鳥一聲春日遲。

西城雨中

周昂

草露幽香不動塵，細蟬初向
葉間聞，溟濛小雨來無際，雲
與青山澹不分。

即事

一床安置似僧居，白髮忘梳
動月餘，嬾性漸成愁，把筆小
詩常擬債人書。

楓塘別業

元尹廷高

白雲缺處露檐牙，雞犬相聞
僅數家，幽鳥不啼林寂寂，滿

山黃霧落松花

靜芳亭

袁楠

簾外羣山當畫屏，白雲如水
度中庭。松花落徑無人拂，失
却菴苔一半青。

醉起

薩都刺

楊柳樓心月滿牀，錦屏繡褥
夜生香。不知門外春多少，自
起移燈照海棠。

露坐

張翥

官街人靜鼓鼕鼕，獨坐中庭
滿扇風。墜地一絲和露濕，青
蟲懸在月明中。

用前韻序山家幽寂之趣

葉顥

夕陽香迳逐東風，短策輕扶
數落紅。信步偶隨流水去，不
知身到白雲中。

閑居

仇遠

鳥雀喧啾未肯棲，狂風吹樹
影離披。屋邊尚有斜陽在，更
看山人一局碁。

小園即事

陳深

淡黃楊柳着煙輕，細草茸茸
襯屐行。行到水邊心會處，夕
陽一樹杏花明。

春日閑居雜興

馬臻

花底飛觴酒浪翻，纔迎春至
又春殘。日斜客散爐烟盡，自
洗蜜瓶挿牡丹。

絕句

僧石屋

茅屋低低三兩間，團團環繞
盡青山。竹床不許閑雲宿，日
未斜時便掩關。

睡起

僧本誠

花下拋書枕石眠，起來閑漱

竹間泉小窻石鼎火猶煖殘
燼時飄一縷烟

湖村菴即事 僧維則

竹根吠犬隔谿西湖雁聲高
木葉飛近聽始知雙櫓響一
燈浮水夜船歸

晚晴 明韓奕

水國秋來少見晴夕陽忽映
小窻明西風颯颯林間葉乍
聽猶疑是雨聲

漫興 史遷

灑東烟樹杜陵家百尺深潭
似浣花布袖龍鍾筇竹杖也
勝裘馬在天涯

偶睡 高啓

竹間門掩似僧居白荳花開
片雨餘一榻茶烟成偶睡覺
來猶把讀殘書

春日懷江上

一川流水半村花舊屋南隣
是釣家長記歸蓬載春醉雲
籠殘照雨鳴沙

山中懶睡 王守仁

掃石焚香任意眠醒來時有
客談玄松風不用蒲葵扇坐
對青崖百丈泉

醉着 孫一元

瓦瓶倒盡醉難醒獨抱漁竿
卧晚汀風露滿身呼不起一
江流水夢中聽

雨中漫興 楊慎

風裊芭蕉羽扇斜雲峯苔壁
對蒼牙滿城連日黃梅雨開
遍金釵石斛花

春日睡起 盧澐

深巷無人靜掩扉桃花香暖

午風微小，窻睡起支頤坐，閒看鶯巢燕子飛。

水榭

吳廷暉

谿聲到枕驚春夢，露氣入簾生夜寒。自起開門看明月，和花移過曲闌干。

春日南垞雜詩

清朱彝尊

移種盆松七尺強，欲充車蓋蔽斜陽。不知黛色成陰日，此地何人結草堂。

雜詠

先著

移植甘蕉為綠陰，經年長大已成林。天寒霜落休輕剪，恐有秋來未死心。

消夏詩

袁枚

不着衣冠近半年，水雲深處抱花眠。平生自想無官樂，第一驕人六月天。

山居雜興

馮班

秋氣清寒病骨知，亂蛩聲裏欲眠遲。月明半夜誰敲戶，應是山人得好詩。

孫園剪牡丹歸

王陸提

尋春閒訪野人家，扶醉歸來日未斜。買得扁舟小於葉，半容人坐半容花。

尋訪類

過崔處士林亭

唐王維

綠樹重陰蓋四隣，青苔日厚自無塵。科頭箕踞長松下，白眼看他世上人。

三日尋李九莊

常建

雨歇楊林東渡頭，永和三日盪輕舟。故人家在桃花岸，直

到門前溪水流

休暇日訪王侍御不遇

韋應物

九日驅馳一日閑尋君不遇

又空還怪來詩思清人骨門

對寒流雪滿山

草堂村尋羅生不遇

岑參

數株溪柳欲依依深巷斜陽

暮鳥飛門前雪滿無行徑應

是先生出未歸

赴李少府莊失路

皇甫冉

君家南郭白雲連正待天晴

弄石泉月照烟花迷客路蒼

蒼何處是伊川

訪隱者不遇

竇鞏

籬外涓涓澗水流槿花半照

夕陽收欲題名字知相訪

恐芭蕉不耐秋

過鄭處士

白居易

聞道移居村塢間竹林多處

獨開闕故來不是求他事暫

借南亭一望山

曲江夜歸聞元八見訪

自入臺來見面稀班中遙得

揖容儀早知相憶來相訪悔

待江頭明月歸

訪山家

長孫佐輔

獨訪山家歇還涉帶屋斜連

隔松葉主人聞語未開門繞

籬野菜飛黃蝶

城西訪友人別墅

雍陶

澧水橋西小路斜日高猶未

到君家村園門巷多相似處

處春風扣殼花

過南隣花園

莫怪頻過有酒家，多情最是惜年華。春風堪賞還堪恨，纔見開花又落花。

訪友人幽居

落花門外春將盡，飛絮庭前日欲高。深院客來人未起，黃鸝枝上啄櫻桃。

訪隱者不遇

高駢

落花流水認天台，半醉閑吟獨自來。惆悵仙翁何處去，滿庭紅杏碧桃開。

尋隱者不遇

宋魏野

尋真誤入蓬萊島，香風不動松花老。採芝何處未歸來，白雲滿地無人掃。

訪陳處士

蔡襄

橋畔脩篁下，碧谿君家元在

此橋西。未時不似人間世，日

暖花香山鳥啼。

對雪憶往歲錢塘西湖

訪林逋 梅堯臣

昔乘野艇向湖上，泊岸去尋高士。初折竹歷籬，曾礙過却穿松下，到茆廬。

金陵訪楊氏 陳輔

北山松粉未飄花，白下風輕麥浪斜。身似舊時王謝燕，一年一度到君家。

訪石林 劉一止

山行不用瘦藤扶，度石穿雲意自徐。夜過西巖投宿處，滿身風露竹扶疎。

題吳公輔庵 陳東

一逕縈迴屋數間，我來聊欲

寄清閑道人杖履知何處空
鎖煙霞萬疊山

過故家

樓鑰

團團桂樹擁蒼牙舊日輕香
滿樹花惆悵秋清無一葉空
餘枯枿絕寒瓜

訪中洲

姚鏞

踏雨未歇柳下門荷香清透
紫綃裙相逢未暇論奇字先
向水邊看白雲

期袁卿見過因出失值

寄詩謝之

明高啓

非閑遠出負幽期自是江邊
枉棹遲誰道空回君恨切未
應如我到家時

上菁山訪張山人

張羽

此日尋君竟不逢閑行直到

最高峰歸時已是斜陽後惆
悵荒山寺裏鐘

訪某駙馬

孫賁

青春駙馬不還家公主傳宣
坐賜茶十二玉欄春侶海隔
窓閑殺碧桃花

毛園萃芳亭與沈中白

丘月渚同賦

楊慎

繚垣洞屋鎖煙霞五色離披
百種花客子看來猶駐馬主
人何事不歸家

夜過張子不遇 皇甫汸

偶隨明月過君家幽徑無人
自落花書帙亂抽青玉案尚
餘螢火掛窓紗

訪劉山人不遇

李攀龍

南窓狼藉數卷書階下蒼苔
罷掃除似是隣人邀作社不

然應釣錦川魚

汝思見過林亭

五柳陰陰遍酒清一杯須見
故人情明朝馬上聽黃鳥不
似樽前喚友聲

訪友

清 王仔園

亂鳥棲定夜三更樓上銀燈
一點明記得到門還不扣花
陰悄聽讀書聲

通州道上過故人居

金 潢

城北城南數里遙青山依約
似相招西風驅背沈吟客疎
雨殘易舊板橋

遊覽類

春行寄興

唐 李 華

宜陽城下草萋萋澗水東流
復向西芳樹無人花自落春
山一路鳥空啼

望廬山瀑布

李 白

日照香鑪生紫烟遙看瀑布
挂長川飛流直下三千尺疑
是銀河落九天

峨眉山月歌

峨眉山月半輪秋影入平羌
江水流夜發清溪向三峽思
君不見下渝州

滁州西澗

韋應物

獨憐幽草澗邊生上有黃鸝
深樹鳴春潮帶雨晚來急野
渡無人舟自橫

絕句

杜 甫

西窗黃鸝啼翠柳一行白鷺
上青天窗含西嶺千秋雪門
泊東吳萬里船

宿石邑山中 韓翃

浮雲不共此山齊山靄蒼蒼
望轉迷曉月暫飛千樹裏秋
河隔在數峰西

洛中即事 竇鞏

高梧葉盡鳳巢空洛水潺湲
夕照中寂寂天橋車馬絕寒
鴉飛入上陽宮

山店 盧綸

登登山路何時盡泱泱溪泉
到處聞風動葉聲山犬吠一
家松火隔秋雲

城東早春 楊巨源

詩家清景在新春柳嫩鶯黃
色未白若待上林花似錦出

門皆是看花人

逢鄭三遊山 盧仝

相逢之處花草茸峭壁攢峰
千萬重他日期君何處好寒
流石上一株松

同張籍遊曲江寄 韓愈

白舍人

漠漠蛭陰晚自開春天白日
映樓臺曲江水滿花千樹有
底忙時不肯來

堤上行 劉禹錫

酒旗相望大堤頭堤下連檣
堤上樓日暮行人爭渡急漿
聲鳴軋滿中流

自朗州至京戲贈看花

諸君子

紫陌紅塵拂面來無人不道
看花回玄都觀裏桃千樹盡

是劉郎去後栽

與賈島閑遊

張籍

水北原南草色新，雪消風暖不生塵。
城中車馬應無數，能解閑行有幾人。

同韓侍御南溪夜賞

喜作閑人得，出城南溪兩月。
逐君行忽聞新命，須歸去一夜舩中語到明。

隄上行

劉禹錫

江南江北望煙波，入夜行人相應歌。
桃葉傳情竹枝怨，水流無限月明多。

上香鑪峯

白居易

倚石攀蘿歇病身，青筇竹杖白紗巾。
他時畫出廬山障，便是香鑪峰上人。

香山避暑

紗巾草履竹疎衣，晚下香山踏翠微。
一路涼風十八里，卧乘籃輦睡中歸。

和裴相公傷水閑行絕句
行尋春水坐看山，早出中書晚未還。
為報野僧巖客道，偷閑氣味勝長閑。

三月晦日題慈恩寺

慈恩春色今朝盡，終日徘徊倚寺門。
惆悵春歸留不得，紫藤花下漸黃昏。

伴僧行

元稹

春來求事百無成，因向愁中識道情。
花滿杏園千萬樹，幾人能伴老僧行。

題候仙亭

沈亞之

新葺仙亭覆石壇，彫梁峻宇白雲端。
嶺北嘯猿高枕聽，湖

南山色捲簾看

天津橋望春

雍陶

津橋春水浸紅霞
烟柳絲絲拂岸斜
翠輦不來金殿閉
宮鶯銜出上陽花

秋塘曉望

杜牧

鐘盡疎桐散宿鴉
故山煙樹隔天涯
西風一夜秋塘曉
零落幾多紅藕花

江南春

千里鶯啼綠映紅
水村山郭酒旗風
南朝四百八十寺
多少樓臺烟雨中

山行

遠上寒山石逕斜
白雲生處有人家
停車坐愛楓林晚
霜葉紅於二月花

三十六灣

許渾

縹緲臨風思美人
秋花楓葉帶谿聲
夜深吹笛移船去
三十六灣秋月明

雲開見華山

李頰

夾道人家水竹間
馬頭山色畫應難
天公故自開雲幙
乞與蓮峰仔細看

晚渡

陸龜蒙

半陂風雨半陂晴
漁笛飄秋野調清
各漾蓮舫逗村杏
笠蓑袂有殘聲

九華樓晴望

張喬

一夜江潭風雨後
九華晴望倚天秋
重來此地知何日
欲別殷勤更上樓

長溪秋望

唐彥謙

柳短莎長溪水流
雨微烟暝立溪頭
寒鴉閃閃前山去
杜

文學詩選

曲黃昏獨自愁

秋霽

崔道融

雨霽長空蕩滌清遠山初出
未知名夜來江上如釣月時
有驚魚擲浪聲

竹枝詞

孫光憲

門前春水白蘋花岸上無人
小艇斜商女經過江欲暮散
拋殘食飼神鴉

馬上作

僧貫休

柳岸花汀夕照紅風清襟袖
響玲瓏行人莫訝頻回首家
在凝嵐一點中

題六潞公曲水閣

宋 賈昌朝

畫船載酒及芳辰丞相園林
淚水濱席節麟符拋不得却
將清景付閑人

豐樂亭遊春三首

歐陽修

綠樹交加山鳥啼晴風蕩漾
落花飛鳥歌花舞太守醉明
日酒醒春已歸

春雲淡淡日輝輝草惹行襟
絮拂衣行到亭西逢太守籃
輿酌酒插花歸

紅樹青山日欲斜長郊草色
綠無涯遊人不管春將老來
往亭前踏落花

淮中晚泊犢頭

蘇舜欽

春陰垂野草青青時有幽花
一樹明晚泊孤舟古祠下滿
川風雨看潮生

初晴遊滄浪亭

夜雨連明春水生嬌雲濃暖
弄微晴簾虛日薄花竹靜時

有乳鳩相對啼

獨步至洛濱

司馬光

草軟波清沙徑微，手携筇竹著深夜。白鷗不信忘機久，見我猶穿岸柳飛。

初晴

王安石

一抹晴霞黯淡紅，瓦溝已見雪花融。前山未放曉寒散，猶鎖白雲三兩峰。

鍾山晚眺

小雨晚風落棟花，細紅如雪點平沙。槿籬竹屋江村路，時見宜城賣酒家。

烏塘

烏塘渺渺水平堤，隄上行人各有携。試問春風何處好，幸夷如雪拓岡西。

初晴

幅巾慵整露蒼華，度隴深尋一徑斜。小雨初晴好天氣，晚花殘照野人家。

庚申正月遊齊安

水南水北重重柳，山後山前處處梅。未即此身隨物化，年年長趁此時來。

壬戌正月再遊

風暖柴荆處處開，雪乾沙淨水洄洄。意行却得前年路，看盡梅花看竹來。

微雨登城

劉敞

雨映寒空半有無，重樓閣上倚城隅。淺深山色高低樹，一片江南水墨圖。

淮雨

梅堯臣

雨脚射淮鳴，萬鏃跳點起漚。魚亂目濕帆，遠未收雲。

漏斜陽在半幅

遊春

張公庠

一年花事又成空，擁鼻微吟
半醉中。夾路桃花新過，雨馬
蹄無處避落紅。

金山夢中作

蘇軾

江東賈客木綿裘，飲散金山
月滿樓。夜半潮來，風又熟，卧
吹簫管到揚州。

望湖樓醉書

黑雲翻墨未遮山，白雨跳珠
亂入船。卷地風來忽吹散，望
湖樓下水如天。

暴雨初晴樓上晚望

秋後風光雨後山，滿城流水
碧潺潺。煙雲好處無多子，及
取昏鴉未到間。

澄邁驛通潮閣

餘生欲老海南村，帝遣巫陽
招我魂。杳杳天低鶻沒處，青
山一髮是中原。

題東林壁

橫看成嶺側成峰，遠上高低
各不同。不識廬山真面目，只
緣身在此山中。

吳興

林希

繞郭芙蓉柏岸平，花深蕩槳
不聞聲。萬家笑語荷香裏，知
是人間極樂城。

揚州雜咏

晁補之

皂莢村南三里許，春江不隔
一程遙。雙堤鬪起如牛角，知
是隨家万里橋。

納涼

秦觀

携杖來追柳外涼，畫橋南畔
倚胡床。月明船笛參差起，風

定池蓮自在香

邗溝

霜落邗溝積水清寒星無數
傍船明菰蒲深處疑無地忽
有人家笑語聲

泗州東城晚望

渺渺孤城白水環船艙人語
夕霏間林梢一抹青如畫應
是淮流轉處山

金山晚眺

西津江口月初弦水氣昏昏
上接天清渚白沙茫不辨只
應燈火是漁船

行邁

黃山谷

白白紅紅相間開三三五五
踏青來戲隨胡蝶不知遠驚
見行人笑却迴

到飛泉

曹勛

曉入飛泉帶月華山如相識
路如家百蟲不響露初下開
盡一川蕎麥花

城上晚思

陳與義

獨凭危堞望蒼梧落日君山
如畫圖無數柳花飛滿岸晚
風吹過洞庭湖

題柳溪別墅

姚孝錫

雨霽風和不動塵柳邊携酒
賞青春頻來溪鳥渾相識度
水穿花不避人

題齊山翠微亭

岳飛

經年塵土滿征衣得得尋芳
上翠微好水好山觀未足馬
蹄催趁月明歸

出山道中口占

朱熹

川原紅綠一時新暮雨朝晴
更可人書冊埋頭何日了不

如拋却去尋春

昨夜扁舟雨一蓑滿江風浪

夜如何今朝試揭孤篷看依

舊青山綠樹多水口行舟

高景山夜歸

范成大

伊軋籃輿草露間夜涼月暗

走尋顏忽逢陂水明如鏡照

見沈沈倒景山

橫塘

南浦春來綠一川石橋朱塔

兩依然年年送客橫塘路細

雨垂楊繫畫船

碧瓦

碧瓦樓前繡幕遮赤欄橋外

綠溪斜無風楊柳漫天絮不

雨棠梨滿地花

晚步

排門簾幕夜香飄燈火人聲

小市橋滿縣月明春意好旗
亭吹笛近元宵

夜歸

竹輿伊軋走長街掠面風清

醉夢回曲巷無聲門戶閉一

燈猶照酒壚開

晚步西園

料峭清寒結晚陰飛花院落

怨春深吹開紅紫還吹落一

種東風兩樣心

晚登淨遠亭

楊萬里

簿書繞了晚衙催且上高亭

眼暫開野鴨成群忽驚起定

知城背有船來

題代度寺竹亭

行盡空房忽畫欄竹光秋月

入亭寒壁間題字知誰句醉

把殘燈子細看

尋涼鹽橋

燈火稀疎夜向中，追涼只與
熱相逢。意行行到新橋，上兩
岸無人四面風。

過臨平蓮蕩

人家星散水中央，十里蒼葭
菰飯香。想得薰風端午後，荷
花世界柳絲鄉。

登淨遠亭

池水受日未全開，旋旋波痕
百皺來。野鴨被人驚得慣，作
群飛去却飛回。

花時遍遊諸家園二首

陸游

為愛名花抵死狂，只愁風日
損紅芳。綠章夜奏通明殿，乞
借春陰護海棠。

飛花盡逐五更風，不照先生

社酒中輸與，新來雙燕子。銜
泥猶得帶殘紅。

湖邨月夕

錦城曾醉六重陽，回首秋風
每斷腸。最憶銅壺門外路，滿
街歌吹月如霜。

冬初出遊

蹇驢渺渺涉烟津，十里山村
簇興新。青旂酒家黃葉寺，相
逢俱是畫中人。

夜歸

芡浦菱陂夜半時，小舟更著
疾風吹。青燐一炬楓林外，鬼
火漁燈兩不知。

雨後

雨後涼生，病體輕閑。拖拄杖，
出門行。槐花落盡，桐陰薄。時
有殘蟬一兩聲。

湖中二首

橫林渺渺夜生烟野水茫茫
遠拍天菱唱一聲驚夢斷始
知身在釣魚船
河漢橫斜斗柄低啼鴉掠水
未成棲怪生淒爽侵肌骨船
繫秦皇酒瓮西

江濱池納涼

雨過荒池藻荇香月明如水
浸胡床天公作意憐羈客乞
與今年一夏涼

過靈石三峰

奇峰迎馬駛衰翁蜀嶺吳山
一洗空拔地青蒼五千仞勞
渠蟠屈小詩中

烟波即事

烟波深處卧孤篷宿酒醒時
聞斷鴻最是平生會心事蘆

花千頃月明中

湖山

王希呂

雨挾東風作嫩寒短牆圍水
柳蔽烟遊人不出西湖靜白
鷺飛來在畫船

出郊雜咏

王炎

閉戶不知春色嘉柳梢欲暗
可藏鴉鳴頭新綠齊腰水女
頰輕紅刺眼花

雨中過蘇堤

葛天民

一堤楊柳占春風柳外群山
細雨中人苦未晴渾不到祇
宜老眼看空濛

看山

我本田夫作比丘也知騎馬
勝騎牛如今馬上看山色不
似騎牛得自由

山行即事

高翥

落盡桐花春已休，過牆新竹
籜初抽。山行步步黃泥滑，小
立橋頭聽兩鳩。

登六和塔 鄭清之

經過塔下幾春秋，每恨無因
到上頭。今日始知高處險，不
如歸去卧林邱。

舟上 徐照

小船停漿逐潮還，三五人家
住一灣。貪看曉光侵月色，不
知雲氣失前山。

野望 翁卷

一天秋色冷晴灣，無數峯巒
遠近間。開上山來看野水，忽
於水底見青山。

江村晚眺 戴復古

江頭落日照平沙，潮退漁舫
閣岸斜。白鳥一雙臨水立，見

人驚起入蘆花

樓上觀山

九陌黃塵沒馬頭，人來人去
幾時休。誰家有酒身無事，長
對青山不下樓。

溪行 李顯卿

枯木扶疎夾道旁，野梅倒影
浸寒塘。朝陽不到溪灣處，留
得橫橋一板霜。

探春 戴益

盡日尋春不見春，芒鞋踏遍
隴頭雲。歸來適過梅花下，春
在枝頭已十分。

春遊 宋李任

草色江城綠四圍，客中天氣
近單衣。蛛絲似惜春歸去，網
住桃花不許飛。

過吳江 李雲岩

吳雲粘地日西瘦，
蕩滑鱸肥湖水空。
惆悵李鷹歸去後，
世間渾不識秋風。

題八詠樓

李清照

千古風流八詠樓，
江山留與後人愁。
水通南國三千里，
氣壓江城十四州。

臨平道中

僧道潛

風蒲獵獵弄輕柔，
欲立蜻蜓不自由。
五月臨平山下路，
藕花無數滿汀洲。

東園

曲渚回塘孰與期，
杖藜終日自忘歸。
隔林彷彿聞機杼，
知有人家住翠微。

秋江

志葉楓林落酒旗，
白沙洲渚夕陽微。
數聲柔櫓蒼茫外，
何處江村人夜歸。

絕句

僧志南

古木陰中繫短篷，
杖藜扶我過橋東。
沾衣欲濕杏花雨，
吹面不寒楊柳風。

沂舟

僧活溪

舟入沙灣一段清，
枯蘆風起作霜晴。
江邊怕有梅花發，
說與梢工近岸撐。

暮春山家

金麻九疇

山烟向晚白濛濛，
人過梨花樹底風。
一犬不驚村徑黑，
野燈孤起遠林中。

暮歸

趙秉文

貪看孤鳥入重雲，
不覺青林兩氣昏。
行過斷橋沙路黑，
忽從電影得前村。

即事

樓頭不見暮山重，遙認青林
雨意濃。一陣風來，忽吹散，斷
雲還補，兩三峰。

郊行 鄺權

溪橋納納馬蹄輕，竹裏人家
犬吠聲。行盡灘光，溪路黑，隔
林燈火夜深明。

東樓雨中 王元粹

雨入谿樓不見山，雨晴依舊
數峰閑。韋郎詩句，王維畫好，
在幽人指顧間。

馬嵬道中 杜佺

垂柳陰陰水拍堤，春晴苑屋
燕爭泥。海棠正好，東風惡，狼
藉殘紅送馬蹄。

雨後 馮辰

東風花外錦鳩啼，喚起西山
雨一犁。綠滿蔬畦，人不
到，桔

棹開立夕陽低

江景 元 黃庚

寒生雁背天將雪，冷入魚腮
水欲冰。釣艇歸來，江路暝，舟
人分火點漁燈。

暮景

浮雲開合晚風輕，白鳥飛邊
落照明。一曲彩虹橫，界斷南
山雷雨北山晴。

江邨

極目江村一望賒，寒烟漠漠
日西斜。十分秋色無人管，半
屬蘆花半蓼花。

東城 趙孟頫

野店桃花紅粉姿，陌頭楊柳
綠烟絲。不因送客東城去，過
却春光總不知。

晨出郊 張養浩

雲駁疎陰漏日華，
隴隴晨色散村鴉。
馬前怪底猶明月，
路轉滿川蒼蓼花。

即事

許有壬

幾家門繫釣魚船，
一陣風香燎麥烟。
畫出太平村落景，
酒旗多在綠楊邊。

晚渡

周權

離離野樹綠生烟，
灼灼山花爛欲燃。
沽酒人歸春渡寂，
柳根閑繫夕陽船。

阻風南霞筋過羅漢寺

登樓看山茶

薩都刺

野寺尋春酒未醒，
不知幾日過清明。
小闌干外東風急，
一樹山茶落晚晴。

過弋陽

高克恭

雷聲驅雨過山西，
山腹雲根

似削齊日暮，
牧兒歸不得料。
應白水漲前溪。

夕陽

何中

斜陽盡入笛聲中，
兩岸樵漁一水通。
楊柳已疎楓漸落，
黃花渾未識秋風。

湧金門見柳

貢性之

湧金門外柳垂金，
三日不來成綠陰。
折取一枝入城去，
使人知道已春深。

小橋

彭炳

落花如雪馬蹄香，
幾樹黃鸝欲斷腸。
行到小橋春影碧，
一溝晴水浸垂楊。

湖景

徐元杰

花開紅樹亂鶯啼，
草長平湖白鷺飛。
風日晴和人意好，
夕陽蕭鼓幾船歸。

西湖遊春即事四首

馬臻

逸湖無處避芳塵，疊鼓紅旗彩鷁新。
冉冉春雲來不斷，湧金門外踏青人。

鏤玉雕瓊簇鬧竿，珠花翠葉縷金籃。
東家年少貪遊冶，正值明朝三月三。

一路亭臺間酒家，漸看楊柳綠藏鴉。
太平官府無民訟，補種沿隄四季花。

天街夜市已真闐，半掩城門玉漏傳。
籠燭絳紗爭道入，湖心猶有未歸船。

過閩關

明劉基

漠漠輕雲結晚陰，依依斜日掛遙岑。
炊烟忽起桑榆外，散作鮫綃抹半林。

蘭溪棹歌

汪廣洋

涼月如眉掛柳灣，越中山色鏡中看。
蘭溪三日桃花雨，夜半鯉魚來上灘。

登石鐘山望廬山

張治

廬岳亭亭翠萬重，懸泉十尺掛飛龍。
石鐘山下江如鏡，映出青天五老峯。

舟歸江上過斜塘

漫漫村塘水沒沙，清明初過已無花。
春寒欲雨忙歸去，不駐扁舟問酒家。

銷夏灣

高啓

涼生白苧水雲空，湖上曾開避暑宮。
清簟疎簾人去後，漁舟歌入柳陰中。

春郊挾彈

吳彥貞

五陵年少出新豐，紫鞵銀鞍
耀玉駟，挾彈遲迴揚柳陌，馬
蹄輕逐落花風。

晚眺

趙迪

白雲深處野人家，倚杖聞吟
日未斜，江上數峯看欲盡，晚
鐘殘月入蘆花。

揚州

曾榮

翠裙紅燭夜調笙，一曲嬌歌
萬種情，二十四橋春水綠，蘭
橈隨處傍花行。

塔頂

郭登

塔頂新晴獨自登，畫欄高倚
十三層，不知眼界高多少，地
下行人似凍蠅。

湖上晚歸

史鑑

鴨群呼去水雲空，香滴荷花
露氣濃，僧寺茫茫看不見，暮

烟生處忽聞鐘。

觀城歌

邊貢

睥睨連雲十二樓，西南形勝
數荊州，已教峴首為屏繞，更
遣巴江作帶流。

溪上漫興

何景明

雙飛鷓鴣戀青莎，對舞蜻蜒
凌碧波，一夕秋風開菡萏，畫
船齊唱採蓮歌。

郊行

儲懽

凌兢瘦馬踏春泥，雪後郊原
綠未齊，一抹午烟風隔斷，野
鷄聲在竹林西。

春城曲

金鑾

雨餘芳艸遠萋萋，春暖遊人
信馬蹄，日暮畫樓歸去處，落
花香裏路東西。

春望

李先芳

芳草萋迷一徑斜，淡烟疎雨
噪新鴉。城南春色濃於酒，醉
煞千林挑杏花。

西湖采蓮曲 尹臺

湖市羅裙映玉缸，蘇堤楊柳
拂船窗。采蓮誤觸鴛鴦起，飛
向花間還自雙。

若耶詞 沈明臣

嫣然越女勝荷花，蕩漾輕舟
過若耶。紅藕牽絲風欲斷，綠
楊撩影日初斜。

湖上梅花歌 王穉登

席山橋外水如烟，兩暗湖昏
不繫船。此地人家無曆日，梅
花開遍是新年。

白下春遊曲二首 金大轡

白馬金鞍遊冶郎，醉携紅袖

上梅岡，銀鈿金雁春風裏，指
點江山坐夕陽。

何處佳人婀娜裝，青山初日
照流黃。輕羅半掩金跳脫，春
寺燒香遠畫廊。

夜同黃白中步至孤山

尋梅 謝肇淛

望湖亭上大堤斜，夜到孤山
處士家。殘雪滿林霜月暗，不
知何處是梅花。

霧源洞曉起 安國賢

拂曙禪房夢乍醒，數聲啼鳥
倚欄聽。海上霞出樹疑紫，天
際雲來山斷青。

晚登九華山 吳兆

望江亭望晚江，晴颯颯秋兼
風水聲。寺隔數峯猶未到，禪
燈幾點翠微明。

晚歸

胡宗仁

送客歸來息樹根，蕭疎楓葉掩柴門。
暮煙未即全遮眼，猶露橋西一兩村。

寓玉清觀

葉子奇

徑草微微護淺沙，小山叢竹玉清家。
牽牛延蔓無多碧，點綴秋光一兩花。

華陽雜韻

廖孔說

林間風雷日，氤氳乍露孤峰。
半未分，一夜雷聲山下，在始知身出，
萬重雲。

古塘即事

張金

布穀聲中日又斜，石槁流水兩三家。
鄉村春色無人管，開盡棠梨幾樹花。

曉過橫塘

僧明顯

半幅蒲帆九里汀，石湖秋水

接天青，舟人指點蘼蕪外，一帶青山是洞庭。

西湖曉行

僧清澹

海角曠曠日欲生，山南山北淡烟橫。
春風吹斷沙禽夢，人在綠楊堤上行。

漁村夜歸

僧宗衍

月落蘋汀宿霧凝，小橋霜冷挂漁罾。
歸來已是三更後，水際人家尚有燈。

西湖竹枝

清施潤章

荷葉橫塘官路斜，吳姬日出浣春紗。
兒家種蓮取蓮實，嗎付遊人莫采花。

真州雜詩

王士禎

江干多是釣人居，柳陌菱塘一帶疎。
好是日斜風定後，半江紅樹賣鱸魚。

山行

劉逢原

寂歷空山鹿豕蹤，石梁苔滑
倚孤筇。岸花零落隨流去，秋
到溪南第幾峯。

東湖曲

朱彝尊

十里湖光一葉舟，五層塔火
浴中流。曉來寺寺霜鐘急，驚
起啼鳥掠渡頭。

石壁

湯右曾

迴崖沓嶂翠浮空，峭壁巉巉
挿水中。直是五丁開不得，天
然疊出錦屏風。

海幢寺觀大水西下

沈用濟

鬱水西來萬壑奔，倒翻塔影
盪雲根。中間一束高腰峽，直
放驚濤出海門。

洞庭始波

乾隆帝

滿天秋色晚雲低，碧漲寒江
遠欲迷。棹破煙波三百里，好
風吹送岳陽西。

鶯脰湖詞

沈德潛

湖波起，穀晚風，餘一抹，殘霞
畫不如。傍岸漁家盡收網，綠
楊深處賣銀魚。

過廢園

李 勉

誰家亭院自成春，牆有莓苔
案有塵。偏是閑心鄰舍犬，隔
牆猶吠折花人。

南西門外即目

趙恒仁

澄潭初月影微微，雨過涼生
透葛衣。十里亂蟬風兩岸，藕
花香送釣船歸。

江上

石 年

春山春水碧迢迢，病起扶筇
過野橋。幾日不尋江上夢，東

風吹長杜蘅苗

汎舟明湖

申涵光

四郭山圍嵐氣昏竹籬疎樹

一江邨醉中弄月忘風露夜

半吹笙過水門

夜夢遊秦淮

張香岩

雨餘山色浮天遠月下潮聲

拍岸多醉後不知身是夢牛

橋疎柳聽漁歌

陽邱道中

王敬公

谷口雲埋一徑斜荒崑老樹

叫殘鴉山邨寂莫行人少落

日風吹躑躅蒼

泰安道中

孔傳樅

東風拂面柳枝低宛轉溪山

路欲迷十里桃花新過雨夕

易遙映魯門西

維揚出遊

田霖

籃輿穩坐挂詩瓢獨出城闈

興自饒秋水多情山色近人

從畫裡過紅橋

晚望郡城燈火

蔣士銓

市火船燈閃亂螢江雲拖墨

夜冥冥却疑身在層霄上俯

見人間有列星

贈荅類

西江寄越弟

唐王昌齡

南浦逢君嶺外還沅溪更遠

洞庭山堯時恩澤如春雨夢

裡相逢共入關

寄穆侍御在幽州

一從恩譴度瀟湘塞北江南

萬里長莫道荆門書信少雁

飛猶得到衡陽

聞王昌齡左遷龍標尉

遙有此寄 李白

楊花落盡子規啼，聞道龍標過五溪。
我寄愁心與明月，隨風直到夜郎西。

贈汪倫

李白乘舟欲遠行，忽聞岸上踏歌聲。
桃花潭水深千尺，不及汪倫送我情。

酬柳即中

韋應物

廣陵三月花正開，花裏逢君醉一迴。
南北相過殊不遠，暮潮歸去早潮來。

玉闕寄長安李主簿

岑參

東去長安萬里餘，故人那惜一行書。
玉闕西望腸堪斷，况復明朝是歲除。

首着烽寄家人

首着烽邊逢立春，胡蘆河上淚沾巾。
聞中只是空相憶，不見沙場愁煞人。

寄王舍人竹樓 李嘉祐

傲吏身閑笑五侯，西江取竹起高樓。
南風不用蒲葵扇，紗帽閒眠對水鷗。

寄楊侍御 包何

一官何幸得同時，十載無嫌獨見遺。
今日莫論腰下組，請君看取鬢邊絲。

重贈鄭鍊 杜甫

鄭子將行罷使臣，囊無一物獻尊親。
江山路遠羈離日，裘馬誰為感激人。

贈花卿

錦城絲管日紛紛，半入江風

半入雲此曲祇應天上有人
間能得幾回聞

江南逢李龜年

岐王宅裏尋常見崔九堂前
幾度聞正是江南好風景落
花時節又逢君

酬張繼

皇甫冉

恨望南徐登北固迢遙西塞
阻東關落日臨江問消息寒
潮惟帶夕陽還

旅次寄湖南張郎中

戎昱

寒江近戶漫流聲竹影臨牕
亂月明歸夢不知湖水闊夜
來還到洛陽城

代書寄京洛舊遊

戴叔倫

今年十月溫風起湘水悠悠

生白蘋欲寄遠書還不敢却
愁驚動故鄉人

贈殷亮

日日河邊見水流傷春未已
復悲秋山中舊宅無人住來
往風塵共白頭

憶樂天

劉禹錫

尋常相見意殷懃別後相思
夢更頻每遇登臨好風景羨
他天性少情人

和令孤相公

平章宅裏一闌花臨到開時
不在家莫道兩京非遠別春
明門外即天涯

與歌者何戡

二十餘年別帝京重聞天樂
不勝情舊人唯有何戡在更
與殷勤唱渭城

二月朔日是貞元舊節有感寄黔南竇二洛陽盧七

呂溫

同事先皇立玉墀中和舊節又支離今朝各自看花處万里遙知掩淚時

寄李渤

張籍

五度溪頭躑躅紅嵩陽寺裡講時鐘春山處處行應好一月看花到幾峰

聞白樂天左降江州

司馬

元稹

殘燈無焰影幢幢此夕聞君謫九江垂死病中驚坐起暗風吹雨入寒窓

寄樂天

休遣玲瓏唱我辭我辭多是寄君詩明朝又向江頭別月

落潮平是去時

寄庾敬休

小來同在曲江頭不省春時不共遊今日江風好暄暖可憐春盡古湘州

江南送北客因憑寄徐州

兄弟書

白居易

故園望斷欲何如楚水吳山万里餘今日因君訪兄弟數行鄉淚一封書

贈江客

江柳影寒新雨處塞鴻聲急欲霜天愁君獨向沙頭宿水遠蘆花月滿船

同李十一醉憶元九

春來無計破春愁醉折花枝當酒籌忽憶故人天際去計程今日到梁州

禁中夜作書與元九

心緒萬端書兩紙欲封重讀
意遲遲五聲宮漏初鳴後一
點燈欲滅時

雨中憶元九

天陰一日便堪愁何況連宵
雨不休一種雨中君最苦偏
梁閣道向通州

曉眠後寄揚戶部

軟綾腰褥薄絲被涼冷秋天
穩暖身一覺曉眠殊有味無
因寄與早朝人

得袁相公書

穀苗深處一農夫面黑頭斑
手把鋤何意使人猶識我就
田來送相公書

早入皇城贈王僕射

半橋殘月曉沈沈風露淒清

禁署深城柳宮槐謾搖落悲

秋不到貴人心

三月廿八日贈周判官

一春惆悵殘三日醉問周郎
憶得無柳絮送人鶯勸酒去
年今日到東都

在巴南望郡南山呈

樂天

白行簡

臨江一嶂白雲間紅綠層層
錦繡斑不作巴南天外意何
殊昭應望驪山

送客入蜀

楊凝

劍閣迢迢夢想間行人歸路
繞梁山明朝騎馬搖鞭去秋
雨槐花子午關

和孫明府懷舊山

雍陶

五柳先生本在山偶然為客

落人問秋來見月多歸思自起開籠放白鷗

寄揚州韓判官 杜牧

青山隱隱水迢迢秋盡江南草未凋二十四橋明月夜玉人何處教吹簫

懷吳中馮秀才

長洲苑外草蕭蕭却計郵程歲月遙唯有別時今不忘暮烟秋雨過楓橋

別王十後遣京使累路附書

重關曉度宿雲寒羸馬緣知步步難此信的應中路見亂山何處折書看

寄桐江隱者 許渾

潮去潮來洲渚春山花如繡草如烟嚴陵臺下桐江水解

釣鱸魚有幾人

宿駱氏亭寄懷崔雍崔衮

李高隱

竹塢無塵水檻清相思迢遞隔重城秋陰不散霜飛晚留得枯荷聽雨聲

夜雨寄北

君問歸期未有期巴山夜雨漲秋池何當共剪西窗燭却話巴山夜雨時

寄令狐郎中

嵩雲秦樹久離居雙鯉迢迢一紙書休問梁園舊賓客茂陵秋雨病相如

還淮却寄睢陽 孟遲

梁王池苑已蒼然滿樹斜陽極浦煙盡日回頭看不見兩行愁淚上高船

夕
寄友人

李群玉

野水晴山雪後時，獨行村路更相思。
無因一向溪頭醉處，寒梅映酒旗。

寄維揚故人

張喬

離別江邊縮柳條，千山萬水玉人遙。
月明記得相尋處，城鎖春風十五橋。

寄隣莊道侶

韓偓

聞說經旬不啓關，藥窓誰伴醉開顏。
夜來雪壓前村竹，直到看溪南幾尺山。

寄友

唐彥謙

新酒秦淮縮頭鱗，凌霞花下共流連。
別來客邸空翹首，細雨春風憶往年。

寄王績

裴夷直

疢中知皇子陂，荷花盛開兩春風。
憶往年，看溪南幾尺山。

答韋丹

僧靈徹

年老心閑無外事，麻衣草坐亦容身。
相逢盡道休官去，林下何曾見一人。

闕下答傅逸人

宋張詠

蕭蕭疎葦映門墻，見說新秋鱠味長。
何事輕拋來帝里，至今魂夢繞寒塘。

呈友人

高言

昨夜陰風透膽寒，地爐無火酒鉗乾。
男兒慷慨平生事，時復挑燈把劍看。

病酒呈晉州李八丈

司馬光

身如五嶺炎蒸裏，心似三江

切學詩

贈答

五七

高浪中誰道醉鄉風土好舟車常願不相通

與北山道人 王安石

蔣果疏泉帶淺山柴門雖設要常開別開小徑連松路祇與隣僧約往還

杭州望湖樓回馬上作呈

王汝樂道

水光山氣碧浮浮落日將歸又少留從此祇應長入夢夢中還與故人遊

贈王寂 蘇軾

與君暫別不須嗟俯仰歸來鬢未華記取江南煙雨裏青山斷處是君家

彭城遇子由

別期漸近不堪聞風雨蕭蕭已斷魂猶勝相逢不相識形

春變盡語音存

次送酒韻

少年多病怯盃觴老去方知此味長萬斛羈愁都似雪一壺春酒若為湯

和文與可

灑川脩竹賤如蓬介斧何曾救稊龍料得清貧饒太守渭濱千畝在胸中

遇翁靈舒 石屏

天台山與雁山隣只隔中間一片雲一片雲間不相識三千里外却逢君

上邑宰

老農鼓腹山田熟夜犬不驚霜月明聞說畫簾無一事邑人長聽讀書聲

馬上口占呈立之

陳師道

廉纖小雨濕黃昏十里塵泥
不受辛轉就鄰家借油盞始
知公是最閑人

謝陳昌國惠酒 郭祥正

欲瀉瓊漿洗我憂玉壺分送
不知休醉來一覺還鄉夢看
盡江南二十州

月下懷廣勝華師

下方遙憶上方僧素月青林
隔幾層鐘磬聲沈香篆熄只
應詩思冷如冰

謝人惠茶 韓駒

白髮前朝舊史官風爐煮茗
暮江寒蒼龍不復從天下拭
淚看君小鳳團

行到華陰呈舊同舍

落日同騎款段遊倦依松石

弄清流蓬萊漢殿春分手一
笑相逢太華秋

寄子瞻 蘇子由

誰將家集過幽都每被行人
問太蕪莫把文章動蠻貊恐
妨談笑卧江湖

和何季崇簽判 曹勛

羈思登臨已怯秋紫萸黃菊
更添愁海光不動暮山紫人
在天涯空倚樓

和顏持約 陳與義

半篙寒碧秋垂釣一笛西風
夜倚樓多少巫山舊家事老
來分付水東流

兵火之後家藏墳藉蕩然

寄居江村欲借書諸公先

寄此詩 王庭珪

卜築江邨翠嶺坳喜君書室

近衡茅牙籤插架幾千冊準
擬從頭借一鈔

寄懷密庵

劉子翬

曾訪高人上翠峰至今清興
逐松風籃輿夢想行山處白
葛花開細雨中

觀林長仁書卷戲題問

答二首

朱熹

猿去山空鶴亦飛柴門空掩
釣魚磯門前樹葉都黃了何
事幽人久不歸

為愛雲泉百尺飛故將茅屋
傍苔磯幾年清夢黃塵裏此
日秋風一棹歸

道中憶胡季懷

周必大

珍重臨分白玉卮醉中那暇
說相思天寒道遠酒醒處始
是憶君腸斷時

法寶璉師求竹軒詩

陸游

南軒竹色映谿光不減吾州
五月涼猶恨秋來鷗鷺少須
君更為築橫塘

寄題朱元晦武夷精舍

身閑剌覺溪山好心靜尤知
日月長天下蒼生未蘇息憂
公遂與世相忘

臨安旅邸答蘇虞叟

姜夔

垂楊風雨小樓寒宋玉秋詞
不忍看万里青山無處隱可
憐投老客長安

寄玉溪林逢吉

戴復古

心腹相知會面稀一春未有
盍簪期西窓風雨愁眠夜夢
到君家賦小詩

到南昌呈宋愿父伯仲

黃子魯諸丈二首

一秋無便寄平安，新雁聲聲報早寒。昨夜檢衣開故篋，本年家信把來看。

扁舟幾度到南昌，東望家山道路長。醉裏不知身是客，故人多處亦吾鄉。

寄書後作

林希逸

幾度題書客未還，歸鴻歷歷度鄉關。遙知一紙平安信，慈母燈前閣淚看。

和仲弟

劉克莊

一春檐溜不曾停，滴破空階蘚暈青。便是家山對床雨，絕憐老大不同聽。

寄人

老携詩卷入京華，覓店先須

近酒家。白髮但能妨進取，未妨痛飲插梅花。

懷郭安道

周景遠

江南江北路茫茫，明月高樓各異鄉。旅雁叫雲天似水，故人今夜泊瀟湘。

寄趙如心

謝疊山

天下英雄寧幾人，灞陵誰識故將軍。人情世態不須問，携酒芝山看白雲。

辭侍郎蔣公燕客見招

僧惟政

昨日曾將今日期，出門倚杖又思惟。為僧只合居巖谷，國士筵中甚不宜。

謁蕭小山

元 劉清叟

一冬晴暖春相似，欲叩吟關未有詩。折得梅花裝擔了，起

文學詩選

程還是雪飛時

寄友

元朱希晦

雨過溪頭烏篆沙，溪山深處野人家。門前桃李都飛盡，又見春光到楝花。

懷顧仲瑛

明楊維禎

五月江聲入閣寒，故人何處獨凭欄。珠簾作捲西山雨，一片青峯拄笏看。

南行途中寄錢塘親友

施敬

萬里移家入瘴烟，故鄉音耗若為傳。衡陽自古無來雁，況去衡陽又八千。

題美人寄胡丈

邊貢

月宮秋冷桂團圓，歲歲花開只自攀。共在人間說天上，不知天上憶人間。

金陵逢方日升

燕市分携十七春，白門相見白頭新。鳳皇樓下含香客，江海飄零有幾人。

答寄于鱗

許邦才

結交昔日擬荆高，那管傍人笑我曹。醉後悲歌燕市裏，一時海內更無豪。

示殿卿

李攀龍

湖上青山遠，屋斜蕭條重。枉使君車到來縱，遺柴門閉只在東隣賣酒家。

寄謝在杭

陳仲溱

孤館蕭條夜不眠，思君腸斷大湖邊。傷心最是樓前月，惆悵清光隔幾年。

寄長安故人

謝肇淛

春時相送出燕都，秋到江南

勿學詩是

贈答

五三

一字無半夜寒燈數行淚滿天風雨下西湖

贈致政司諫劉後峯

李開先

人散燈殘睡正濃驚迴曉夢思重重攬衣欹枕從容聽野店雞聲野寺鐘

寄曹能始

吳兆

聞說官閑心亦閑馬蹄日出不知還落葉滿城秋似水家家樓上有鍾山

得惟和秣陵書

徐渤

見說風帆出石頭遠書遙寄雁來秋不知此地開緘日又過天涯何處州

荅人

清申涵光

日日秋陰命筍輿故人天上落雙魚荷花未老村醪熟為

道無間作報書

贈柳敬亭

毛奇齡

流落相憐柳敬亭消除豪氣鬢星星江南多少前朝事說與人間不忍聽

得劍村寄懷詩次韻荅之

錢良擇

官遊空自滯京華誰說狂夫不憶家昨夜客窓風雪裏夢歸山館種梅花

贈某

龔錫瑞

從戎二十執戈戈百戰餘生膽氣粗飲馬長城休照影恐驚霜雪上頭顱

懷揚雙山

沈德潛

沿門濃綠稻苗齊課了新詩旋灌畦舊是吾家棲隱地夢魂常繞采封溪

懷南村方孟升 吳初

經春細雨日昏昏每欲招尋
嫩出門但得天晴風日好看
花一路到南村

客有問余近况者詩以

答之

王樞

豪氣於今尚未除難將壯志
付樵漁短衣射虎南山下帶
月歸來夜讀書

寄張策時

吳泰來

江湖一夢逐浮雲禪榻茶烟
颺夕照忽忽傳盃思往事酒
痕狼藉鬱金裙

寄子

徐氏

家內平安報爾知田園歲入
有餘資絲毫不用南中物好
作清官答聖時

送別類

送元二使安西 唐 王維

渭城朝雨浥輕塵客舍青青
柳色新勸君更盡一杯酒西
出陽關無故人

送別

送君南浦淚如絲君向東州
使我悲為報故人憔悴盡如
今不似洛陽時

別李浦之京 王昌齡

故園今在灞陵西江畔逢君
路不迷小弟鄰莊尚漁獵一
封書寄數行啼

芙蓉樓送辛漸

寒雨連江夜入吳平明送客
楚山孤洛陽親友如相問一
片冰心在玉壺

送薛大赴安陸

津頭雲雨暗湘山，遷客離憂
楚地，顏遙送扁舟，安陸郡天
邊何處，穆陵關。

送別魏三

醉別江樓橘柚香，江風引雨
入船，涼憶君遙在湘山，月愁
聽清猿，夢裏長。

重別李評事

莫道秋江離別難，舟船明日
是長安，吳姬緩舞留君醉，隨
意青楓白露寒。

寄別朱拾遺

劉長卿

天書遠，呂滄浪，客幾度臨岐
病未，能江海茫茫春欲，遍行
人一騎發金陵。

七里灘重送嚴維

秋江渺渺水空波，越客孤舟
欲榜歌，手折衰楊，悲老大，故

人零落已無多。

重送裴郎中貶吉州

猿啼客散暮江頭，人自傷心
水自流，同作逐臣君更遠，青
山万里一孤舟。

黃鶴樓送孟浩然之廣陵

李白

故人西辭黃鶴樓，烟花三月
下揚州，孤帆遠影碧空盡，唯
見長江天際流。

送李明府赴睦州觀

岑參

手把銅章望海雲，夫人堂上
絳羅裙，嚴灘一點舟中，月萬
里烟波也，夢君。

原頭送范侍御

百尺原頭酒色殷，路傍馳馬
汗斑斑，別君只有相思夢，邊

莫千山與萬山

別董大

高適

十里黃雲白日曛，北風吹雁雪紛紛。莫愁前路無知己，天下誰人不識君。

巴陵夜別王八員外

賈至

柳絮飛時別洛陽，梅花開後到三湘。世情已逐浮雲散，離恨空隨江水長。

送李侍郎赴常州

雪晴雲散北風寒，楚水吳山道路難。今日送君須盡醉，明朝相憶路漫漫。

巫山旅別

崔塗

五千里外三年客，十二峰前一望秋。無限別魂招不得，夕陽西下水東流。

送齊山人歸長白山

舊事仙人白兔公，掉頭歸去又乘風。柴門流水依然在，一路寒山万木中。

韓翃

曾山送別

皇甫冉

淒涼遊子苦飄蓬，明月清樽祇暫同。南望千山如黛色，愁君客路在其中。

送魏十六還蘇州

秋夜沈沈此送君，陰蟲切切不堪聞。歸舟明日昆陵道，回首蘇是白雲。

峽口送人

司空曙

峽口花飛欲盡春，天涯去住各沾巾。來時万里同為客，今日翻成送故人。

合溪送人

劉商

君去春山誰共遊，鳥啼花落

水空流如今送別臨溪水他
日相思來水頭

滑州送人先歸

河水冰消雁北飛寒衣未足
又春衣自憐漂蕩經年客送
別千回獨未歸

餞裴行軍赴朝命武元衡
來時聖主假光輝心恃朝恩
計日歸誰料忽成雲雨別獨
將邊淚灑戎衣

送元紹

張籍

昔日同遊漳水邊如今重說
恨綿綿天涯相見還相別客
路秋風又幾年

別草堂

白居易

三間茅屋向山開一帶山泉
繞舍迴山色泉聲莫惆悵三
年官滿却歸來

山下留別佛光和尚

勞師送我下山行此別何人
識此情我已七旬師九十當
知後會在他生

送魏簡能東遊

李涉

獻賦論兵命未通却乘羸馬
出關東霸陵道上重回首十
載長安似夢中

瓜州送朱萬言

顧非熊

渡頭風晚葉飛頻君去還吳
我入秦雙淚別家猶未斷不
堪仍送故鄉人

送蜀客

雍陶

劍南風景臘前春山鳥江風
得雨新莫怪送君行較晚自
緣身是憶歸人

別人

溫庭筠

江海相逢客恨多秋風葉下

洞庭波酒酣夜別淮陰市月
照高樓一曲歌

送人西歸 張貴

孤雲獨鳥本無依
江海重逢故舊稀
揚柳漸疎蘆葦白
可堪斜日送君歸

淮上與友人別 鄭谷

揚子江頭楊柳春
楊花愁煞渡江人
數聲風笛離亭晚
君向瀟湘我向秦

送人歸上國 韋莊

送君江上日西斜
泣向春風滿樹花
若見青雲舊相識
為言流落在天涯

江上別李秀才

前年相送灞陵春
今日天涯各避秦
莫向樽前惜沈醉
與君俱是異鄉人

衢州別李秀才

千山紅樹萬山雲
把酒相看日又曛
一曲驪歌兩行淚
不知何地再逢君

暮春瀝水送別 韓琮

綠暗紅稀出鳳城
暮雲樓閣古今情
行人莫聽宮前水
流盡年光是此聲

別友人 長孫佐輔

愁多不忍醒時別
想極還尋靜處行
誰遣同衾又分手
不如行路本無情

謝亭送別 許渾

勞歌一曲解行舟
紅葉青山水急流
日暮酒酣人已遠
滿天風雨下西樓

冬日梅溪送裴方舟宣州

僧皎然

平明走馬上村橋，花發梅溪雪未消。日短天寒愁送客，楚山無限路遙遙。

送魏道士 宋 張詠

江上蕭蕭木葉飛，天台狂客杖藜歸。莫嫌俗吏勤相顧，曾是嵩陽舊掩扉。

送李秋堂 朱靜脩

相逢已恨十年遲，買酒吳山一夜詩。明日送春仍送客，柳花風颺鬢絲絲。

餞別 趙小山

官途如海偶同游，杯酒陽關段段愁。明日青山身別國，有山高處可回頭。

送客西陵 吳處厚

若耶溪畔醉秋風，獵獵船旗照水紅。後夜錢塘酒樓上，夢

魂應遠浙江東

彭城逍遙堂留別子瞻兄

二首 蘇轍

逍遙堂後千章木，常送中宵風雨聲。誤喜對床尋舊約，不知漂泊在彭城。

秋來東閣涼如水，客去山公醉似泥。困卧北窗呼不醒，風吹松竹雨淒淒。

送呂晦叔赴河陽 程顥

曉日都門颯旆旌，晚風饒吹入三城。知公再為蒼生起，不是尋常刺史行。

別元忠學士八兄 張耒

身逐孤舟似斷雲，故人追送尚殷勤。秋城夜泊西風岸，落

送別詩選

葉悲蟲獨自聞

古別離

亭亭畫舸繫寒潭，直到行人酒半酣。
不管煙波與風雨，載將離恨過江南。

別錢筠甫

倦客無眠聽曉鐘，五更蠟燭淚銷紅。
城西古寺同來處，今日分携獨向東。

送甘叔懷遊廬阜

朱熹

匡廬不見幾經年，一話清遊一悵然。
此日送君憑問訊，千峰影裏舊潺湲。

清湘驛送王柳州南歸

范成大

南歸北去路茫茫，不是行人也斷腸。
可惜湘江春夜月，落花流水落春潮。

花時節照離觴

夜離零陵，以避同僚追送之勞，留詩簡諸友。

楊萬里

已坐詩臞病更羸，諸公剛欲餞湘湄。
夜浮一葉逃盟去，已被沙鷗聖得知。

送鄭節夫

劉宰

盛年已去壯心閒，此別懸知後會難。
顧使乾坤同日月，不妨閩浙異江山。

送真舍人帥江西

劉克莊

船客珠犀湊郡城，向來點灑幾名卿。
海神亦歎公清德，少見孤舟箇樣輕。

荆南別賈制書東歸

鄭震

來時秋雨滿江樓，歸日春風度客舟。
回首荆南天一角，月明吹笛下揚州。

送友之鄂

湖海聲名落縉紳，由江而鄂泝粼粼。
煩君黃鶴樓頭看，天下英雄有幾人。

江上逢袁景從

明馬燧

茫茫江上浸平沙，雁影翩翩帶日斜。
欲駐扁舟風更急，明朝相憶即天涯。

逢吳秀才送歸江上

高啓

江上停舟問客踪，亂前相別亂餘逢。
暫時握手還分手，暮雨南陵水寺鐘。

送義烏龔叔安給事歸省

方孝孺

雞舌同含侍紫宸，朝回東閣每相親。
片帆忽逐西風去，鴛鴦行中少一人。

即事

曾棨

片片飛花逐水流，傷春何處最多愁。
紅妝獨倚欄干立，望盡征帆不下樓。

淮安別回御史

王英

遠別悠悠鄉夢頻，逢君況是異鄉春。
可憐河畔青青柳，又折長條別故人。

送客

王雲鳳

春濕蒸雲雨欲絲，飄飄遊子別離時。
愁看陌上青青草，送盡行人總不知。

江上送客

登定

別酒臨行醉未消，綠楊何處繫蘭橈。
知君最是相思處，月

落江頭半夜潮

送蘇別駕

邊貢

去歲秋風別省闈，木犀花落雨霏霏。那知今日江陵郡，春草連天送客歸。

送鄉人還

何景明

楊柳花飛草色青，故鄉南望幾長亭。城邊客散重回首，愁看孤鴻落晚汀。

岳陽樓送客

陳達

湖南烟樹遠，依依百尺欄。干倚夕暉，鏗笛一聲人。不見茫茫秋，水片帆歸。

送劉侍御謫嶺南

鄭善夫

尉佗城外泛孤槎，南望峨眉岷不見。家莫道日南天，万里歸心一夜過三巴。

送別郭子坤赴選

許邦才

老去風雲意氣孤，因君更與話江湖。定經燕市悲歌地，為問當年舊酒徒。

送謝中丞歸射洪

巫峽江陵一水分，哀猿兩岸夜成群。遙知月下孤臣淚，才過三聲不可聞。

送方山人歸欽州

李攀龍

河水悠悠雁影長，長安迴首淚成行。可憐三十年來客，明日扁舟是故鄉。

送劉戶部督餉湖廣

錦帆南入楚雲重，江上遙看衡嶽峯。落日蒼茫秋不斷，青天七十二芙蓉。

送許右史之京

桃花美酒鳳凰樓公子乘春
作宦遊寒食不知何處過縱
無風雨亦堪愁

秋樹下送張雲少憲使

潘子震

老樹臨風葉半黃一樽岐路
又斜陽別君何必折楊柳只
此秋聲已斷腸

送袁山人還廣陵

陳鶴

月出潮生水倒流別離無奈
又逢秋吳江楓葉紅千點一
夜隨風滿客舟

送鄭先生之漢陽

徐燉

垂老無家別故鄉薄遊千里
只空囊楚江風浪孤身客何
日漂零到漢陽

送王石谷遊金陵

清 陳瑚

臺城秋草暮雲殘六代興亡
雁影寒無限傷心金粉地憑
君畫出與人看

送湯西崖歸西泠

陳錫嘏

遊人經歲在京華忽逐征鴻
去路賒何物關心歸思切孤
山開遍早梅花

送趙秋水還永年

朱彝尊

離堂卜夜且成歡酒盡休歌
行路難四十逢時猶未晚看
君騎馬入長安

暮春送別

高岑

飛花万點撲征衣南浦依依
怨落暉腸斷離亭烟柳色留

君不住共春歸

別家人

盛錦

伏雌烹罷，勸加餐，秉燭喃喃
語，夜闌點檢，篋中裘葛，具預
知別後寄衣難

送揚日補南還

沈欽圻

去年春盡同為客，此日君歸
又暮春，最是客中偏送客，况
堪更送故鄉人

送夫子之鳩江

范淑鐘

征鞍落葉打離披，忍淚臨風
餞一卮，夕照漸低，人漸遠，斷
鴻聲裏立多時

冬日送別表妹

周淑履

蕭蕭風雪逼人寒，欲整行裝
忍淚看珍重，送君無別語，高
堂代我問平安

留別淮陰官署

吳苕華

三載依依玉鏡前，舊梳妝處
最相憐，不知今後紅窗裏，又
是何人點翠鈿

客旅類

渡湘江

唐杜審言

遲日園林悲昔遊，今春花鳥
作遺愁，獨憐京國人南窺，不
似湘江水北流

寒食汜上作

王維

廣武城邊逢暮春，汶陽歸客
淚沾巾，落花寂寂啼山鳥，楊
柳青青渡水人

落第長安

常建

家園好在尚留秦，恥作明時
失路人，恐逢故里鶯花笑，且
向長安度一春

渡浙江問舟中人

孟浩然

潮落江平未有風，扁舟共濟與君同。時時引領望天末，何處青山是越中。

與史郎中欽聽黃鶴樓

上吹笛 李白

一為遷客去長沙，西望長安不見家。黃鶴樓中吹玉笛，江城五月落梅花。

客中行

蘭陵美酒鬱金香，玉碗盛來琥珀光。但使主人能醉客，不知何處是他鄉。

橫江詞

橫江館前津吏迎，向余東指海雲生。即今欲渡緣何事，如此風波不可行。

早發白帝城

朝辭白帝彩雲間，千里江陵一日還。兩岸猿聲啼不住，輕舟已過萬重山。

春夜洛城聞笛

誰家玉笛暗飛聲，散入春風滿洛城。此夜曲中聞折柳，何人不起故園情。

逢入京使 岑參

故園東望路漫漫，雙袖龍鍾淚不乾。馬上相逢無紙筆，憑君傳語報平安。

暮春歸故山草堂

錢起

谷口春殘黃鳥稀，辛夷花盡杏花飛。始憐幽竹山牕下，不改清陰待我歸。

楓橋夜泊 張繼

月落烏啼霜滿天，江楓漁火對愁眠。姑蘇城外寒山寺，夜半鐘聲到客船。

湖中

顧況

青草湖邊日色低，黃茅瘴裡鷓鴣啼。丈夫飄蕩今如此，一曲長歌楚水西。

憶故園

惆悵多山人復稀，杜鵑啼處淚沾衣。故園此去千餘里，春夢猶能夜夜歸。

小孤山

古廟楓林江水邊，寒鴉接飯雁橫天。大孤山遠小孤出，月照洞庭歸客船。

聽角思歸

故園黃葉滿青苔，夢後城頭曉角哀。此夜斷腸人不見，起

行殘月影徘徊

南遊感興

竇鞏

傷心欲問前朝事，唯見江流去不回。日暮東風春草綠，鷓鴣飛上越王臺。

夜發袁江

載叔倫

半夜回舟入楚鄉，月明山水共蒼蒼。孤猿更叫秋風裏，不是愁人亦斷腸。

下第出關

盧綸

出關愁暮一沾裳，滿野蓬生古戰場。孤村樹色昏殘雨，遠寺鐘聲送夕陽。

上黃堆峰

李益

心期紫閣山中，月身過黃堆峯上。雲半髮已從書劍，老戎衣更逐霍將軍。

雨中怨秋

楊憑

辭家遠客愴秋風，千里寒雲
與斷蓬。日暮隔山投古寺，鐘
聲何處雨濛濛。

登峴亭

司空曙

峴山回首望秦關，南向荊州
幾日還。今日登臨唯有淚，不
知風景在何山。

江陵使至汝州

王建

回看巴路在雲間，寒食離家
麥熟還。日暮數峯青似染，商
人說是汝州山。

嘉陵驛

武元衡

悠悠風旆遠山川，山驛空濛
雨作煙。路半嘉陵頭已白，蜀
門西更上青天。

汴州聞角

何處金笳月裏悲，悠悠邊客
夢先知。單于城上關山曲，今

日中原總解吹

登樓

羊士諤

槐柳蕭疎遠郡城，夜添山雨
作江聲。秋風南陌無車馬，獨
上高樓故國情。

使至驛

韓愈

風光欲動別長安，春半邊城
特地寒。不見園桃并巷柳，馬
頭唯有月團圓。

柳州二月榕葉落盡

偶題

柳宗元

宦情羈思共悽悽，春半如秋
意轉迷。山城過雨百花盡，榕
葉滿庭鶯亂啼。

詔赴都

十一年前南渡客，五千里外
北歸人。詔書許逐陽和至，驛
路開花處處新。

與浩初上人

海畔尖山似劍鋌，秋來處處
割愁腸。若為化作身千億，散
上峰頭望故鄉。

元和甲午歲詔書盡徵江

湖逐客，余自武陵赴京宿

於都亭，有懷續來諸君子，

劉禹錫

雷雨湘江起卧龍，武陵樵客
躡仙蹤。十年楚水楓林下，今
夜初聞長樂鐘。

秋思

張籍

洛陽城裏見秋風，欲作家書
意萬重。復恐匆匆說不盡，行
人臨發又開封。

感春

遠客悠悠多病身，謝家池上
又逢春。明年各自東西去，此

地看花是別人

重陽日至峽道

無限青山行已盡，回看忽覺
遠離家。登高欲飲重陽酒，山
菊今朝未有花。

邯鄲冬至夜思家

白居易

邯鄲客裏逢冬至，抱膝燈前
影伴身。想得家中夜深坐，還
應說著遠行人。

聞龜兒詠詩

吟渠已解弄詩章，搖膝支頤
學二郎。莫李二郎吟太苦，年
纔四十鬢如霜。

宿桐廬館同崔存度醉作

江海漂漂共旅遊，一樽相勸
散窮愁。夜深醒後愁還在，雨
滴梧桐山館秋。

江行

青艸湖中萬里程
黃梅雨裏一
人行愁見灘頭夜泊處
風翻白浪打船聲

梁州夢

元稹

夢君同繞曲江頭也
向慈恩院裏遊
亭吏呼人排去馬
忽驚身在古梁州

西歸

雙堠頻頻減
衣程漸短
知身得近京城
春來愛有歸鄉夢
一半猶疑夢裏行

登崖州城作

李德裕

獨上高樓望帝京
鳥飛猶是半年程
青山似欲留人住
百匝千遭遠郡城

竹枝詞

李涉

十二峰頭月欲低
空濛灘上

子規啼孤舟一夜東歸客
泣向春風憶建溪

郵亭殘花

張祜

雲暗山橫日欲斜
郵亭下馬對殘花
自從身趁西征府
每到花時不在家

旅懷

雍陶

舊里已悲無產業
故山猶戀有烟霞
自從為客歸時少
旅館僧房却是家

路逢有似亡友者惻然

賦此

吾友今生不可逢
風流空想舊儀容
朝來馬上頻回首
惆悵他人似蔡邕

峽中行

兩崖開盡水回環
一葉纔通石罅間
楚客莫言山勢險
世

人心更險於山

西崑出斜谷

行過險棧出衰斜出盡平川

似到家無限客愁今日散馬

前初見米囊花

漢江

杜牧

溶溶漾漾白鷗飛綠淨春深

好添衣南去北來人自老夕

陽長送釣船歸

蘭溪

蘭溪春盡碧泱泱映水蘭花

雨發香楚國大夫憔悴日應

尋此路本瀟湘

途中

鏡中絲髮梳來少衣上塵痕

拂轉難惆悵江湖釣竿手却

遮西日上長安

題齊安城樓

鳴軋江樓角一聲微陽激激

落寒汀不用憑欄苦回首故

鄉七十五長亭

初冬夜飲

淮陽多病偶求歡客袖侵霜

舉燭盤砌下梨花一堆雪明

年誰此倚欄干

春日古道傍作

千古榮華旦暮齊樓臺春盡

草萋萋君看陌上何人墓旋

化紅塵送馬蹄

春日客舍

李頻

識盡東南万里山青春日月

坐銷難如何別却故園後五

度花開五處看

吳門夢故山

趙嘏

心熟家山夢不迷孤峰寒繞

一條溪秋窓覺後情無限月

墮館娃宮樹西

渡柔乾

賈島

客舍并州已十霜歸心日夜
憶咸陽無端更渡柔乾水却
望并州是故鄉

漫書

司空圖

長擬求閑未得閑又勞行役
出秦關逢人漸覺鄉音異却
恨鶯聲似故山

溪邊墮地有桑麻盡日山程
數十家莫怪行人頻悵望杜
鵲不是故鄉花

出東陽道中作

方干

馬首寒山黛色濃一重重盡
一重重醉醒已在他方界猶
憶東陽昨夜鐘

思江南

昨日草枯今日青羈人又動

望鄉情夜來有夢登歸路不
到桐廬已及明

涇溪

羅隱

涇溪石險人兢慎終歲不聞
傾覆人却是平流無石處時
時聞說有沈淪

江州江館

鄭谷

向蜀還秦計未成寒蛩一夜
繞牀鳴愁眠不穩孤燈盡坐
聽嘉陵江水聲

江宿聞蘆管

塞曲淒清楚楚水濱聲聲吹出
落梅春須知風月千檣下亦
有葫蘆河畔人

街西晚歸

御溝春水繞閒坊信馬歸來
傍短牆幽樹名園臨紫陌晚
風時帶牡丹香

高山道中

韓偓

雲橫峭壁水平鋪，渡口人家日欲晡。
却憶往年看粉本，始知名畫有工夫。

旅舍遇雨

杜荀鶴

月華星彩坐來收，嶽色江聲暗結愁。
半夜燈前十年事，一時和雨到心頭。

魚崖閣

韋莊

李白曾歌蜀道難，長聞白日上天。
青天吾今夜過魚崖閣，始信星河在馬前。

含山店夢覺作

曾為流離慣別家，等閑揮袂客天涯。
燈前一覺江南夢，惆悵起來山月斜。

客亭對月

李洞

遊子離魂隴上花，風飄浪泊一圓圓。
不在家。

遊邊感懷

張喬

兄弟江南身塞北，雁飛猶自半年餘。
夜來因得思鄉夢，重讀前秋轉海書。

荊溪夜泊

李九齡

點點漁燈照浪清，水烟疎碧月朧明。
小灘驚起鴛鴦處，一隻採蓮舸過聲。

泊秋浦

李中

草岸風高宿雁驚，維舟特地起鄉情。
漁兒隔水吹橫笛，半夜空江月正明。

感秋書事

宦途憔悴雪生頭，家計相牽未得休。
紅蓼白蘋消息斷，舊溪煙月負漁舟。

女學詩選

泊巴東

王周

偶泊巴東古縣前，宦情鄉思兩綿綿。不堪蠟炬燒殘淚，雨打船窗半夜天。

宿疎陂驛

秋染棠梨葉半紅，荊州東望草平空。誰知孤宦天涯意，微雨瀟瀟古驛中。

旅泊

蔣吉

霜月正高鸚鵡洲，美人清唱發紅樓。鄉心暗逐秋江水，直到吳山脚下流。

行次壽州寄內

宋歐陽脩

紫金山下水長流，嘗記當年此共遊。今夜南風吹客夢，清淮明月照孤舟。

琵琶亭

樂天曾謫此江邊，已嘆天涯

淚泫然今日始知予罪大，夷陵此去更三千。

泥溪驛中作

石介

山驛蕭條酒倦傾，嘉陵相背去無情。臨流未忍輕相別，吟聽潺湲坐到明。

江寧夾口

落帆江口月黃昏，小店無燈欲閉門。側出岸沙楓半死，繫船應有去年痕。

泊船瓜洲

京口瓜洲一水間，鍾山祇隔數重山。春風又綠江南岸，明月何時照我還。

慈湖峽

蘇軾

此生歸路覺茫然，無數青山水拍天。猶有小舟來賣餅，喜聞壩落在山前。

夕學詩選

客旅

八十三

秋浦

雨折霜乾，不耐秋。白花黃葉，惹人愁。月明小艇，湖邊宿，便是江南鸚鵡洲。

淮上早發

澹月傾雲，曉角哀。小風吹水，碧鱗開。此身定向江湖老，默數淮中十往來。

泊真州新河亭 彭汝礪

鬢毛垂雪，欲趁道。道路風波，老不堪繫纜。短亭聊自慰，青山數點見江南。

宿齊州西門外旅舍

晁端友

寒林殘日欲棲鴉，壁裏青燈。乍有無，小雨愔愔，人不寐，臥聽羸馬，斷殘蘆。

舟行五絕句 張耒

落景秋雲晚，不聞天寒。古岸野船回，初驚波面微。瀾起已覺風前細，雨來。

獵獵西風秋，水清野。花寒艸傷流，生沙邊。孤鶴候魚立，石底暗蛩先。夜鳴。

渡頭風雨晚，生寒。蓑笠漁翁坐釣船，為問蓬中有魚否。一雙新鰕出籠鮮。

天寒野店斷人行，晚繫孤舟。浪未平，半夜西風驚客夢。卧聽寒雨到天明。

渡頭煙雨欲昏天，灣畔枯桑繫客船。風打篷牕，秋浪急。一盃寒酒夜深眠。

雨中題壁

去年此日泊瓜洲，衰柳蕭蕭繫客舟。白髮天涯歎流落，今

年對雨古宣州

遇赦北歸

晁補之

山猶故險水猶奔無復前年
濺淚痕自是人心隨境別
聲帆色盡君恩

題穀熟驛舍

驛後新籬接短牆枯荷衰柳
小池塘倦遊到此忘行路
倚軒牕看夕陽

登岳陽樓望君山

黃庭堅

投荒萬死鬢毛斑生出瞿塘
灑瀨間未到江南先一笑
岳陽樓上對君山

曉行

晁冲之

老去功名意轉疎獨騎瘦馬
取長途孤村到曉猶燈火
知有人家夜讀書

泊吳門

寇國寶

黃葉西陂水漫流蘼條風急
滯扁舟夕陽暝色來千里
人語鷄聲共一邨

越州道中

李光

晚潮落盡水涓涓柳老秧齊
過禁烟十里人家雞犬靜
竹扉斜護掩蠶眠

吳門道中

孫覿

暮色炊烟竹裏村人家深閉
雨中門數聲寒鳥不知處
千丈藤蘿古木昏

裏邑道中

陳與義

飛花兩岸照船紅百里榆堤
半日風卧看滿天雲不動
不知雲與我俱東

早行

露侵駝褐曉寒輕星斗闌干

分外明寂寞小橋和夢過稻田深處艸蟲鳴

歸京道中 蕭冰厓

吟入青山蒼子規煙城夢裏只心知刺桐花下春風店半壁斜陽十載詩

舟次龜湖 朱棹

山雨踈疎心又驚起瞻天色斗微明他年一枕江閔夢知憶蓬窓此夜聲

白沙夜聞灘聲 黃公度

錯認松風万壑傳又如急雨碎池蓮青燈孤館元無寐况復溪聲到枕邊

古博嶺 姚寬

北風獵獵駕寒雲低壓平川路欲昏人馬忽驚俱辟易一聲乳虎下前村

江上 劉子翬

江上潮來浪薄天隔江寒樹晚生煙北風三日無人渡寂寞沙頭一簇船

絕句

目送孤鴻獨倚樓晚風吹淚更橫流蕉花落處蠻烟碧六十三程是白川

讀林擇之詩有感 朱熹

竹輿傲兀聽嘔啞合眼歸心已到家遊子上堂慈母笑豈知行李尚天涯

閩浙分水界 周南峰

古驛頽垣不記春隔籬雞犬舊比鄰東家纔過西家去便是閩人訪浙人

宿閩門 范成大

五更潮落未鳴船，霜送新寒到枕邊。
報道霧收紅日上，野翁猶蓋短蓬眠。

阻風泊鍾家村 楊万里

南遊端為看山來，過眼匆匆首屢迴。
不是阻風船不進，何緣看盡萬崔嵬。

舟過謝潭

夾江百里沒人家，最苦江流曲更斜。
嶺艸已青今歲葉，岸蘆猶白去年花。

萬安道中書事

携家滿路踏春華，兒女欣欣不憶家。
騎吏也忘行役苦，一人人插一枝花。

上章戴灘

脫巾枕手仰哦詩，醉上諸灘總不知。
不知回看他船上，灘苦方

知他看我船時

曉過大鼻渡

霧外江山看不真，只憑鷄犬認前村。
渡船滿板霜如雪，印我青鞋第一痕。

過沙頭

過了沙頭漸有邗，地平江闊氣清溫。
暗潮已到無人會，只有篙師識水痕。

聞雁

陸游

過盡梅花把酒稀，熏菴香冷換春衣。
秦關漢苑無消息，又在江南送雁歸。

小雨極涼舟中熟睡至夕，舟中一雨掃飛蠅，半脫綸巾臥翠藤。
清夢初回窓日晚，數聲柔櫓下巴陵。

建安遺興

建安酒薄客愁濃，除却哦詩事事慵。
不許今年頭不白，城樓殘月寺樓鐘。

三峽歌

十二巫山見九峰，船頭彩翠滿秋空。
朝雲暮雨渾虛語，一夜猿啼明月中。

東關

煙水蒼茫西復東，扁舟又繫柳陰中。
三更酒醒殘燈在，卧聽蕭蕭雨打蓬。

晚行

陳藻

晚烟低掃樹千重，一簇人家接遠空。
日暮荒陂行客盡，只尋牛跡去匆匆。

題趙秀才壁

陳造

日日危亭凭曲闌，幾山蒼翠擁煙鬟。
連朝策馬衝雲去，盡

是亭中望處山

斬春道中

張孝祥

霜淨波平水落湾，我行正在畫圖間。
簾鉤不用怕風日，且省江南江北山。

過九嶺

徐璣

斷崖橫路水潺潺，行到山根又上山。
眼看別峯雲霧起，不知身也在雲間。

旅夜書懷

胡朝穎

十日春光九日陰，故園千里未歸心。
遙憐兒女寒窓底，指點燈花語夜深。

絕句

盧踏

客懷耿耿自難寬，寬老傍京華更鮮。
歡遠夢已回窓不曉，杏花同度五更寒。

離巫山晚泊棹石灘下

李真

黃昏風雨阻江濱，翠館群峰暮色勻。
一夜子規啼到曉，孤舟愁煞未歸人。

廬山道中

盧祖皋

粉黃蛺蝶遠疎籬，山崦人家挂酒旗。
細雨嫩寒衫袖薄，客中知是菊花時。

寧川冷渡

華岳

峰回路轉六七里，林靜鳥啼三四聲。
遊女不知行旅恨，一茶留我話平生。

壽昌道中

劉克莊

山路泥深雪未乾，病身初怕浙西寒。
新年臺曆無人寄，且就村翁壁上看。

巖通州

文天祥

白骨叢中過一春，東將入海

避風塵，姓名變盡形容改，猶有天涯相識人。

贛灘

孫泉谷

北來快順一鷺駛，南去間關百丈牽。
世事從來盡如此，下灘船看上灘船。

盱眙旅舍

路德章

道傍草屋兩三家，見客播麻旋煎茶。
漸近中原語音好，不知淮水是天涯。

建州道中

無名氏

江南三月已聞蟬，麥熟梅黃繭作綿。
料得故園煙雨裏，輕寒猶自養花天。

客程尋詩

蒙齋

踏破千山與萬山，旗亭風軟客程寬。
徐行懶上肩輿去，怕有新題不及看。

宋樓道中

金劉從益

十里羊腸路，詰盤過花穿柳。
幾回還馬頭，忽轉青林角。
綠遶人家水一灣。

榆社硤口村早發

元元好問

瘦馬長途懶着鞭，客懷牢落
五更天。幾時不屬雞聲管，睡
到東窗日影偏。

江行大雨水漲方回

客路由來但喜晴，山深何況
更舟行。孤篷酒醒三更雨，滴
碎愁腸，是此聲。

舟次九山黃庚

水雲盡處列奇峰，螺髻參差
杳靄中。江岸維舟看不了，煙
嵐冷碧，入疎篷。

渡端州峽范梈

權郎得便泝清流，忽報舟前
曉霧收。蠻語酬人翻自苦，好
山不敢問何州。

德興山中郭奎

石橋斜月萬山陰，雲滿寒溪
雪滿林。獨有梅花香不厭，江
南春色故園心。

旅夜于石

擁爐兀兀坐成睡，夢到家山
人不知。半夜酒醒還是客，一
庭黃葉雨來時。

過姑蘇戴表元

水天彌望接青蕪，雲氣漫漫
近又無。一色好風三百里，挂
帆安坐過姑蘇。

有感明張以寧

馬首桓州又懿州，朔風秋冷
黑貂裘。可憐吹得頭如雪，更

上安南萬里舟

將赴金陵始出閶門夜泊

二首

高啓

烏啼霜月夜寥寥回首離城
尚未遙正是思家起頭夜遠
鐘孤棹宿楓橋

烟月籠沙客未眠歌聲燈火
酒家前如何纔出閶門外已
似秦淮夜泊船

夜寫家書

月澹梧桐雨後天蕭蕭絡緯
夜燈前誰憐古寺空齋客獨
寫家書猶未眠

江行

董良史

江水悠悠江路長孤鴻啼月
有微霜十年蹤跡渾無定莫
更逢人問故鄉

燕山春暮

張羽

金水橋邊蜀鳥啼玉泉山下
柳花飛江南江北三千里愁
絕春歸客未歸

客中感懷

王蒙

十年踪跡厭紅塵功業無成
白髮新夢裏不知身是客覺
來惟有影隨身

夏口夜泊

李夢陽

黃鶴樓前日欲低漢陽城樹
亂烏啼孤舟夜泊東游客恨
殺長江不向西

舟中即事

陳達

濕霧濛濛書不開扁舟何處
越王臺蘆花淺水暫停泊恐
有前村風雨來

沙平道中

陳焯

海北江南西地賒驅車遙向
楚天涯逢人更入雲深處一

大黃昏吹落花

夜泊闔閭城 孫一元

欲行未行風力柔，吳門挂席
夜正幽，秋水半汀鷗共我好

山西岸，月隨舟

過滁州 錢琦

江北徐南數日程，蕭蕭落木
送秋聲，夕陽滿地鳥飛絕，人

在亂山堆裏行

山行聞鷓鴣 陳价夫

楊花似雪草如烟，拂面東風
不起塵，無數青山春雨後，鷓
鴣聲裏遠行人

蘭溪夜泊 王毓德

暮雨孤村繫客船，漁燈相對
不成眠，思家淚共蘭溪水，一
夜潺湲過枕邊

歸閩宿子規嶺 王應山

千盤休難路行艱，茅舍清幽
客夢閒，杜宇不須頻喚醒，明
朝馬首是閩關

靖公弟至 清周亮工

荒城兀坐對燈殘，歸計先愁
百八灘，爾又遠來余未去，高
堂清淚幾時乾

南還至橫浦驛前與程五

別處 程可則

憶向清秋採白蘋，今來江上
值殘春，一從橫浦三年別，南
北俱為萬里人

江上 王士禎

吳頭楚尾路如何，煙雨秋深
暗白波，晚趁寒潮渡江去，滿
林黃葉雁聲多

夜雨題寒山寺寄西樵

禮吉

日暮東塘正落潮孤蓬泊處
雨瀟瀟疎鐘夜火寒山寺記
過吳楓第幾橋

午睡過穆陵關覺後感作
崎嶇驛路万重山鄉夢猶能
夜夜還忽聽竹鷄驚午枕白
雲已失穆陵關

荊山口待渡

西連豐沛走中原風色蕭蕭
野渡昏一望孤城天接水乱
山合沓是彭門

雨中度故關

危棧飛流万仞山戍樓遙指
暮雲間西風忽送瀟瀟雨滿
路槐花出故關

途中遇入京使口占一絕

曹申吉

連朝風雨百重山始信荊門

道路艱逢着舊鄰煩寄訊行
人今過虎牙關

早發黃州

連朝雨雪歲將闌枕畔江聲
永夜寒夢裏分明拜家慶渾
忘身在古齊安

春日莊浪看雪 李念慈

蕭蕭風雪下千巒客裏相看
淚不乾欲典羊裘沽好酒却
愁明日又春寒

揄次道中 葉映榴

路出揄關西復西荒原白草
怪禽啼經行百里無人迹唯
有秋風送馬蹄

發蒼溪 葉燮

客心如水水如愁容易歸帆
趁疾流忽訝篷牕送吳語故
山月已挂船頭

女學詩選

渡錢塘

朱彝尊

渡口乘潮漾北風，輕舟如馬，
沂江東，明朝又是山陰道，身
在子巖萬壑中。

自贛州至南安灘行口号

一片風帆潮急流，船人勸道
莫深愁，只應預想歸程樂，柔
櫓嘔啞下吉州。

題旅店

王九齡

曉覺茅簷片月低，依稀鄉國
夢中迷，世間何物催人老，半
是雞聲半馬蹄。

溪西早行

黃始

溪上人家秋水生，孤舟常自
五更行，一聲啼鳥半江月，繞
到西山天欲明。

吳江舟夜

汪洋度

水驛迢遙望不分，愁心落葉
共紛紛，扁舟一夜搖江月，入
夢吳歌斷續聞。

將出都赴滇却寄吳中諸友

鄂爾泰

尺書裁罷又重拈，細字旁添
手自緘，此去滇陽真万里，夢
魂不易到江南。

登蕪湖浮屠

查慎行

落帽家山記幾巡，弟兄南北
各傷神，茱萸明日重陽酒，五
處登高各一人。

江上遇大兄亦于

徐白

百種愁情一寸腸，更罹多難
又無鄉，與君一世為兄弟，只
是相逢在路傍。

晚入山東界

施朝幹

山通青兗晚陰陰，却望鄉關

烟水深舟子不須輕解纜
今宵猶得聽南音

聞琵琶

秋風蕭然艸初黃
盡日行人望故鄉
一曲琵琶數行淚
倚樓今夜月如霜

山牕

張詔庭

空階入夜雨蕭蕭
剔盡孤燈漏轉遙
為怕客中聽不得
小窗先日剪芭蕉

京署夜聞風聲因憶去年

此日泊舟江上高斯

安慶城東晚泊船
江風霜折夜蕭然
分明湖海餘聲在
又向長安攬客眠

趙北口

高景光

碧湖如鏡影迢迢
兩岸人家間柳條
畧似鱸鄉亭畔路
夕

陽秋水小紅橋

舟中絕句

顏光猷

船開鎮遠大橋頭
綠水青山宛轉流
七十二灘瞬息過
滿江風雨下辰州

歸舟口號

李繩

濛濛雨氣冷侵衣
遙指吳江舊釣磯
一路鷓鴣啼不住
綠楊影裏片帆歸

道中紀事

陳魯章

月映湖光分外明
蘆花影裏一舟橫
夜深聞有御音在
曉起開篷問姓名

五月九日舟中偶成

張若駒

水窓晴掩日光高
河上風寒正長潮
忽忽夢回憶家事
女兒生日是今朝

行路難

鄭燮

天明始覺滿身霜，抖擻征衫
曳馬韉。茅店煖烟噓冷面，射
久朝日出林塘。

憶父

宋凌雲

吳樹燕雲斷尺書，迢迢兩地
恨何如。夢魂不憚長安遠，幾
度乘風問起居。

幼學詩選乾之卷終

幼學詩選坤之卷

美濃

邨瀨黎泰乙撰

尾張

寺西詮嗣山
杉野黃子進校

感慨類

回鄉偶書

唐賀知章

少小離家老大回，鄉音無改
鬢毛摧。兒童相見不相識，笑
問客從何處來。

落第後口號

薛據

十五能文西入秦，三十無家
作路人。時命不將明主合，布
衣空惹洛陽塵。

私成口號誦示裴迪

王維

萬戶傷心生野烟，百官何日
更朝天。秋槐葉落空宮裏，凝
碧池頭奏管絃。

馮興

杜甫

二月已破三月來漸老逢春能幾回莫思身外無窮事且盡生前有限盃

病中嫁妓

司空曙

万事傷心在目前一身垂淚對花殘黃金散盡教歌舞留與他人樂少年

初入諫司喜家室至

竇群

一旦悲歡見孟光十年辛苦伴滄浪不知華硯綠封事猶問傭書日幾行

上汝州郡樓

李益

黃昏鼓角似邊州三十年前上此樓今日山川對垂淚傷心不獨為悲秋

聽舊宮人穆氏唱歌

劉禹錫

曾隨織女渡天河記得雲間第一歌休唱貞元供奉曲當時朝士已無多

老歌者

王建

白髮歌人帶舊情上皇生日出京城如今供奉多新意錯唱當時第一聲

宿府池西亭

白居易

池上平橋橋下亭夜深睡覺上攜行白頭老尹重來宿十五年前舊月明

王侍御池亭

朱門深鎖春池滿岸落薔薇水浸菰畢竟林塘誰是主主人來少客來多

感舊詩卷

夜深唵罷獨長吁老淚燈前

濕白鬚二十年前舊詩卷十
人酬和九人無

梨園弟子

白頭垂淚話梨園五十年前
雨露息莫尚華清今日事滿
山紅葉鎖宮門

望月懷江上舊遊

雍陶

往歲曾隨江客船秋風明月
洞庭邊為看今夜天如水憶
得當時水似天

勸行樂

老去風光不屬身黃金莫惜
買青春白頭縱作花園主醉
折花枝是別人

看花

山挑野杏兩三栽樹樹繁花
春後開今日主人相引看誰

知曾是客移來

寄隱者

杜牧

無媒逕路草蕭蕭自古雲林
遠市朝公道世間唯白髮貴
人頭上不曾饒

遣懷

落魄江湖載酒行楚腰纖細
掌中輕十年一覺揚州夢羸
得青樓薄倖名

秋思

許渾

琪樹西風枕簟秋楚雲湘水
憶同遊高歌一曲掩明鏡昨
日少年今白頭

贈彈箏人

温庭筠

天寶年中事玉皇曾將新曲
教寧王鈿蟬金雁皆零落一
曲伊州淚萬行

春樓

盧綸

花正濃時人正愁逢花却欲替花羞年來笑伴皆歸去今日晴明獨上樓

退朝望終南山 李拯

紫宸朝罷綴鸚鵡丹鳳樓前駐馬看唯有終南山色在清明依舊滿長安

批子弟理舊居狀

揚珍

四隣侵我好從伊畢竟須思未有時試上含元殿基望秋風秋草正離離

修史亭

司空圖

烏紗巾上是青天檢束酬知四十年誰料平生臂鷹手挑燈自送佛前錢

觀野花思京師舊遊

無名氏

曾至街西看牡丹牡丹纔謝便心闌如今變作村園眼鼓子花開也喜觀

解印

廖凝

五斗徒勞漫折腰三年西髻為誰焦今朝官滿重歸去還挈來時舊酒瓢

長安早秋

僧子蘭

風舞槐花落御溝終南山色入城秋門門走馬徵兵急公子笙歌醉玉樓

題關右寺壁

宋王嗣宗

欲掛衣冠神武門先尋水竹渭南村却將舊斬樓蘭劍旋博黃牛教子孫

途中

張詠

人情到底重官榮見我東歸夾路迎不免舊溪高士笑天

真衣盡得虛名

省中

王荊公

萬事悠悠心自知，強顏於世轉參差。
晚來獨向秋風裏，卧看蜘蛛結網時。

縱筆

蘇軾

寂寂東坡一病翁，白鬚蕭散滿霜風。
兒童誤喜朱顏在，一笑那知是酒紅。

山村

杖藜裹飯去，忽忽過眼青錢轉手空。
贏得兒童語音好，一年強半在城中。

天津感事

邵雍

前朝無限貴公卿，後世徒能記姓名。
唯有天津橋下水，年年只作一般聲。

懷金陵

張耒

曾作金陵爛漫遊，北歸塵土變衣裘。
芰荷聲裡孤舟卧，入江南第一州。

病中聞雨

李昭玘

官居寥落禁門東，秋滿長安一夜風。
老病不眠成輾轉，五更鐘鼓雨聲中。

宿西軒

任伯雨

茅檐不動晚風微，獨對爐烟枕半欹。
唯有多情沙上月，依然青瑣照人時。

題青泥市寺壁

岳飛

雄氣堂堂貫斗牛，誓將真節報君讐。
斬除頑惡還車駕，不問登壇萬戶侯。

惜海棠未開

程敦厚

今年春色可勝嗟，二月山中未見花。
長憶去年今夜月，海

棠花影到葱紗

新亭

史正志

龍盤虎踞阻江流，割據由來
起仲謀。從此但誇佳麗地，不
知西北有神州。

有感

朱熹

昨夜江邊春水生，艤艫巨艦
一毛輕。向來枉費推移力，此
日中流自在行。

闕題

王楙

到處江山是戰場，淮民依舊
說耕桑。梅花不識興亡恨，猶
向東風笑夕陽。

會同館

范成大

万里孤臣致命秋，此身何止
一沤浮。提攜漢節，同生死休
問，羝羊解乳不

春晚懷山南

陸游

梨花堆雪，柳吹綿，嘗記梁州
古驛。前二十四年成昨夢，每
逢春晚，即悽然。

醉歌

百騎河灘獵盛秋，至今血漬
短貂裘。誰知老卧江湖上，猶
枕當年虎鬪髀。

排悶

四十從軍渭水邊，功名無命
氣猶全。白頭爛醉東吳市，自
拔長刀割虱肩。

感舊

雕鞍送客，雙流驛，銀燭看花
万里橋。三十三年真一夢，第
舊寒，雨夜蕭蕭。

書感

行遍天涯，等斷蓬，作詩博得
一生窮。可憐老境蕭蕭夢，常

文選詩

在荒山破驛中

春日雜咏

攬睡禽聲曉，傍簷泥人花氣。
午穿簾，歡情老去年年薄，因
思春來日，添

貧甚戲作

糴米歸遲，午未炊，家人竊憫。
乃翁飢不知弄筆，東窗下正
和淵明乞食詩

示兒

死去元知万事空，但悲不見
九州同。王師北平中原，日家
祭無忘告乃翁。

自哂

劉仙倫

曾騎白鶴上揚州，頭插花枝
秉燭遊。尊酒通來誰是伴，白
雲收盡數峰秋。
鬪雞走馬醉高陽，今日歸來

兩鬢霜無限，少年心上事半
簾。豆雨語寒螢

世事悠悠酒幾杯，晴窓把鏡
獨徘徊。西風吹老梧桐樹，仍
送新霜兩鬢來。

淮村兵後

戴復古

小桃無主自開花，煙草茫茫
帶晚鴉。幾處敗垣圍故井，向
來一一是人家的。

題蔡仲卿青在堂

幾人富貴不能開，夜運牙籌
日跨鞍。役役一生忙裏過，不
知屋上有青天。

老奴

劉克莊

老奴昔逐我西東，捷似猿猴
跳絕峯。今日道旁扶一柵，乃
公安得不龍鍾。

記夢

刀筆詩

感慨

七

父兄誨我，髣髴初老不成名。
鬢髮疎，紙帳鐵檠風雪夜，夢
中猶誦少時書。

朱門

周端臣

朱門茅屋偶為鄰，北阮誰憐
南阮貧。却是梅花無世態，隔
牆分送一枝春。

兵火後還鄉

嚴粲

萬屋烟消撲面塵，還家何處
訪情親。舊時巷陌今難認，却
問新移來住人。

鏡湖

張惟中

昔年曾過賀家湖，今日烟波
大半無。惟有一天秋夜月，不
隨田畝入官租。

鬻廬

宋氏

自歎年來刺骨貧，吾廬今已
屬西隣。殷懃說與東園柳，他

日相逢是路人。

驛程記

趙鈞月

白塔橋邊買地經，長亭短堠
甚分明。如何只到錢塘住，不
說中原有幾程。

下蜀

花藥夫人

君王城上豎降旗，妾在深宮
何得知。十四萬人齊解甲也，
無一箇是男兒。

京城雜咏

元 歐陽玄

奉詔修書白玉堂，朝朝騎馬
侍宮牆。脾河東畔垂楊柳，時
有鶯聲似故鄉。

有感

明 劉基

浪動江淮戰血紅，羽書應不
達宸聰。紫微門下逢宣使，新
向湖州召畫工。

自贊

顧英

儒衣僧帽道人鞋到處青山
骨可埋還憶少年豪俠興五
陵裘馬洛陽街

感舊遊

吳與弼

石橋門巷落花深暗日光風
鳥亂吟人事暗隨春夢改綠
楊還似舊時陰

重過梁坡臺廢寺有感

余育

古寺無僧門半扃重来往事
倍傷神一株殘柳猶青眼似
識當年繫馬人

立春日感慨

陳薦夫

征袖翩翩浥淚痕別離無計
但銷魂應嗟不及墻東柳歲
歲春風在故園

聞撫洞庭秋思曲

清方朝

曾放扁舟沂楚天清猿淚竹
思淒然廿年夢裏湘山月今
夜分明在七絃

失題

高莘田

常參班裏說歸休都作寒暄
好話頭恰似朱門歌舞地屏
風偏画白蘋洲

憶法藏寺前柳

陳維崧

一樹青絲拂寺前毵毵和月
復和煙當時春夜頻來往曾
見依依十二年

山塘問步

宋樹毅

踈狂猶記少年時幾處歌場
鬪雪詩今日舊遊零落盡酒
痕只有故衫知

盧溝橋

僧元璟

日色纔分萬眾囂黃塵漠漠
馬蹄驕題詩欲問桑乾水曾

有閑人過此橋

悼傷類

哭孟寂

唐張籍

曲江院裏題名處十九人中
最少年今日春光君不見杏
花零落寺門前

傷愚溪

劉禹錫

柳門竹巷依依在野草青苔
日日多縱有隣人解吹笛山
陽舊侶更誰過

哭子

元稹

爾母溺情連夜哭我身因事
有時悲鐘聲欲動東方曙便
是尋常上學時

家園瓜熟是故蕭相公所
遣瓜種悽然感舊因賦此

詩

劉長卿

事太人亡跡自留黃花綠蒂
不勝愁誰能更向青門外秋
草茫茫覓故侯

題柳即中故居

李德裕

下馬荒階日欲曛潺湲石溜
靜中聞鳥啼花落人聲絕寂
寞山窻掩白雲

聞崔倚菴葬

劉言史

遠客那能返故廬蒼梧埋骨
痛何如他時親戚空相憶席
上同悲一紙書

江樓書感

趙嘏

獨上江樓思渺然月光如水
水連天同來翫月人何處風
景依稀似去年

悼楊氏妓琴絃

朱褒

魂歸寥廓魄歸泉只住人間

十五年昨日施僧裙帶上斷腸猶繫琵琶絃

無題 王周

梨花如雪已相迷更被驚鳥半夜啼簾捲玉樓人寂寂一鈎新月未沈西

用西林舊韻 宋朱熹

一自藍輿去不回故山空鎖舊池臺傷心觸目經行處幾度親陪杖履來

題陳景明梅廬 戴復古

手栽梅枝待成林慈母當年屬望深梅未成林人已往空酸孝子一生心

悼阿駒 劉克莊

吾老方期汝九宗凌憐不與衆雖同豈知希世千金寶止作空華賺乃翁

殤女

靈照羈魂章水西冷風殘雪古招提老懷已作空花看更把楞嚴曉病妻

重九再到張已隔世書詩 牌後一首 王阮

碧紗籠底墨才乾白玉樓中骨已寒淚盡當年聯騎客菊花時節獨來看

失子 金周昂

白髮飄蕭老病身幾因兒女淚沾巾虛談誤世王夷甫只有情鍾語最真

無題 明陸弼

珠簾寂寞網流塵舞歇歌殘已十春惟有香魂消不得至今猶作夢中人

哭張天如先生 陳子龍

越山北望指吳關，一月緘書
幾往還。數日不傳雲裏字，那
知非復在人間。

悼亡

孟淑卿

斑斑羅袖濕淚痕，深恨無香
使返魂。萱菘花開人不見，一
簾明月伴黃昏。

悼夫集句

劉氏

江流曲似九迴腸，愁思非春
亦自傷。明月不知人世變，夜
來依舊下西廂。

夢長兄悽然有作

僧明秀

獨夜殘燈一雁鳴，淒涼夢裏
似平生。相看無奈幽明隔，枕
畔蕭蕭風雨聲。

過孫山人故居

溪邊野竹映寒沙，茅屋青山

處士家。燕子歸來寒食雨，春
風開遍野棠花。

題謝怡古遺稿

清 黎士弘

詩魂苦瘦看猶在，方駕曹劉
意未降。倘更十年身不死，無
人道着賈長江。

悼亡

王士禛

藥鑪經卷送生涯，禪榻春風
兩鬢華。一語寄君君聽取，不
教兒女衣蘆花。

悼亡姬趙氏二首

惠周暢

春時初嫁，秋來病。九月東遊
我未歸，獨擁寒衾壓針線。辛
勤還為寄寒衣。

年來無夢到形扉，卧聽三商
玉漏稀。記得去春風雪夜，添
香喚我着朝衣。

七夕詞

沈德潛

璇宮休怨渺難攀地久天長
往復還但有生離無死別果
然天上勝人間

悼亡

張照

邊闕暑夕冷於秋孤鵲驚飛
別樹頭此夜万家明月裏幾
人思婦獨登樓

哭女三首

姚世鉉

十歲言詩有性靈木蘭愛說
替爺征黃泉不是黃河水聞
否爺娘喚女聲
貧家生小儉梳妝竹筍練裙
少盛裝繡得羅襦幾回着送
終猶是嫁衣裳
傳業方今羨蔡邕慰情那更
比陶公明知此恨古人少哭
女偏當無子翁

癸丑秋陳妾得舉一子誌

喜

吳巽

窮薄還憑世澤存朝來孤矢
喜懸門翻嗟姑舅先朝露未
得生前一弄孫

仙釋類

玉真公主影殿 唐 盧綸

夕照臨窻起暗塵青松繞殿
不知春君看白髮誦經者半
是宮中歌舞人

生公講堂

劉禹錫

生公說法鬼神聽身後堂空
夜不扃高座寂寥塵漠漠一
林明月可中庭

春題華陽觀

白居易

帝子吹簫逐鳳凰空留仙洞

錦華陽落花何處堪惆悵頭
白宮人掃影堂

題揚州木蘭院 王播

三十年前此地遊木蘭花發
院初修而今再到經行處樹
老無花僧白頭

題鶴林寺僧舍 李涉

終日昏昏醉夢間忽聞春盡
強登山因過竹院逢僧話又
得浮生半日閑

登慈恩寺

金界時來一訪僧天香飄翠
鎖窗凝碧池靜照寒松影清
晝深懸古殿燈

重過文上人院

南隨越鳥北燕鴻松月三年
別遠公無限心中不平莫一
宵清話又成空

春晚遊鶴林寺寄使府諸
公

野寺尋花春已遲背巖唯有
兩三枝明朝携酒猶堪賞為
報東風且莫吹

醉後題禪院 杜牧

觥船一掉百分空十載青春
不負公今日鬢絲禪榻畔茶
烟輕颺落花風

李侍御歸炭谷山居同宿

華嚴寺 趙嘏

家在青山近玉京白雲紅樹
滿歸程相逢一宿最高寺半
夜翠微泉落聲

尋僧

谿戶無人谷鳥飛石橋橫木
挂禪衣看雲日暮倚松立野
水亂鳴僧未歸

頭陀僧

陸龜蒙

萬峰圍繞一峰深，向此長修苦行心。
自掃雪中歸鹿跡，天明恐被獵人尋。

贈老僧

枯貌自同霜裏木，餘生唯指佛前燈。
少時寫得坐禪影，今見問人何處僧。

贈日東鑒禪師 司空圖

故國無心渡海潮，老禪方丈倚中條。
夜深雨絕松堂靜，一點山螢照寂寥。

西蜀淨衆寺七祖院小山

鄭谷

小巧巧成雨蘚斑，軒車日日叩松關。
峨眉咫尺無人去，却向僧窓看假山。

贈僧 盧士衡

不羨王公與貴人，唯將雲鶴自相親。
閑來石上觀流水，欲洗禪衣未有塵。

遊紫陽宮 成彥雄

古殿煙霞簇畫屏，直疑蹤跡到蓬瀛。
碧桃滿地眠花鹿，深院松窓擣藥聲。

七月過孤山勤上人院

宋 蔡襄

青林藹藹日暉暉，薄晚涼生暑氣微。
湖上清風如可載，畫船十隻不空歸。

悟真院 王安石

野水從橫漱屋除，午窗殘夢鳥相呼。
春風日日吹香草，山北山南路欲無。

夢中作 歐陽公

夜涼吹笛千山月，路暗迷人

百種花棋罷，不知人換世。酒闌無奈客思家。

宿餘杭山寺 蘇軾

暮鼓晨鐘自擊撞，閉門孤枕對殘釭。白灰旋撥通紅火，臥聽蕭蕭雪打窗。

絕句

天風吹月入闌干，烏鵲無聲夜向闌。織女明星來枕上，乃知身不在人間。

仙日山榮長老方丈

日射迴廊午枕明，水沈消盡碧煙橫。幽人睡覺無人見，只有飛蚊繞鬢鳴。

常州太平寺蒼菴亭

六花蔭菴林間，佛九節，菖蒲石上，仙何似東坡鐵拄杖。一時驚散野狐禪。

夜聞風雨有感 張耒

留滯招提未是歸，卧聞秋雨響疎籬。何當粗息飄萍恨，却誦僧窓聽雨詩。

望道場山塔 孫覲

蕭寺知名四十年，身投籠檻到無緣。行人指點松間路，正在孤雲落照邊。

遊金沙寺

綠笋遺苞半出籬，清谿一曲翠相迷。古苔稱意壞墻滿，好鳥盡情深樹啼。

重過楓橋寺示遷老

白首重來一夢中，青山不改舊時容。烏啼月落橋邊寺，欵枕猶聞半夜鐘。

道經柘溪靜林寺

邵棠

青山萬疊倚晴空，中有招提一徑通。
老衲不關塵世事，黃花紅葉自秋風。

寄南巖悟禪師 王銓

雪後千峰玉刻成，瓊瑤寒照寺樓明。
遙知禪老開窓坐，指點煙村看晚晴。

上方

松間清月佛前燈，菴在孤峰更上層。
犬吠一聲秋意靜，敲門知有夜歸僧。

尼院 杜小山

曾是霓裳第一人，曲終認得本來身。
身多年不作東風夢，閑却薔薇一架春。

示西林可師 朱熹

身世年來兩欲忘，一春隨意住僧房。
行逢舊隱低回久，綠樹鶯啼清晝長。

樹鶯啼清晝長

金氏菴 范成大

醉墨題窓側，暮鴉蔓藤綠。壁走青蛇，
春深有燕捎飛蝶。日暮無人掃落花。

聽雨 胡仲參

聽盡燈前細雨聲，聲聲總是別離情。
何時斷得閑煩惱，一任芭蕉滴到明。

閣皂山 劉遂初

春山靈草百花香，誰識仙家日月長。
滿院莓苔綠陰匝，棋聲何處隔宮牆。

僧門 林景熙

一閑每笑不如僧，及到僧門閑未能。
昨夜褐袍風雪裏，隔溪犬吠入林燈。

沁水山寺 金王寂

兩峽山高月半輪五更人起
馬嘶頻無端又上長安道輸
與僧窻飽睡人

宿焦山上方元郭天錫

揚子江頭風浪平焦山寺裏
晚鐘鳴爐煙已斷燈花落喚
起山僧看月明

師子林即景僧惟則

道人肩水灌畦蔬託鉢舩歸
粟有餘飽飯禪和無一事繞
池分食餞遊魚

憶原上人明錕績

一西綬鞋八尺藤廣陵行遍
又金陵不知竹雨松風夜吟
對秋山那寺燈

寄茅山道士王問

曾向華陽洞口過三峰高處
白雲多仙房隱隱依巖竹清

夜經聲出薛蘿

湧泉菴李攀龍

錦陽川上女僧家紅樹蕭蕭
白日斜弟子如雲人不見可
憐秋老玉蓮花

遊金燈寺謝榛

策杖穿林路幾重上方鐘磬
出雲峯再來只恐無尋處好
記懸崖一古松

宿香嚴寺蕭宗

方丈香銷客未眠出城頓覺
夜如年烏啼霜落僧歸院雲
滿空山月滿天

和寒山子詩陳杓

青烟紫霧夕冥冥似雨飛泉
滿戶庭白日山人無一事水
精簾下閱金經

與僧一然聽鐘廖孔說

寥寥相對一燈明，數盡遙鐘百八聲。
題向山堂成，故交他年却好話平生。

自錦繡峰下至東林寺
清 王士禎

江州郭外雪雲濃，翠壁丹崖錦繡重。
行盡青溪三百曲，東林纔打午時鐘。

題寒山寺
汪懋麟

吳中池館日吹簫，只有寒山寺寂寥。
搖落江楓對漁火，行人歸去雨蕭蕭。

宏濟寺
田 霖

初入長干第一關，果然幽境出塵寰。
西風黃葉南朝寺，前面長江後面山。

憑弔類

汾陰行
唐 李 嶠

山川滿目淚沾衣，富貴榮華能幾時。
不見祇今汾水上，唯有年年秋雁飛。

印山
沈佺期

北印山上列墳塋，萬古千秋對洛城。
城中日夕歌鐘起，山上惟聞松柏聲。

銅雀臺
劉廷琦

銅臺宮觀委灰塵，魏主園陵漳水濱。
即今西望猶堪思，況復當時歌舞人。

越中懷古
李 白

越王勾踐破吳歸，義士還家盡錦衣。
宮女如花滿春殿，只今惟有鷓鴣飛。

山房春事
岑 參

梁園日暮亂飛鴉極目蕭條
三兩家庭樹不知人去盡春
來還發舊時花

讀嶧山研 張繇

六國平來四海家相君當代
擅才華誰知頌德山頭石却
與他人戒後車

宿昭應 顧况

武帝祈靈太乙壇新豐樹色
繞千官那知今夜長生殿獨
閉空山月影寒

南遊感興 竇翬

傷心欲問前朝事惟見江流
太不回日暮東風春艸綠鷓
鴒飛上越王臺

隋宮燕 李益

燕語如傷舊國春宮花零落
總成塵自從一閉風光後幾

度飛來不見人

華清宮 王建

涓慢高樓一百家宮前楊柳
寺前花內園分得温湯水二
月中旬已進瓜

會誓東小山 陸羽

月色寒潮入剡溪清猿叫斷
綠林西昔人已逐東流去空
見年年芳草齊

華清宮 李約

君王遊樂萬幾輕一曲霓裳
四海兵玉輦升天人已盡故
宮猶有樹長生

登闔閭故城 武元衡

登高遠望自傷情柳鞦花開
映古城全盛已隨流水去黃
鸝空嘒暮春聲

吳城覽古 陳羽

吳王舊國水煙空，香逕無人
蘭葉紅。春色似憐歌舞地，年
年先發館娃宮。

題楚昭王廟 韓愈

丘墳滿目衣冠盡，城闕連雲
草樹荒。猶有國人懷舊德，一
間茅屋祭昭王。

木居士廟

火透波穿不計春，根如頭面
幹如身。偶然題作木居士，便
有無窮求福人。

石頭城 劉禹錫

山圍故國周遭在，潮拍空城
寂寞回。淮水東邊舊時月，夜
深還過女牆來。

烏衣巷

朱雀橋邊野草花，烏衣巷口
夕陽斜。當時王謝堂前燕飛

入尋常百姓家。

臺城

臺城六代競豪華，結綺臨春
事最奢。萬戶千門成野草，只
緣一曲後庭花。

法雄寺東樓 張籍

汾陽舊宅今為寺，猶有當時
歌舞樓。四十年來車馬絕，古
槐深巷暮蟬愁。

長洲苑 白居易

春入長洲草又生，鷓鴣飛起
少人行。年深不辨娃宮處，夜
夜蘇臺空月明。

題昭應溫泉 孫叔向

一道泉圍繞御溝，先皇曾向
此中遊。雖然水是无情物，也
到宮前咽不流。

過襄陽上于司空頓

李涉

方城漢水舊城池，陵谷依然
世自移。歇馬獨來尋故吏，逢
人唯說岷山碑。

望思臺

鄭還古

讒說能令骨肉離，姦情難測
事堪悲。何因掘得江充骨，搗
作微塵祭望思。

華清宮

張祜

紅樹蕭蕭閣半開，上皇曾幸
此宮來。至今風俗驪山下，村
笛猶吹阿濫堆。

寶應縣

雍陶

雪樓當日動晴寒，渭水梁山
鳥外看。聞說先皇曾到此，吟
詩不敢倚欄干。

題烏江亭

杜牧

勝敗兵家事不期，包羞忍恥

是男兒。江東子弟多才俊，卷
土重來未可知。

赤壁

折戟沈沙鐵半銷，自將磨洗
認前朝。東風不與周郎便，銅
雀春深鎖二喬。

泊秦淮

煙籠寒水月籠沙，夜泊秦淮
近酒家。商女不知亡國恨，隔
江猶唱後庭花。

金谷園

繁華竟散逐香塵，流水無情
艸自春。日暮東風怨啼鳥，落
花猶似墜樓人。

登樂遊原

長空澹澹沒孤鴻，萬古消沈
向此中。看取漢家何事業，五
陵無樹起秋風。

途經秦始皇墓，許渾
龍盤虎踞樹層層，勢入浮雲
亦是崩一種，青山秋草裏行
人唯拜漢文陵

經故大尉段公廟

靜想追兵緩翠華，古碑荒廟
閉松花，紀生不向榮，易死爭
有山河屬漢家

驪山有感

李商隱

驪岫飛泉泛暖香，九龍呵護
玉蓮房，平明每幸長生殿，不
從金輿唯壽王

龍池

龍池賜酒蔽雲屏，羯鼓聲高
衆樂停，夜半宴歸宮漏永，薛
王沈醉壽王醒

經郭汾陽舊宅

趙嘏

門前不改舊山河，破虜曾輕

馬伏波，今日獨經歌舞地，古
槐疎，冷夕陽多

秋日過驪山

孟遲

冷日微煙渭水愁，華清宮樹
不勝秋，霓裳一曲千門鎖，白
盡梨園弟子頭

華清宮

崔櫓

草遮回磴絕鳴鑿，雲樹森森
碧殿寒，明月自來還自去，更
無人倚玉欄干

嚴陵釣臺

黃滔

終向煙霞作野夫，一竿竹不
換簪裾，直釣猶逐熊羆起，獨
是先生真釣魚

長城

汪遵

秦築長城比鐵牢，蕃戎不敢
過臨洮，焉知万里連雲勢，不
及堯階三尺高

梁寺

立國從來為戰功，一朝何事却談空。
臺城兵匝無人敵，閑卧高僧滿梵宮。

汴河懷古

皮日休

盡道隋亡為此河，至今千里賴通波。
若無水殿龍舟夏，共禹論功不較多。

長城

胡曾

祖舜宗堯自太平，秦皇何事苦蒼生。
不知禍起蕭牆內，虛築防胡万里城。

陳宮

羅鄴

白玉樽前紫桂香，迎春閣上燕雙雙。
陳王半醉貴妃舞，不覺隋兵夜渡江。

焚書阬

章碣

竹帛煙銷帝業虛，闕河空鎖

祖龍居阮，灰未冷，山東亂劉項。
元來不讀書。

華清宮二首

吳融

四郊飛雪暗雲端，惟此宮中落旋乾。
綠樹碧簷相掩映，無人知道外邊寒。

漁陽烽火照函關，玉輦匆匆下此山。
一曲羽衣聽不盡，至今遺恨水潺潺。

過金陵

韋莊

江雨霏霏江草齊，六朝如夢鳥空啼。
無情最是臺城柳，依舊煙籠十里堤。

繡嶺宮詞

李洞

春草萋萋春水綠，野棠開盡飄香玉。
繡嶺宮前鶴髮翁，猶唱開元太平曲。

過金陵

江為

玉樹歌終王氣收，雁行高送石城秋。
江山不管興亡事，一任斜陽伴客愁。

劉琚

五湖春水接遙天，國破君亡不記年。
唯有妖娥曾舞處，古臺寂寞起愁烟。

題巫山神女廟 宋 吳簡言

惆悵巫娥事不平，當時一夢是虛成。
只因宋玉閑脣吻，流盡巴江洗不清。

錢昆

蔡壇拜日恩雖厚，躡足封時慮已深。
隆準早知同鳥喙，將軍應有五湖心。

題歌風臺 張方平

落魄劉郎作帝歸，樽前一曲大風詞。
才如信越猶蘓醜，安

用思他猛士為

釣臺

范仲淹

漢包六合網賢豪，一箇冥鴻惜羽毛。
世祖功臣三十六，雲臺爭似釣臺高。

雞鳴臺

范鎮

古人惟恃衆心城，何事秦皇苦好兵。
本設函關禁姦詐，不知夜半有鷄鳴。

蠡口絕句

鄭獬

千重越甲夜城圍，戰罷君王醉不知。
若論破吳功第一，黃金只合鑄西施。

金陵即事

王安石

結綺臨春歌舞地，荒蹊狹巷兩三家。
東風漫漫吹桃李，非復當時仗外花。

驪山二首

蘇軾

功成雖欲善持盈，可歎前王時。太平辛苦驪山山下土，阿房纔廢又華清。

海中方士覓三山，萬古明知去不還。咫尺秦陵是高監，朝元何必苦躋攀。

長安覽古 張舜民

黃鵠高飛去不還，百年世夏奕蒼間。沈香亭畔千株石，散與人間作假山。

秦山洞 潘興嗣

秦人當日避風煙，自種桑麻老洞天。綠竹橫溪雞犬靜，不知門外漢山川。

城山 華鎮

兵家制勝舊多門，贈答雍容亦解紛。緩報一雙文錦鯉，坐歸十萬水犀軍。

題華清宮 杜常

東別家山十六程，曉來扣月到華清。朝元閣上西風急，都入長楊作雨聲。

韓碑 江端友

淮西功業冠皇唐，吏部文章日月光。千載斷碑人膽喪，不知世有段文昌。

題嚴陵釣臺 陳貫道

足加帝腹似痴頑，詎肯折腰求好官。明主莫將臣子待，故人只作友朋看。

汀京紀事 劉子翬

空嗟覆餗誤前朝，骨折人間罵未消。夜月池臺王傳宅，春風楊柳相公橋。

雷萬春墓 范成大

九隕元身不隕名，言言千載

氣如生欲知忠信行，蠻貊過墓，胡兒下馬行。

長沙王墓

英雄轉眼，逐東流，百戰工夫。土一杯，蒿麥茫茫，花似雪，牧童吹笛，上高邱。

楚城

陸游

江上荒城，猿鳥悲，隔江便是屈原祠。一千五百年間，事只有灘聲似舊時。

慈恩塔

憶在長安爛漫遊，大明宮闕與雲浮。今朝偶上慈恩塔，北望茫茫永泰秋。

岳武穆墓

元宋无

剡復神州，指掌間，永昌陵側。詔師還，丹心一片，栖霞月猶照中原。万里山

金陵懷古

宮軌賣盡，雨崩牆，首蔕秋紅。滿夕陽，玉樹後庭，花不見，北人租地，種曲香。

博浪沙

陳孚

一擊車中膽氣豪，祖龍社稷已驚搖。如何十二金人外，猶有民間鍊未銷。

經杜樊川水榭故基

周砥

落花風裏酒旗搖，水榭無人春寂寥。何許長亭七十五，野鶯烟樹綠迢迢。

煙霞洞

丘處機

白石磷磷繞洞泉，蒼松鬱鬱鎖寒煙。碧桃花發朱櫻秀，別是人間一洞天。

滕王閣

僧晦幾

檻外長江去不回，檻前楊柳
後人栽。當時唯有西山在，曾
見滕王歌舞來。

詠爛柯山 明張以寧

人說仙家日月遲，仙家日月
轉堪悲。誰將百歲人間事，只
換山中一局棋。

峴山 邊貢

大樹蕭蕭白日寒，羊公祠下
獨凭欄。尋常一片山，青石長
使行人洒淚看。

經下邳 袁宏道

諸儒坑盡一身餘，始覺秦家
網目疎。枉把六經灰，火底橋
邊猶有未燒書。

樂遊原 徐燾

荒原渺渺樹層層，立馬斜陽
問廢興。何處銷沈多感慨，秦

時遺殿漢諸陵

潯陽夜泊 方文

微微秋月照江沙，兩岸楓林
蘆荻花。苦憶當年白司馬，不
知何處聽琵琶。

過彭澤縣 夏寅

古樓寂寂枕江聲，五里荒山
二里城。彭澤到今更幾令，縣
人開口說淵明。

金陵舊院 蔣超

錦繡歌殘翠黛塵，樓臺已盡
曲池湮。荒園一種瓢兒菜，獨
占秦淮舊日春。

次江東門懷古 徐元文

歌舞臺空跡已更，莫愁湖水
尚盈盈。英雄消歇知多少，紅
粉猶傳身後名。

過夷門 黃雲

初學詩選 卷八

依舊夷門汴水濱
由來豪傑混風塵
馬前莫漫輕閑吏
恐有當年侯姓人

過易水

王邦畿

地入幽州白日沈
寒雲莽莽水陰陰
亦知匕首無成處
只見重荆軻一片心

古於陵城

徐夜

仲子城邊日向中
田家饁飯自西東
高原雨脚牛羊外
一徑秋深豆葉風

曹操疑冢

查慎行

疑冢纍纍漳水頭
如山七十二高邱
正平只有墳三尺
千古安眠鸚鵡洲

蘇堤口號

沈受宏

六橋遙帶兩峯孤
烟水茫茫舊宋都
一向鄂王墳上拜
回

頭不忍見西湖

淮陰侯祠

王言從

全身只合老漁竿
苦愛炎劉上將壇
鳥盡弓藏多少恨
荒祠古木夕陽寒

籌筆驛

王廷魁

駐軍荒驛筆能籌
將畧休輕議武侯
若使渭川星未墜
銅臺應是漢宮秋

黃梁夢廬生祠

無名氏

四十年中公與侯
雖然是夢也風流
哉今落魄邯鄲道
要替先生借枕頭

征戍類

征戍類

從軍行

唐李白

百戰沙場碎鐵衣城南已合
數重圍突營射殺呼延將獨
領殘兵千騎歸

從軍行

王昌齡

驅馬新跨白玉鞍戰罷沙場
月色寒城頭缺鼓聲猶震匣
裏金刀血未乾

青海長雲暗雪山孤城遙望

玉門關黃沙百戰穿金甲不

破樓蘭終不還

秦時明月漢時關萬里長征

人未還但使龍城飛將在不

教胡馬度陰山

大漠風塵日色昏紅旗半卷

出轅門前軍夜戰洮河北已

報生擒吐谷渾

琵琶起舞換新聲總是關山

離別情撩亂邊愁聽不盡高

高秋月照長城

從軍行

明舒章

十丈黃沙沒馬鞍健兒吹角
暮雲端可憐丹鳳樓前月夜
夜飛狐嶺上者

從軍行

清乾隆帝

三邊烽火照軍營十萬丁男
夜練兵但使腰間懸寶刀丈
夫何處不成名

沙漠風高列戍連寒侵行帳

不成眠狼山夜半聞新警披

甲爭聽號令傳

出塞行

唐王昌齡

白草原頭望京師黃河水流
無盡時秋天曠野行人絕馬
首東來知是誰

出軍

戎昱

龍繞旌竿獸滿旗，翻營乍似
雲山移。中軍一隊三千騎，盡
是并州遊俠兒。

出閔

清徐蘭

憑山俯海古邊州，旆影風翻
見戍樓。馬後桃花馬前雪，出
關爭得不回頭。

塞下曲二首

唐常建

玉帛朝回望帝鄉，烏孫歸去
不稱王。天涯靜處無征戰，兵
氣鎖為日月光。

北海陰風動地來，明君祠上
望龍堆。勦賊盡是長城卒，日
暮沙場飛作灰。

塞下曲

王烈

紅顏歲歲老金微，沙磧年年
卧鐵衣。白草城中春不入，黃

花戍上雁長飛

塞下曲

令狐楚

雪滿衣裳冰滿鬚，曉隨飛將
伐單于。平生志氣今何在，把
得家書淚似珠。

塞下曲

張仲素

三戍漁陽再度遼，驛弓在臂
箭橫腰。匈奴似欲知名姓，休
傍陰山更射鵞。

朔雪飄飄開雁門，平沙歷亂
捲蓬根。功名耻計擒生數，直
斬樓蘭報國恩。

塞下曲

僧皎然

寒塞無因見落梅，胡人吹入
笛聲來。勞勞亭上春應度，夜
夜城南戰未回。

塞下曲

宋嚴仁

漠漠孤城落照間，黃榆白葦

滿關山千枝卷笛連雲起知
是胡兒牧馬還

塞下曲 明薛蕙

日暮陰風吹鐵衣孤軍轉鬪
陷重圍虜中白骨行應朽樓
上紅粧尚憶歸

塞下曲 唐順之

青袍白馬紫金鞦不向沙場
便酒樓夜來一賭青錢盡尚
有囊中血鬪髒

塞下曲 屠隆

朝隨都護出行邊斬得胡頭
馬上懸萬里無人沙月白霜
前獨枕大刀眠

隴西行 唐陳陶

誓掃匈奴不顧身五千貂錦
喪胡塵可憐無定河邊骨猶
是春閨夢裏人

涼州詞 王翰

葡萄美酒夜光盃欲飲琵琶
馬上催醉卧沙場君莫笑古
來征戰幾人回

營州歌 高適

營州少年厭原野狐裘蒙茸
獵城下虜酒千鍾不醉人胡
兒十歲能騎馬

涼州詞 張籍

鳳林閣裏水東流白草黃榆
六十秋邊將皆承主恩澤無
人解道取涼州

涼州詞 明胡侍

落日黃河水倒流沙場旌旆
風悠悠新降胡奴不解語笛
中吹出古涼州

邊詞 唐張敬忠

五原春色舊來遲二月垂楊

未掛絲即今河畔水開日正
是長安花落時

邊庭四時怨 盧 弼

春衣昨夜到榆關故國煙花
想已殘少婦不知歸未得朝
朝應上望夫山

盧龍塞外草初肥雁乳平燕
晚不飛鄉國近來音信斷至
今猶自着寒衣

朔風吹雪透刀瘢飲馬長城
窟更寒夜半火來知有敵一
時齊保賀蘭山

邊上聞胡笳 唐 杜 牧

何處吹笳薄暮天塞垣高鳥
沒狼煙征人一聽頭堪白蘇
武爭禁十九年

邊城春雪 明 王 越

二月邊城雪尚飛年年草色

見春遲不知上苑新桃李開
到東風第幾枝

磧中作 唐 岑 參

走馬西來欲到天辭家見月
西回圓今夜不知何處宿平
沙萬里絕人烟

夜上受降城聞笛

回樂峯前沙似雪受降城外
月如霜不知何處吹蘆管一
夜征人盡望鄉

趙將軍歌

九月天山風似刀城南獵馬
縮寒毛將軍縱博場場勝賭
得單于貂鼠袍

河湟舊卒 張 喬

少年隨將討河湟頭白時清
返故鄉十萬漢軍零落盡獨
吹邊曲向殘陽

凱歌

明 沈明臣

銜枚夜度五千兵，密領軍符
號令明。狹巷短兵相接處，殺
入如草，不聞聲。

漠北詞

謝榛

石頭敵火炙黃羊，胡女低歌
勸酪漿。醉殺群胡不知夜，鷓
兒山下月如霜。

雲中曲

李夢陽

黑帽健兒黃貉裘，匹馬追胡
紫塞頭。相逢不肯通名姓，但
稱家住古雲州。

征夫怨

王野

黃雲白艸沒燕山，百戰空存
兩鬢斑。不識征夫三十萬，幾
人生入玉門關。

雁門作

清 屈大均

三年作客傍潯池，聽盡哀笳

出塞歌。白髮不愁明鏡滿，秋
霜只怨雁門多。

宮掖類

宮詞五首

唐 王建

龍煙日暖紫瞳瞳，宣政門當
玉殿風。五刻閣前卿相出，下
簾聲在半天中。

春風吹雨灑旗竿，得出深宮
不怕寒。誇道自家能走馬，園
中橫過覓人看。

御厨不食索時新，每見花開
即苦春。白日卧多嬌似病，隔
簾教喚女鬢人。

供御香方加減頻，水沈山麝
每回新。內中不許相傳出，已
被醫家寫與人。

金吾除夜進儺名，畫袴朱衣
四隊行。院院燒燈如白日，沈
香火底坐吹笙。

宮詞

杜牧

銀燭秋光冷畫屏，輕羅小扇
撲流螢。玉階夜色涼如水，
坐看牽牛織女星。

宮詞

李商隱

君恩如水向東流，得寵憂移
失寵愁。莫向尊前奏花落，涼
風只在殿西頭。

宮詞

段成式

二八能歌得進名，言選入
便光榮。豈知妃后多嬌妬，不
許君前唱一聲。

宮詞

宋 許安仁

輕寒慘慘透衾羅，玉箭銅壺
漏水多。常是未明供服侍，夢
回頻問夜如何。

宮詞

劉克莊

一夜西風入碧梧，蟬聲永巷
月明孤。幾回夢裏羊車過，又
是銀牀轉轆轤。

宮詞五首

花蕊夫人

春風一面曉妝成，偷折花枝
傍水行。却被內監遙覩見，故
將紅豆打黃鶯。
侍女爭揮玉彈弓，金丸飛入
亂花中。一時驚起流鶯散，踏
落殘花滿地香。
內庭秋宴玉池，東香散荷花
水殿。風阿監采菱，牽錦纜，月
明猶在畫船中。
太液浪清，水殿涼。畫船驚起
宿鴛鴦。翠眉不及池邊柳，取
次飛花入建章。

釣練沈波漾，彩舟魚爭芳餌。

上龍鈎內人急捧金盤接撥
刺紅鱗躍未休

宮詞

明王蒙

南風吹斷採蓮歌夜雨新添
太液波水殿雲廊三十六不
知何處月明多

宮詞

王廷相

雲鬢蛾眉紫鳳笙三千隊裏
獨分明君恩莫作尋常看一
別昭陽便隔生

宮詞三首

謝榛

鸚鵡喚人池殿東花間曉日
照金籠繡簾不捲春將暮懶
向玉階掃落紅

曉起慵妝眉黛殘玉階芳艸
捲簾看花間漫撲雙蝴蝶宿
露偏沾翠袖寒

院院黃花秋色濃幾看青鏡

惜芳容瓊腮忽夢金輿過長
樂霜寒五夜鐘

宮詞

陳薦夫

雖言逐隊向長門十載何曾
識至尊命薄不教人見妬始
知無寵是君恩

宮詞

徐勣

舞袖翩翩別樣裁十年篋裏
不曾開可憐自閉長門後未
對春風舞一迴

宮詞

朱讓栩

向暖嬉遊笑語歡宮官忽道
過金鑿傳呼聲急人皆避盡
閉窻櫺紙隙看

宮詞

朱有燉

御溝秋水碧如天偶憶當年
事惘然紅葉縱教能寄恨不
知流得到誰邊

宮中詞

唐朱慶餘

寂寂花持閉院門，美人相並立瓊軒。
含情欲說宮中事，鸚鵡前頭不敢言。

後宮詞

白居易

淚濕羅巾，夢不成，夜深前殿按歌聲。
紅顏未老恩先斷，斜倚熏籠坐到明。

後宮詞

杜牧

監宮引出暫開門，隨例須朝不是恩。
銀鑰却收金鎖合，月明花落又黃昏。

春宮曲

王昌齡

昨夜風開露井桃，未央前殿月輪高。
平陽歌舞新承寵，簾外春寒賜錦袍。

和樂天春詞

劉禹錫

新妝面面下朱樓，深鎖春光

一院愁行到中庭，數花朵，蜻蜓飛上玉搔頭。

漢宮詞

李商隱

青雀西飛竟未回，君王長在集靈臺。
侍臣最有相如渴，不賜金莖露一杯。

漢宮春曉

明徐燉

春明乘曉試新妝，玉輦花間出建章。
三十六宮都望幸，車聲先已向昭陽。

漢宮詞

潘緯

棄置長門鬢欲華，後宮又道選良家。
君恩好似三春雨，半為開花半落花。

長門怨

唐鄭谷

流水君恩共不回，杏花爭忍掃成堆。
殘春未必多烟雨，淚滴開階長綠苔。

長門怨二首 劉媛

雨滴梧桐秋夜長，愁心和雨到昭陽。
淚痕不學君恩斷，拭却千行更萬行。
學畫蛾眉獨出群，當時人道便承恩。
經年不識君王面，花落黃昏空掩門。

西宮春怨 王昌齡

西宮夜靜百花香，欲捲珠簾春恨長。
斜抱雲和深見月，隴樹色隱昭陽。

長信春詞 孟遲

君恩已盡欲何歸，猶有殘香在舞衣。
自恨身輕不如燕，春來長遶御簾飛。

長信秋詞 王昌齡

真成薄命久尋思，夢見君王覺後疑。
火照西宮知夜飲，分明

明復道奉恩時

長信宮落花 明王恭

深宮花謝使人愁，片片隨風滿御溝。
妾命自憐花共薄，君恩那似水東流。

折楊柳 唐改成式

枝枝交影鎖長門，嫩色曾霏雨露恩。
鳳輦不來春欲盡，空留鶯語到黃昏。

老宮人 劉得仁

白髮宮娃不解悲，滿頭猶自插花枝。
曾緣玉貌君王寵，準擬人看似舊時。

宮人斜 明謝杰

埋玉空山土一抔，落花飛盡水悠悠。
年年灑作杜鵑血，遺恨春風十二樓。

宮人斜 徐勵

空山冥冥夜沈沈多少芳魂
不可尋莫怨埋香在黃土長
門深似墓門深

閨閣類

江南行

唐張潮

茨菰葉爛別西灣蓮子花開
猶未還妾夢不離江上水人
傳郎在鳳凰山

閨怨

王昌齡

閨中少婦不知愁春日凝妝
上翠樓忽見陌頭楊柳色悔
教夫婿覓封侯

青樓曲

馳道楊花滿御溝紅妝漫綰
上青樓金章紫綬千餘騎夫
婿朝回初拜侯

春夢

岑參

洞房昨夜春風起遙憶美人
湘江水枕上片時春夢中行
盡江南數千里

寫情

李益

水紋珍簟思悠悠千里佳期
一夕休從此無心愛良夜任
他明月下西樓

江南曲

于鵠

偶向江邊採白蘋還隨女伴
賽江神衆中不敢分明語暗
擲金錢卜遠人

浪淘沙詞

劉禹錫

鸚鵡洲頭浪飈沙青樓春望
日將斜銜泥燕子爭歸舍獨
自狂夫不憶家

竹枝詞

楊柳青青江水平聞郎江上

唱歌聲東邊日出西邊雨道
是無情却有情

日出三竿春霧消江頭蜀客
繫蘭橈憑寄狂夫書一紙家
在成都万里橋

瞿塘嘈嘈十二灘此中道路
古來難長恨人心不如水等
閒平地起波瀾

秋夜曲

張仲素

丁丁漏水夜何長漫漫輕雲
露月光秋迫陰蟲通夕響寒
衣未寄莫飛霜

秋閨思二首

秋天一夜靜無雲斷續鴻聲
到曉聞欲寄征人問消息居
延城外又移軍

碧窓斜月滿深輝愁聽寒螿
淚濕衣夢裏分明見閑塞不

知何路向金微

閨怨

白居易

寒月沈沈洞房靜真珠簾外
梧桐影秋霜欲下手先知燈
底裁縫剪刀冷

閨婦

斜凭繡床愁不動紅綃帶緩
綠鬟低遼陽春盡無消息夜
合花前日又西

燕子樓二首

滿牕明月滿簾霜被冷燈殘
拂卧床燕子樓中霜月夜秋
來只為一人長

鈿暈羅衫色似煙幾回欲着
即潜然自從不舞霓裳曲疊
在空箱十一年

閨恨

許裴

手炷熏爐對月明回文機上

暗生塵自家夫婿無消息却
恨槁頭賣卜人

閨情

孟遲

山上有山歸不得湘江暮雨
鷓鴣飛蕪蕪亦是王孫艸莫
送春香入客衣

君不來

方干

遠路東西欲問誰寒來無處
寄寒衣去時初種庭前樹樹
已勝巢人未歸

春怨

韋莊

自有春愁正斷魂不堪芳草
思王孫落花寂寂黃昏雨深
院無人獨倚門

春女怨

朱絳

獨坐紗窗刺繡遲紫荊花下
轉黃鸝欲知無限傷春意盡
在停針不語時

怨歌

薛維翰

百尺朱樓臨袂斜新妝能唱
美人車皆言賤妾紅顏好要
自狂夫不憶家

寄人

張佺

酷憐風月為多情還到春時
別恨生倚柱尋思倍惆悵一
場春夢不分明

寄夫

陳玉蘭

夫戍邊閱妾在吳西風吹妾
妾憂夫一行書信千行淚寒
到君邊衣到無

留別

慎氏

當時心事已相闕雨散雲飛
一餉間便掛孤帆從此去不
堪重過望夫山

金縷衣曲

杜氏

勸君莫惜金縷衣勸君須惜

少年時花開堪折直須折莫
待花殘空折枝

遣待兒朝華 宋秦觀

月露茫茫曉柝悲玉人揮手
斷腸時不須重向燈前泣百
歲終當一別離

為葛亞卿作 韓駒

君住江濱起畫樓妾居海角
送潮頭潮中有妾相思淚流
到樓前更不流

春詞 何橘潭

春色撩人睡不成笑牽郎手
下階行夜深簷外花陰轉一
半攔干無月明

寄衣曲 嚴仁

君戍交河春復冬寒衣到日
看親封莫嫌襟上斑斑色是
妾燈前滴淚縫

閨怨 彭友蘭

乳燕声中滿眼春淚痕凝濕
縷金裙妾心只恨君歸晚不
恨當初錯嫁君

閨情 陳允平

閑拈花片貼紗窗繡幙斜飛
燕子雙細數歸期相次近倚
樓日日望春江

戍婦 羅公升

夫戍關西妾在東東西何處
望相從只應兩處秋宵夢萬
一關頭得暫逢

閨怨 葉元素

長安遊子誤歸期懶織回文
錦字詩約臂黃金寬一寸逢
人猶道不相思

束綾詩二首 蔣桃

一曲清歌一束綾美人猶自

意嫌輕，不知織女寒。窓下幾
度拋梭織得成。
風勁衣單，手屢呵，幽窗軋軋
度寒梭。臘天日短，不盈尺，何
似妖姬一曲歌。

閨怨聞鶉

舒氏

杜鵑勸妾不如歸，何似啼教
蕩子知。郎若歸時，還有妾妾
如歸否，更依誰。

哀被虜婦

聶碧窓

當年結髮在深閨，豈料人生
有別離。到底不知因色誤，馬
前猶自買胭脂。

竹枝詞

元丁鶴年

竹雞啼處一聲聲，山雨來時
郎欲行。蜀天恰似離人眼，十
日都無一日晴。

月下裁衣

明陳繼

香牋風捲，月團團睡起裁衣。
思萬端，秋葉未紅，金剪冷玉
門闌外，不勝寒。

閨怨

清董以寧

流蘇空繫合歡床，夫婿長征
妾斷腸。留得當時臨別淚，經
年不忍浣衣裳。

春閨

駱綺蘭

春寒料峭，乍晴時睡起紗窓。
日影移何處，風箏吹斷線，飄
來落在杏花枝。

女郎詞

胡氏慎容

相呼同伴到簾幃，偷看新來
客是誰。又恐被人先瞥見，却
從紈扇隙中窺。

歌曲類

明妃曲二首 唐 儲光羲

胡王知妾不勝悲，樂府皆傳
漢國辭朝來馬上整，筵引稍
似宮中閑夜時。

日暮驚沙亂雪飛，傍人相勸
易羅衣，強來前殿看歌舞，共
待單于夜獵歸。

明妃曲 許忱甫

馬背東風去路賒，幾多幽意
寄琵琶，妾身若是能傾國，盡
捲胡沙入漢家。

明妃曲 楊達

漢國明妃去不還，馬駝絃管
向陰山，匣中縱有菱花鏡，羞
對單于照舊顏。

明妃曲 明 李攀龍

青海長雲万里秋，琵琶一曲

淚先流，六宮多少良家女，不
到沙場不解愁。

明妃曲 清 劉獻廷

漢主曾聞殺畫師，畫師何足
定妍媸，宮中多少如花女，不
嫁單于君不知。

明妃曲 諸廷樞

蛾眉宛轉欲銷魂，一曲琵琶
雙淚痕，不到陰山冰雪地，那
知永巷是君恩。

明妃曲 徐增

琵琶觸手淚沾巾，馬背西風
捲地塵，愁向李陵墳畔過，可
憐俱是漢家人。

昭君怨 唐 汪遵

漢家天子鎮寰瀛，塞北羌胡
未罷兵，猛將謀臣徒自貴，蛾
眉一笑塞塵清。

鮮昭君怨

王叡

莫怨工人醜畫身，莫嫌明主
遣和親。當時不作關氏去，祇
是宮中一舞人。

烏孫公主歌

明陳鳴鶴

生長深宮未出門，九千里外
嫁烏孫。一聲胡角空回首，何
處天邊是故園。

少年行

唐王維

出身仕漢羽林郎，初隨驃騎
戰漁陽。孰知不向邊庭苦，縱
死猶聞俠骨香。

新豐美酒斗十千，咸陽遊俠
多。少年相逢意氣為君飲，繫
馬高樓垂楊邊。

少年行

李白

五陵年少金市東，銀鞍白馬
度春風。落花踏盡遊何處，笑

入胡姬酒肆中

少年行

今狐楚

弓背霞明，劍照霜。秋風走馬，
出咸陽。未收天子河湟地，不
擬回頭望故鄉。

少年行

吳象之

承恩借獵小平津，使氣常遊
中貴人。一擲千金渾是膽，家
徒四壁不知貧。

少年行

明高啓

下直平明出禁門，提携博局，
伴王孫。寶刀不敢輕輸却，明
日沙場欲報恩。

少年行

王毓德

裝成七寶匣，吳鉤笑擁吳姬，
走馬遊。半醉直衝馳道，過橫
鞭，遙揖富民侯。

少年行

徐勵

朝入平康暮酒樓千金寶劍
百金裘醉來走馬長安道不
肯停鞭避五侯

少年行

趙世顯

紫駟玉勒控青絲挾彈花間
歸去遲雲錦夜巡歌越女桃
花春帳擁吳姬

少年行

清彭源

下馬同傾酒一樽侍兒匕首
擘蒸氈生平不着黃金甲醉
袒貂裘數箭痕

公子行

唐孟賓于

錦衣紅奪彩霞明侵曉春遊
向野庭不識農夫辛苦力驕
驄蹋爛麥青青

采蓮曲

白居易

菱葉茶波荷颭風荷花深處
小船通逢郎欲語低頭笑碧

玉搔頭落水中

采蓮曲

明謝榛

湖上西風吹綺羅靚妝越女
照清波折將蓮葉伴遮面擢
過前灘笑語多

怨歌行

長夜生寒翠幕低琵琶別調
為誰悽君心無定如明月纔
照樓東復轉西

欸乃曲

唐次山

湘江三月春水平滿月和風
宜夜行唱棹欲過平陽戍守
吏相呼問姓名

詠古類

詠史

宋文同

不得榮陽遂失秦始知成敗
盡由人可憐一擲贏天下只
使黃金四萬斤

詠史

明唐寅

宋朝受命政維新魏國稱為
社稷臣空使終年讀論語如
何不做托孤人

詠史

清陸次雲

儒冠儒服委邱墟文采風流
化土苴尚有陸生阼不盡留
他馬上說詩書

讀史有感

郁植

兵壓邯鄲氣欲吞時危公子
下監門滿堂珠履三千客朱
亥從來未受恩

結襪子

唐李白

燕南壯士吳門豪筑中置鉛
魚隱刃感君恩重許君死秦
山一擲輕鴻毛

晏嬰

明高啓

一裘身着久經年祿米分炊
幾戶烟盡說大夫能養士却
於尼叟惜封田

屈原

清乾隆帝

千秋遺恨楚江濱宗社將傾
敢惜身何事承平漢文代長
沙偏欲學斯人

薊子訓

宋陸游

世上年光東逝波咸陽銅狄
幾摩挲神仙不死成何事只
向秋風感慨多

讀秦記

蕭汛之

築了連雲万里城春風絃管
醉中聽淒涼六藉寒灰裡宿
馮咸陽火一星

讀秦記

清陳恭尹

謗聲易弭怨難除秦法雖嚴
亦甚疎夜半橋邊呼孺子人
間猶有未燒書

秦始皇

朱瑄

徐市樓船竟不還祖龍旋已
葬驪山蓬萊覓得長生藥眼
見諸侯盡入關

虞姬

明朱靜菴

力盡重瞳霸氣消楚歌声裏
恨迢迢貞魂化作原頭草不
逐東風入漢郊

賈生

唐李商隱

宣室求賢訪逐臣賈生才調
更無倫可憐夜半虛前席不
問蒼生問鬼神

劉伯倫

清汪紹焯

生死窮通附醜醜婦言雖好

不須聽利名役役真成醉只
有先生是獨醒

感天寶事

黃宗臣

青瑣如烟御柳斜承恩輦路
及誰家居延城外無春草羯
鼓猶催上苑花

楊妃

宋真山民

三郎掩淚馬嵬坡生死恩深
可奈何瘞玉驛傍何足恨滄
關戰骨不埋多

楊妃襪

曾原一

萬騎西行駐馬嵬凌波曾此
墜塵埃誰知一掬香羅小踏
轉開元宇宙來

農桑類

宋氏林亭

唐薛能

地濕莎青雨後天，桃花紅近竹林邊。
行人本是農桑客，記得春深欲種田。

蠶婦

曉夕採桑多苦辛，好花時節不關身。
若教解處繁華盡，凍殺黃金屋裏人。

春日田家

宋歐陽修

綠桑高下映平川，賽罷田神笑語喧。
林外鳴鳩春雨歇，屋頭初日杏花繁。

田家

鄭獬

田家汨汨水流渾，一樹高花明遠村。
雲意不知殘照好，却將微雨送黄昏。

山村

蘇軾

竹籬茅屋趁谿斜，春入山邨處處花。
無象太平還有象，孤煙起處是人家。

插秧

范成大

種密移疎綠毯平，行間清淺穀紋生。
誰知細細青青草，中有豐年擊壤聲。

四時田園雜詠

柳花深巷午雞聲，桑葉尖新綠未成。
坐睡覺來無一事，滿窗晴日看蠶生。

步屐尋春有好懷，雨餘蹄道水如盃。
隨入黃犬攬前去，走到溪橋忽自回。

蝴蝶雙雙入菜花，日長無客到田家。
雞飛過籬犬吠竇，知有行商來賣茶。

社下燒錢鼓似雷，日斜扶得

醉翁田青枝滿地花狼藉知
是兒孫鬪草來

種園得果僅償勞不奈兒童
鳥雀搔已挿棘針樊笱徑更

鋪漁網蓋櫻桃

黃塵行客汗如漿少住儂家
漱井香借與門前盤石坐柳

陰亭午正風涼

靜看檐蛛結網低無端妨礙
小蟲飛蜻蜓倒挂蜂兒窠催

喚山童為鮮圍

朱門乞巧沸歡声田舍黃昏
靜掩扃男解牽牛女能織不

須邀福渡河星

采菱辛苦廢犁鉏血指流丹
鬼質枯無力買田聊種水近

耒湖面亦收租

松節燃膏當燭籠凝煙如墨

暗房搗晚來拭淨南牕紙便
覺斜陽一倍紅

顏橋道中

村村籬落總新修處處田疇
盡有秋一段農家好風景稻

堆高出屋山頭

桑茶坑道中二首 楊万里

蠶辭今歲十分強催得農家
日夜忙已縛桁竿等新麥更

將了木撐歌桑

清明風日雨乾時草滿花堤
水滿溪童子柳陰眠正着一

牛喫過柳陰西

憫農

稻雲不雨不多黃蕎麥空花
早着霜已分忍飢度殘歲不

堪歲裏閏添長

農桑

陸游

采桑蠶婦念蠶飢，陌上忽忽負籠歸。却羨鄰家下湖早，畫船青繖去如飛。

農舍二首

三農雖隙亦匆忙，稼事何曾一夕忘。欲矚胡麻愁屢雨，未收蕎麥怯新霜。

神農之學未為非，日夜勤勞備歲飢。雨畏禾頭蒸耳出，潤憂麥粒化蛾飛。

鄰曲有未飯，被追入郭者。

惘然有作

春得香杭摘綠萋，縣符急急不容炊。君王日御金華殿，誰誦周家七月詩。

秋懷二首

園丁傍架摘黃瓜，村女沿籬采碧花。城市尚餘三伏熱，秋

光先到野人家。

桑竹成陰不見門，牛羊分路各歸邨。前山雨過雲無迹，別浦潮回岸有痕。

盱江途中

劉仙倫

過雨青山啼杜鵑，池塘水滿柳飛綿。田家正是忙時節，女采桑歸男下田。

新春喜雨

徐璣

農家不厭一冬晴，歲事春來漸有声。昨夜新雷催好雨，蔬畦麥隴最先青。

村景即事

翁卷

綠遍山原白滿川，子規聲裏雨如煙。鄉村四月閑人少，纔了蠶桑又插田。

農桑二首

朱繼方

裹飯驅兒候暖耕，膝泥滑滑

不堪行如何說得農家苦雨
笠風衰過一生

婦鎡夫耕日向長
確聲鳴咽宿春糧
尋思一飯何時飽
秧種青青麥未黃

農謠

方岳

漠漠餘香着草花
森森柔綠長桑麻
池塘水滿蛙成市
門巷春深燕作家

春旱

劉克莊

清明未雨下秧難
小麥低低似剪殘
窮巷蕭然唯飲水
家童忽報井源乾

久旱

賜烏下飲百川空
民自祠龍禱社公
豈是長官渾忘却
水車聲不到城中

蠶婦

謝枋得

子規啼徹四更時
起視蠶稠怕葉稀
不信樓頭揚柳玉
人歌舞未曾歸

勸農

陳自齋

清曉松間喝道聲
勞煩父老出郊迎
因廬應有高人笑
自不歸耕却勸耕

寄題高大清東村

僧道璨

浮花浪蕊易飄零
看著桑麻眼便青
荷錦歸來春晝永
紫頭重讀相牛經

邨行

金郭邦彥

棗花初落路塵香
燕掠麻池乍頡頏
一片雲陰遮十頃
賣瓜棚下午風涼

邨居

元周權

疎竹人家短短牆
綠陰深處

水邨涼山風吹斷巖前雨高
樹蟬聲正夕陽

涿南見蠶婦本汴梁貴家

楊 奐

蠶月何曾出後堂干戈流落
客他鄉羅衣着盡無人問自
把荆籃摘野棠

村園 金 涓

半畝村園接水涯誅茅新構
小書齋窓前不用栽花柳只
對青山景自佳

村家 明 王 恭

楓林草屋半蒼苔寂寂柴扉
映竹開啼鳥數聲春自好五
陵年少不曾來

夏日田家雜興 王世懋

草席繩床夜不眠晚涼新浴
坐青天月明一片禾頭露看

作長堤十里烟

秋日題田家壁 鄭 渭

一水廻村小徑長數家茅屋
陰深桑野田川盡秋郊靄籬
雀群飛滿夕陽

過村家 樊 阜

細莎邨路繞山斜澗水西頭
一兩家桑柘葉乾鳩雨歇茅
檐索索響縑車

春日田家 朱真澹

屋後青山門外溪小橋遙接
稻秧畦人家遠近蒼烟裏桑
柘陰陰戴勝啼

田間 清 王舟次

小婦扶犁大婦耕隴頭一樹
有鶯鳴兒童不解春何在只
向遊人多處行

東湖曲 朱彝尊

鱸鄉蟹舍說豐年，抗稻東湖熟最先。一雨新晴纔幾日，家家門外送租船。

田家樂

汪繹

短籬矮屋板橋西，十畝桑陰接稻畦。滿眼兒孫滿簷日飯香，時節午雞啼。

即事

高珩

井欄綠滿蒲萄葉，籬落紅垂扁豆花。窻下疏畦騷客圃，門前樵迳野人家。

田家樂

陳授衣

兒童下學惱比隣，拋壻池塘日幾巡。折得松枝當旗纛，又來呵殿學官人。

圖畫類

題畫

宋 陳與義

分明樓閣是龍門，亦有溪流曲抱村。萬里家山無路入，十年心事與誰論。

題畫

明 張弼

江上新涼霽色開，綠雲深樹見樓臺。老漁未肯拋蓑笠，還恐輕雷送雨來。

題畫

宗周

孤松百尺挂垂藤，雲際高峯十二層。日暮鳥啼山寺遠，野橋流水獨歸僧。

題畫

僧大圭

積雨平原烟樹重，翠崖千丈削芙蓉。招提更在秋雲外，只許行人聽曉鐘。

題畫

清馮班

長板橋南舊酒樓昔年曾此
記觥籌主人莫訝容顏老已
到秦淮十度遊

題画

惠椿亭

誰家亭子碧山巔白板橋通
屋幾椽遠樹層層山半角杖
藜人立夕陽天

題画

僧超源

春浦風生柳岸斜好山何處
着人家白雲遮斷橋西路不
許漁郎問落花

題米南宮畫

元 郊 韶

風流不見米南宮依舊雲林
遠樹重貌得匡廬舊游處半
江秋色洗芙蓉

題半山道人画 明文

一着袈裟絕万緣猶餘破硯
習難捐江山不是無情物寫

到荒殘亦可憐

題王翬画

清 朱彝尊

帝城日日足風霾眯眼黃塵
漲六街對此溪山最清絕便
思衝雨蹋襪

為愚山侍講題嚴蓀友画

山氣化雲雲作煙幽人蓑笠
不知年清溪曲逐楓林轉紅
葉無風落滿船

題画卷

明 張 適

青山歷歷樹重重寺在雲深
第幾峰比屋人家西崦下夕
陽長聽講時鐘

題画山水

元 倪 瓚

秋潮夜落空江渚曉樹離離
含宿雨伊軋中流聞櫓声卧
聽漁人隔烟語

山水圖

明 文徵明

轟轟青山帶白雲夕陽雞犬
數家村江空不遣漁郎到落
盡桃花自掩門

山水圖

林環

青山幾里入煙霞杖屨尋春
未覺賒流水小橋村路晚隔
林應有野人家

山水圖

僧宗泐

危峰削玉出雲端仙館霜清
古木寒記得匡廬秋雨後彭
郎湖上倚蓬看

題山水

趙迪

江上千峰紫翠浮松門苔徑
映清流茅堂雨絕湘簾暝卧
聽空山一夜秋

題山水小畫

程本立

大湖三萬六千頃七十二峰
湖上山草閣酒醒風雨過棹

歌聲在水雲間

題稚川山水

唐戴叔倫

松下茅亭五月涼汀沙雲樹
晚蒼蒼行人無限秋風思隔
水青山似故鄉

題陸芙蓉山水

清王元勳

浪跡頻年賦遠遊湖山佳處
輒勾留披圖却憶辰州道殘
夜泉聲響竹樓

臺中寓直晨覽蕭侍御壁

畫山水

唐羊士諤

蟲思庭莎白露天微風吹竹
曉凄然今來始悟朝回客暗
寫歸心向石泉

出都王山人畫山水送別

清朱彝尊

王郎五載一相逢寫出雲巒
別思重髣髴攝山風月夜秋

窓同聽六朝松

題小景

明 劉泰

隔岸峯巒過雨新，桃花水暖碧潏潏。誰家艇子閑來往，只載春光不載人。

題小景

陳蒙

野藤刺水竹籬斜，落盡東風枳殼花。日午不聞茶臼響，春城買藥未還家。

雲林畫山水竹石

元 華幼武

秋雲無影樹無聲，湛湛長江鏡面平。遠岫煙銷明月上，小亭危坐看潮生。

青山白雲圖

黃潛

十年失脚走紅塵，忘却山中自有白雲。忽見畫圖疑是夢，冷花涼葉思紛紛。

題米南宮雲山圖

宋 魏了翁

漠漠雲林疊疊山，誰家茅屋隱松間。石橋雨過天台遠，采藥仙人去未還。

郭熙秋山平遠

蘇軾

目盡孤鴻落照遙，知風雨不同川。此間有句無人識，送與襄陽孟浩然。

題周文翰郭熙山水

張耒

洞庭葉落万波秋，說與南人亦自愁。指點吳江何處是，一行鴻雁海山頭。

寒村雪暮圖

宋 吳師道

木杪栖鴉影已殘，沙邊落雁雪猶寒。江南江北曾行路，今日山窗借畫看。

書惠崇春江曉景圖

蘇軾

竹外桃花三兩枝，春江水暖鴨先知。
蒹葭滿池蘆芽短，正是河豚欲上時。

書李世南所畫秋景

野水參差落漲痕，疎林歌倒出霜根。
扁舟一棹歸何處，家在江南黃葉村。

題溪村煙雨圖

元 郊 韶

山雨朝來不作泥，望中煙霧使人迷。
依稀絕似羗村路，無數春船逆上溪。

寄石田先生

明 失 名

寄將一幅剡溪藤，江面青山畫幾層。
筆到斷崖泉落處，石邊添箇看雲僧。

宋徽宗雪江獨棹圖

僧宗泐

良岳秋深，百卉腓，胡塵吹滿，充龍衣，淒涼五國城邊，路得似寒江獨棹歸。

過鶴汀書齋觀董文敏畫

清 李基和

曉雨初晴，烟未收，江雲一帶引輕舟，模糊認得南徐樹，不到家山十六秋。

為朱蘊泉題杏花春雨圖

舒 瞻

淺深春色幾枝含，翠影紅香半欲酣。
簾外輕陰人未起，賣花聲裏夢江南。

題建溪圖

唐 方 干

六幅輕綃畫建溪，刺桐花下路高低。
分明記得曾遊處，祇欠猿聲與鳥啼。

朱陳村圖

宋蘇軾

我是朱陳舊使君，勸耕曾入杏花村。而今風物那堪畫，縣吏催錢夜打門。

觀明州圖

王安石

明州城郭畫中傳，尚記西亭一艫船。投老心情非復昔，當時山水自依然。

題范才元湘江喚舟圖

朱松

天涯投老鬢驚秋，夢想長江碧玉流。忽對畫圖揩病眼，失聲便欲喚歸舟。

題茗溪漁隱圖

胡仔

溪邊短短長，柳波上來來。本去船鷗鳥，近人渾不畏。一雙飛下鏡中天。

卷起綸竿，撇擻短篷斜掩。

宿漁磯，日高春睡無人喚。撩亂楊花，繞夢飛。

題三茅風雨圖

蔡肇

筆間雲氣生毫末，紙上松聲聽有無。收得三茅風雨，樣高堂六月是水壺。

題漢宮圖

明羅倫

白蛇中斷赤旗開，四百年中夢兩回。惟有終南舊山色，雨餘猶自送青來。

桃源圖

薛蕙

溪上春風笑語溫，溪頭春水漲新痕。中原逐鹿人誰在，桃葉桃花自一村。

題淵明像

元林景清

南山秋色滿東籬，彭澤歸來髻未絲。白酒黃花聊自足，扶筇絕勝折腰時。

松下淵明圖 僧良琦

謝安却為蒼生起陶令可辭
印綬迴若使生逢聖明世青
松老盡不歸來

明皇打毬圖 宋晁說之

宮殿千門白晝開三郎沈醉
打毬回九齡已老韓休死明
日應無諫疏來

題馬遠竹溪吟奕圖

元陶宗儀

好詩應向過橋成逸興還從
對局爭此日山林無一事竹
香細細晚風清

東坡赤壁圖 鄭允端

老瞞雄視欲吞吳百萬樓船
一炬枯留得清風明月在網
魚謀酒付髯蘇

題揚妃上馬圖 宋韓駒

翠華將幸長生殿立馬樓前
待貴妃尚覓君王一回顧金
鞍欲上故遲遲

避暑圖 元黃潛

邱一壑古遺民十里清風
不屬人閑對青山揮羽扇世
間何物是紅塵

俠客圖 宋陸游

趙魏胡塵十丈黃遺民膏血
飽豺狼功名不遺斯人了無
奈和我白面郎

題蠶婦圖 明趙雙硯

蠶未成絲葉已無鬢雲撩亂
粉痕枯宮中羅綺輕如布爭
得王孫見此圖

題老嫗騎牛吹笛圖

范氏

玉環賜死馬嵬坡出塞昭君

怨更多爭似阿漣牛背穩
笛中吹出太平歌

背面美人圖 宋樓鑰

睡起昭陽暗淡粧
不知緣底背斜陽
若教轉眄一回首
三十六宮無粉光

宮女圖 明高啓

女奴扶醉踏蒼苔
明月西園侍宴回
小犬隔花空吠影
夜深宮禁有誰來

仕女春繡圖 楊基

風送楊花滿繡床
飛來紫燕亦雙雙
閑情正在停針處
笑鬢殘絨唾碧牕

和張矩臣水墨梅 宋陳與義

自讀西湖處士詩
年年臨水看幽姿
晴窗畫出橫斜影
絕

勝前村夜雪時

墨梅 陳簡齋

粲粲江南萬玉妃
別來幾度見春歸
相逢京洛渾依舊
唯恨緇塵染素衣

宋徽宗畫半開梅

明張廌

上皇朝罷酒初酣
寫出梅花蓋半含
惆悵汴宮春去後
一枝流落到江南

詠物類

夕陽 唐韓偓

花前灑淚臨寒食
醉裏迴頭問夕陽
不管相思人老盡
朝朝容易下西牆

春月 金呂中孚

柳塘漠漠暗啼鴉一鏡晴飛
玉有華好是夜闌人不寐半
庭寒影在梨花

八月十四夜 宋 孫復

銀漢無聲露暗垂玉蟾初上
欲圓時清樽素瑟宜先賞明
夜陰暗未可知

十五夜望月 唐 王建

中庭地白樹栖鴉零露無聲
濕桂花今夜月明人盡望不
知秋思在誰家

中秋月 宋 蘇軾

暮雲收盡溢清寒銀漢無聲
轉玉盤此生此夜不長好明
月明年何處看

中秋無月 范成大

撲地痴雲欲萬重家家簾幙
護房櫳世間第無情物誰

似中秋雨與風

中秋無月 金 元敏之

佳辰無物慰相思先賞空吟
昨夜詩莫怪更深仍坐待密
雲或有暫開時

秋風 清 吳若華

滿耳蕭騷夢不成殘雲涼月
夜淒清等閑吹落長林葉雜
入千家擣練聲

風止 宋 范成大

收盡狂飈卷盡雲一竿晴日
曉光新柳魂花魄都無恙依
舊商量作好春

雲 唐 朱鵠

千形萬象竟還空映水藏山
片復重無限早苗枯欲盡悠
悠閑處作奇峰

孤雲 張喬

舒卷因風信，所之碧天孤。影勢遲遲莫，言長是無心。物還

有隨龍作雨時。
宋 僧奉忠

如峯如火復如綿，飛過微陰落檻前。大地生靈乾欲死，不成霖雨謾遮天。

曉霧
揚萬里

不知香霧濕人鬚，日照鬚端細有珠。政是春山眉樣翠，被渠淡粉作糊塗。

水村霧
葛長庚

淡處還濃綠處青，江風吹作雨毛腥。起從水面縈層嶂，恍似簾中見画屏。

雨
唐 杜牧

連雲接塞添迢遞，灑暮侵燈送寂寥。一夜不眠孤客耳，主

人窗外有芭蕉

春雨
宋 揚萬里

却是春殘景更佳，詩人須記許生涯。平田漲綠村村麥，嫩水浮紅岸岸花。

長安春雨
唐 羅鄴

兼風颯颯灑皇州，能滯輕寒阻勝遊。半夜五侯池館裏，美人驚起為花愁。

雷雨
宋 劉克莊

海激天翻電電噴，蒼空十丈劈為薪。須臾龍卷他山去，誤煞田頭望雨人。

初秋暮雨
揚萬里

禾穉輕黃尚淺青，村春已報隔林聲。忽驚暮色翻成曉，仰見雙虹雨外明。

秋雨

濕侵團扇，不能輕冷逼孤燈。
分外明蕉葉半黃，荷葉碧兩
般。秋雨一般聲。

雨意

宋 鄭清之

雲頭點地黑如黥，雨脚粘天
未肯飛。待得風師來判斷，一
齊併作晚涼歸。

夜雪

蘓軾

石泉凍合竹無風，夜色沉沉
萬境空。試向靜中閑側耳，隔
窗撩亂撲飛蟲。

夜雪

清 張實居

斗室香添小篆煙，一燈靜對
似枯禪。忽驚夜半寒侵骨，流
水無聲山皓然。

雪中偶題

唐 鄭谷

亂飄僧舍茶煙濕，密灑歌樓
酒力微。江上晚來堪畫處，漁

翁披得一蓑歸。

泉

崔塗

遠辭巖竇瀉潺湲，靜拂雲根
別故山。可惜寒聲留不得，旋
添波浪向入間。

小池

宋 楊万里

泉眼無聲澀細流，樹陰照水
愛晴柔。小荷纔露尖尖角，早
有蜻蜓立上頭。

題韋家泉池

唐 白居易

泉落青山出白雲，縈村繞郭
幾家分。自從引作池中水，深
淺方圓一任君。

和茅山高拾遺山泉

儲嗣宗

香味清機仙府回，縈紆亂石
便流盪。春風莫泛桃花去，恐
引漁人入洞來。

漁莊

明李瓚

織織新月上，簾鈎楓葉蒨。
花隔水秋一曲，清歌來送酒。
雙鬟小妓木蘭舟。

溪聲

清趙俞

結廬何日住，深山竹月松。
風相對，閑却笑溪聲忙。
底事奔流偏欲到人間。

老將

黃宗臣

百戰曾騎汗血駒，專征方里
度龍沙，玉閔生入頭如雪。
風雨悲歌劇孟家。

羽林騎

唐韓翃

駿馬牽來御柳中，鳴鞭欲向
渭橋東。紅蹄亂踏春城雪，
花領驕嘶上苑風。

獵騎

杜牧

已落雙鷗血，尚新鳴鞭走馬

又翻身，憑君莫射南來雁。
恐有家書寄遠人。

漁父

陸龜蒙

雨後沙虛，古岸崩魚梁移入。
亂雲層崑時月墮，汀洲暗認
得妻兒。結網燈

漁父

宋游次公

竹裏茅茨竹外溪，粼粼白石
護漁磯。想應日日來垂釣，石
上蓑衣不帶歸。

漁父

明高准

撒網移舟碧浪中，一蓑一笠
任西風。生平自得煙波興，醉
卧蘆花月滿缸。

漁翁

唐柳宗元

漁翁夜傍西巖宿，曉汲清湘，
燃楚竹煙。消日出，不見人，欵
乃一聲山水綠。

漁翁

宋葉唐卿

籃裏無魚欠酒錢，酒家門外繫漁船。
幾回欲把蓑衣當，又恐明朝是雨天。

淮上漁者

唐鄭谷

白頭波上白頭翁，家逐船移浦浦風。
一尺鱸魚新釣得，兒孫吹火荻蘆中。

牧童

宋闕名

草鋪橫野六七里，笛弄晚風三四聲。
歸來飽飯黃昏後，不脫蓑衣卧月明。

牧童

清薛龍光

藉草眠莎任自由，煙蓑雨笠不關愁。
日斜橫笛穿林去，倒跨烏犍過渡頭。

村女

元方回

青荷葉傘茜裙紅，隨母歸寧

省外翁莫笑梳粧未，京樣兵餘猶見太平風。

賣薪女

唐白居易

亂蓬為鬢布為巾，曉踏寒山自負薪。
一種錢塘江畔女，著紅騎馬是何人。

貧女

宋朱繼芳

燈下穿針影伴身，嬾將心裏訴諸親。
阿婆許嫁無消息，芍藥花開又一春。

貧女

王禹

難把菱花照素顏，試臨春水插花看。
木蘭船上遊春子，笑指荊釵下遠灘。

上竿伎

晏殊

百尺竿頭裊裊身，脚騰跟倒駭傍人。
漢陰有叟君知不，抱甕區區亦不貧。

觀繩伎

清俞倉石

一線騰身險復安，往來不厭
幾回看笑他着脚，寬平者行
路如何尚說難。

傀儡

唐玄宗

刻木牽絲作老翁，鷄皮鶴髮
與真同。須臾弄罷，寂無事還
似人生一夢中。

鶴

唐褚載

欲洗霜翎，下澗邊却嫌菱刺
污香泉。沙鷗浦雁應驚訝，一
舉扶搖直上天。

獨鶴

韋莊

夕陽灘上立徘徊，紅蓼風前
雪翅開。應為不知棲宿處，幾
回飛去又飛來。

失鶴

陸龜蒙

養汝由來歲月深，籠開不見

意沉沉。想應只在秋江上，明
月蘆花何處尋。

架鷹

崔鉉

天邊心膽架頭身，欲擬飛騰
未有因。万里碧霄終一到，不
知誰是解條人。

早雁

明高棟

涼霜八月塞天寒，飛度衡陽
楚水寬。少婦樓頭初掩瑟，一
行先向夕陽看。

歸厂

唐錢起

瀟湘何事等閑回，水碧沙明
兩岸苔。苔二十五絃彈夜月，不
勝清怨却飛來。

鴛鴦

吉師老

江島濛濛煙靄微，綠蕪深處
刷毛衣。渡頭驚起一雙去，飛
上文君織錦機。

鷺

宋 趙希翦

漠漠江湖自在飛，一身到處
占漁磯。稻田水淺魚能幾，枉
被泥沙汙雪衣。

鷺鷥

唐 鄭 谷

閑立春塘煙淡淡，靜眠寒葦
雨颼颼。漁翁歸去沙汀晚，飛
下灘頭更自由。

放鷺鷥

李 中

地塘多謝久淹留，長得霜翎
放自由。好向蘆葦深處去，月
明應認舊江秋。

燕

宋 劉克莊

野老柴門日日開，且無欄檻
礙飛迴。勸君莫入珠簾去，羯
鼓如雷打出來。

新燕

元 張弘範

海棠開後月黃昏，王謝樓臺

寂寂春柳外，東風花外雨香
泥高壘畫堂新。

新燕

明 王 恭

海燕雙雙下柳塘，主家臺榭
已荒涼。玉牕綉戶春雲外不
忍翻飛過別牆。

歸燕下第後獻主司

唐 章孝標

舊壘危巢泥已落，今年故向
社前歸。連雲大厦無棲處，更
遠誰家門戶飛。

子規

羅 鄴

蜀魄千年尚怨誰，声声啼血
染花枝。滿山明月東風夜，正
是愁人不寐時。

子規

李 中

暮春滴血一聲聲，花落年年
不忍聽。帶月莫啼江畔樹，酒

醒遊子在離亭

子規

杜荀鶴

楚天空濶月成輪蜀魄声声
似告人啼得血流無用處不
如緘口過殘春

聞子規

宋楊万里

花愁月恨只長啼雨夕風晨
不住飛自出錦江歸未得至
今猶勸別人歸

夜聞子規

朱熹

空山初夜子規鳴靜對琴書
百慮清喚得形神兩超越不
知底是斷腸声

畫眉鳥

宋歐陽脩

百轉千声任意移山花紅紫
樹高低始知鎖向金籠聽不
及林間自在啼

画眉鳥

文同

盡日間惚坐好風一声初聽
下高簷公庭事簡人皆散如
在千岩万壑中

凍鳥

元貢性之

江天歲晚景淒淒雲脚低垂
望欲迷水鳥畏寒飛不起黃
蘆枝上並頭棲

翠禽

宋王復之

擺弄風前翠羽衣小魚剽掠
費心機平生不解窺江海長
向污池求去飛

十二紅

明揚基

何處飛來十二紅万年枝上
立東風楚王宮殿俱零落說
盡春愁細雨中

寒雀

宋楊万里

百千寒雀下空庭小集梅梢
語晚晴特地作團喧煞我忽

然驚散寂無聲

咏馬

唐 唐彦謙

峻嶒高聳骨如山，遠放春郊
苜蓿間。百戰沙場汗流血，夢
魂猶在玉門關。

馬

宋 程致道

誰遣生駒玉作鞍，春來苜蓿
徧春山。自知不入黃麾仗，振
鬣長鳴出帝關。

桃花馬

元 胡炳文

望夷宮裡失天真，走入桃源
避虐秦。背上落紅吹不散，至
今猶帶武陵春。

老馬

明 王恭

百戰沙場老此身，長楸宮草
幾回春。只今棄擲寒郊路，猶
自悲鳴戀主人。

題犬

元 貢性之

深宮飽食恣猙獰，卧毯眠氈
慣不驚。却被捲簾人放出，宜
男花下吠新晴。

蟬

宋 寇準

寂寂宮槐雨乍晴，高枝微帶
夕陽明。臨風忽起悲秋思，獨
聽新蟬第一聲。

聞蟬

唐 趙嘏

噪蟬聲亂日初曛，絃管樓中
永不聞。獨奈愁人數莖鬢，故
園秋隔五湖雲。

秋日見蝶

明 朱靜庵

江空月落，戶聲悲。霜涼丹楓，
百草萎。胡蝶不知身是夢，又
隨秋色上寒枝。

螢

唐 羅鄴

水殿西風玉戶開，飛光千點
去還來。無風無月長門夜，偏

向階前照綠苔

流螢詞

明安期

熠熠流光漾水烟池亭雨歇

晚涼天西風吹墮紅蕖裡照

見鴛鴦自在眠

蛩

唐郭震

愁煞離家未達人一声声到

枕前聞苦吟莫向朱門裡滿

耳笙歌不聽君

聞蛩

白居易

暗蟲唧唧夜綿綿况是秋陰

欲雨天更恐愁人暫得睡声

声移近卧床前

蚊

清黃中堅

斗室何來豹脚蚊殷如雷鼓

聚如雲無多一点英雄血閑

到衰年忍付君

澗中魚

唐白居易

海水桑田欲變時風涛翻覆

沸天池鯨吞蛟鬪波成血深

澗遊魚樂不知

放魚

竇鞏

金錢贖得免刀痕聞道禽魚

亦感恩好去長江千万里不

須辛苦上鼉門

梅花

宋方岳

竹繞疎籬水遠邨一枝相伴

到黃昏暗香似識騷人意月

淡無風自入門

早梅

唐張謂

一樹寒梅白玉條迥臨村路

傍溪橋不知近水花先發疑

是經春雪未消

梅月吟

宋姚宗佐

梅花得月太清生月到梅花

越樣明襟月蕭疎兩奇絕有

久踏月繞花行

雪梅

楊万里

雪正飛時梅正開，倩人和雪折庭梅。莫教顛脫梢頭雪，千
萬輕輕折取來。

惜梅

元僧明本

香銷泥汙，意衰田掠，地迴風玉作堆。愁絕黃昏，無一語怕
看孤月上，愁來。

探梅

清沈德潛

才過野店，便溪橋，携却詩囊。又酒瓢，但覓幽香，最深處，不
須前路問山樵。

盆梅

宋樹穀

數枝也復影橫斜，惹得羈人鄉夢賒。拋却西谿千樹雪，瓦
盆三尺看梅花。

紅奮

元丁鶴年

姑射仙人鍊玉沙，丹光晴貫洞中霞。無端半夜東風起，吹
作江南第一花。

院桃再花有感

清蔣士銓

竹外重開一兩枝，花神何事與秋期。風霜影裡誇顏色，也
是人生晚達時。

梨花

宋黃庭堅

桃花人面各相紅，不及天然玉作容。總向風塵塵莫染，輕
輕籠月倚牆東。

和孔密州東欄梨花

蘇軾

梨花淡白柳深青，柳絮飛時花滿城。惆悵東欄一株雪，人
生看得幾清明。

杏花

唐羅隱

暖氣潛催次第芽，春棋花已謝。

杏花新半開半落，閑園裡何異，榮枯世上人。

海棠 宋 蘇軾

春風嫋嫋沉崇光，香霧霏霏月轉廊。只恐夜深花睡去，高燒銀燭照紅妝。

海棠 陸游

蜀地名花擅古今，一枝氣可壓千林。譏彈更到無香處，常恨人言太刺深。

興教寺海棠 明 楊慎

兩樹繁花占上春，多情誰是惜芳人。京華一朵千金價，肯信空山委路塵。

白秋海棠 清 尤怡

誰將清淚洒幽輝，散作瑤華別有姿。最是玉人腸斷後，淡妝無語背人時。

揚花 唐 吳融

不鬪穠華不占紅，自飛晴野雪濛濛。百花長恨風吹落，唯看揚花獨變風。

揚花 金 高士談

來時官柳萬絲黃，去日飛毬滿路傍。我比揚花更飄蕩，揚花只是一春光。

木犀 宋 楊万里

只道秋花艷未強，此花儘更有商量。東風淅得千紅紫，曾有西風半點香。

凝露堂木犀

夢騎白鳳上青空，徑度銀河入月宮。身在廣寒香世界，覺來簾外木犀風。

百日紅 明 楊慎

李徑桃蹊與杏叢，春來二十

四番風朝開暮落渾堪惜何似彫闌百日紅

槐花

唐 翁承贊

雨中粧點望中黃勾引蟬聲送夕陽憶得當年隨計吏馬蹄終日為君忙

雨中看牡丹

竇深賓

東風未放曉泥乾紅藥花開不奈寒待得天晴花已老不如攜手雨中看

裴給事宅白牡丹

開元名公

長安豪貴惜春殘爭賞新開紫牡丹別有玉盤承露冷無_下人起就月中看

芙蓉

高蟾

天上碧桃和露種日邊紅杏倚雲栽芙蓉生在秋江上不

向東風怨後開

茉莉花

元 江奎

雖無艷態驚群目幸有清香壓九秋應是仙蛾宴歸後醉來掉下玉搔頭

月季花

宋 韓琦

牡丹殊絕委春風籬菊蕭疎怨晚叢何似此花榮艷足四時常放淺深紅

十日菊

唐 鄭谷

節本蜂愁蝶不知曉庭還繞折殘枝自緣今日人心別未必秋香一夜衰

重陽後菊花

宋 范成大

寂莫東籬濕露華依前金靨照泥沙世情兒女無高韻只看重陽一日花

虞美人

明 孫齊之

薔薇開盡綠陰涼西國名花
此際芳夜月空懸漢宮鏡幽
姿猶帶楚雲粧

秋荷

唐 羊士諤

紅衣落盡暗香殘葉上秋光
白露寒越女含情已無限莫
教長袖倚闌干

敗荷

宋 黃 濟

紅錦機空水國窮轉頭千蓋
偃秋風鴛鴦一段榮枯事都
在沙鷗冷眼中

牽牛花

白石

青花綠葉上踈籬嫋嫋長條
竹尾垂老覺淡粧羞有味滿
身花露立多時

殘花

唐 韋 莊

江頭沈醉泥斜暉却向花前
慟哭歸惆悵一年春又去碧

雲芳艸西依依

落花

宋 僧贊寧

蝶醉蜂狂香正濃晚來階下
墜衰紅開時費盡陽和力落
處難堪一陳風

種花

歐陽脩

淺深紅白宜相間先後仍須
次第栽我欲四時携酒去莫
教一日不花開

買花

清 王澤弘

賣花擔上露纔乾野老移來
滿藥欄拋却故山花事盛翻
來燕市買花看

惜花

唐 張 泌

蝶散鶯啼尚數枝日斜風定
更離披看多記得傷心事金
谷樓前委地時

柳

杜 牧

數樹新開翠影齊，倚風情態
被春迷。依依故國樊川恨，半
掩村橋，半拂溪

柳

羅隱

灞岸晴來送別頻，相偎相倚
不勝春。自家飛絮猶無定，爭
把長條絆得人

柳

李中

春來無樹不青青，似共東風
別有情。閑憶舊居湓水畔，數
枝烟雨屬啼鶯

柳

唐彥謙

絆惹東風別有情，世間誰敢
鬪輕盈。楚王宮裡三千女，饑
損蠻腰，李不成

柳

宋張耒

永豐坊裡舊腰肢，曾見青青
初種時。看盡道傍離別恨，爭

教風絮不狂飛

柳

明陳輝

空塘流水浸長條，細雨踈烟
拂灞橋。長笛數聲人不見，春
風斜繫水蘭橈

楊柳枝

唐劉禹錫

城外春風吹酒旗，行人揮袂
日西時。長安陌上無窮樹，唯
有垂楊管別離

春江一曲柳千條，二十年前

舊板橋。曾與美人橋上別，恨

無消息到今朝

楊柳枝

白居易

紅板紅橋青酒旗，館娃宮暖
日斜時。可憐雨歇東風定，萬
樹千條各自垂

楊柳枝

溫庭筠

宜春門外最長條，閑裊春風

伴舞腰。正是玉人腸斷處。一渠春水未闌橋。

和練秀才折楊柳

楊巨源

水邊楊柳。麴塵絲立馬。煩君折一枝。唯有春風最相惜。殷勤更向手中吹。

芳草

羅鄴

芳艸和煙暖。更青閑門要路。一時生年年點檢。人間支唯有春風不世惜。

青蔬

宋張耒

新春書劍滯江城。又見南蔬入旅羹。關心太昊祠前路。小甲連畦帶雪青。

蕉雨

清高珩

風動仙鸞尾。滿庭幽人歎枕。幾回聽雨聲。昨夜添多少。又

展芭蕉一葉青

茶

宋林逋

石碾輕飛瑟瑟聲。塵乳香烹出建溪。春世間絕品人難識。閑對茶經憶故人。

詠酒

唐汪遵

萬事銷沈向一杯。竹門啞軋為風開。秋宵睡足芭蕉雨。又是江湖入夢來。

糖霜

宋楊万里

亦非崖蜜亦非錫。青女吹霜凍作冰。透骨清寒輕著齒。嚼成人跡板橋聲。

荔枝

唐韓偓

封開玉籠雞冠濕。葉襯金盤鶴頂鮮。想得佳人微啓齒。翠釵先取一雙懸。

蒲萄

韓愈

新莖未遍半猶枯，高架支離
倒復扶。若欲滿盤堆馬乳，莫
辭漆竹引鼃鬚。

史 元 劉 因

記錄紛紛已失真，語言輕重
在詞臣。若將事事求心跡，恐
有無邊受屈人。

硯 清 顧 陳 埈

端溪誰割紫雲腴，萬古文心
向此攄。小点墨池成巨浪，就
中飛出北溟魚。

禿筆 宋 林 逋

神鋒雖缺力能存，架琢珊瑚
欠策勲。日暮閑窗何所似，灞
陵憔悴李將軍。

扇 東 坡

團扇經秋似敗荷，丹青髮髯
舊松蘿。一時用舍非吾事，舉

世炎涼奈爾何

謝 鄭 閔 中 惠 高 麗 画 扇

黃 庭 堅

會稽內史三韓扇，分送黃門
畫省中。海外人烟來眼界，全
勝博物注魚蟲。

琵琶 唐 白 居 易

絃清撥刺語錚錚，背却殘燈
就月明。賴是心無惆悵事，不
然爭奈子絃聲。

風箏 清 徐 天 球

誰向天邊認塞鴻，但憑一紙
可騰空。任他風信東西轉，百
丈遊絲在堂中。

江帆 唐 羅 鄴

別離不獨恨蹄輪，渡口風帆
羨更頻。何處青樓方凭檻，半
江斜日認歸人。

花上金鈴

宋 蕭水崖

搖曳金鈴日幾回，不教紅紫委蒼苔。誰知鳥雀驚飛去，別有樹花野鹿來。

燭淚

元 張弘範

惜別終宵話不休，煌煌燈燭照離愁。蠟花本是無情物，特向人前也淚流。



幼學詩選坤之卷終

跋



余嘗評古人絕句，至盛唐而供奉龍標，中唐而君虞為得，晚唐而玉溪樂川，是其寂也。然及細觀之，玉溪不及樂川，遠甚。唯樂川以氣勝，夫氣勝則筆健，世以小杜目之，宜矣。偶與素一談，及此事，素一日甚。

然吾願未暇高論
如此但鄙見低說
欲勉課幼學耳
因出亦其手輯幼
學詩選屬余跋
一言夫秦一作文
有奇氣當考先
師山陽翁所稱詩
今也斯選雖名曰
考幼學而首以奇
響逸韻別出一種
活眼目以選不必

沽之時好也此選
如行則庶幾使
童蒙近白明清
遠邇三度也先
師有言古當破
顏地下笑

時

嘉永紀元戊申

以首頁

以滕城山人

自跋

幼学詩選二編 近刻

嘉永二孟春

小林新兵衛

江戸

永樂屋丈助

京 風月庄左衛門

大坂 河内屋喜兵衛

永樂屋東四郎

名古屋 同 太助

萬屋東平

